

WAN

Wantok (Boroko, Papua New Guinea)
SSH Current Shelves
UC San Diego
Received on: 06-26-06



OCEAN BLUE
Tuna in oil
Rait teist
yah!



Namba 1661 NIUSPEPA BILONG YUMI OL PNG STRET!

Wan Wik, Me 25 - 31, 2006 K1.00 long
Mosbi tasol - Ausait Mosbi K1.30

**ACP - EU Kibung Spesol
4- pes insait -**

**WANTOK Katun na
Pilal - Pes 31**

**STORI BILONG REBIT
INSAIT LONG PNG - PES 33**

OL TISA GO BEK WOK

Noreen Dada i raitim

OL TISA bai mas go bek long wok tude na larim gavman i stretim hevi bilong ol. Dispela tok i kam long ol eksekutiv bilong ol tisa taim ol i sindaun long narapela bung aste (Trinde) apinun.

Nesenel Kapitel Distrik (NCD) Presiden bilong PNG Tisa Asosiesen (PNGTA) Andrew Nuabo i toktok strong long ol tisa long go bek long wok.

"Yumi pait long rait bilong yumi tasol yumi mas tingim ol pikinini na ol papama husat i salim ol pikinini i kam long skul," Mista Nuabo i tok.

Ol i mekim dispela bung aste bikos i bin i gat planti paul tingting namel long ol tisa yet long ol i bai go bek long wok o nogat.

Las wik Fraide long 8 kilok long nait, Tisa Sevis Komisen (TSC), PNG Tisa Asosiesen (PNGTA) na Edukesen Dipatmen i sainim nupela Memorendum ov Agrimen (MOA) o tok wanbel.

Insait dispela tok wanbel ol eksekutiv i tok orait long go bek long wok long Mande 22 Me long 8 kilok moning.

Long autim dispela nius, ol eksekutiv long Sarere i tokaut long midia long mekim singaut i go long ol tisa long go bek long wok.

Lukim moa stori long ol tisa straik long PES 2

- 'Rausim Edukesen Minista'
- 'Kantri gat hevi long givim sevis'
- 'Ol tisa bai lukim pe senis'
- **KOMENTRI: 'Wanem as bilong ol straik?'**

MOSBI REDI LONG ACP-EU KIBUNG



PAWA LAIN: Peter Baki (werim kep) na Tommy Kelis bilong PNG Pawa i wok long hatwok long stretim pawa long Sir John Guise Stadium long Mosbi. Wankain olsem olgeta arapela lain i hatwok long stadium, ol i wok long stretim ol wan wan ol samting long redi bilong bikpela kibung bilong ol Afrika Karibien na Pasifik kibung wantaim Yuropien Yunien (European Union o EU) we bai i stat neks wik. Dispela kibung bai namba wan bikpela kibung bilong yumi PNG long lukautim.



TOYOTA

RAV4

LIMITED STOCK
AVAILABLE NOW

- Powerful 2.4 litre Petrol engine
- 5 Speed manual & 4 Speed automatic
- Electronic 4WD control system

Ela Motors
TOYOTA



Wheels for the Nation

Phone: 3229400

www.elamotors.com.pg

✓ More Power ✓ More Space ✓ More Comfort ✓ More Style ✓ More Features

Rausim edukesen minista

...Singaut bilong Momase PNGTA

Veronica Hatutasi
i raitim

MOMASE PNG Tisa Asosiesen Seketeriet i laikim Praitim Minista long pinisim pinisim Edukesen Minista na putim kea teka minista long stretim hevi bilong ol tisa long PNG.

Long wankain taim, gutpela sindaun na ol skul i ron gut i no kamap long Momase rijen na kantri, ol tisa i paul na planti i no laikim Memorandum ov Andastending (MOA) we PNG Tisa Asosiesen, PNG Tising Sevis Komisn na Edukesen Dipatmen i bin sainim las Fraide.

Arnold Kondil i bosim Momase PNG TA i makim ol Momase tisa na tok olsem.

Mista Kondil i tok tisa straik i go longpela taim tumas na nau Minista Michael Laimo i no wokim samting long stretim hevi hariap.

"Momase Seketeriet i luksave olsem nau edukesen minista i no inap long stretim gut dispela tisa straik hevi. Em i klostu wampela mun nau dispela hevi i stap

na i luk olsem i nogat gutpela bekim yet long stretim.

"Mipela i laikim praim minista i makim kea teka minista, wankain olsem em bin wokim long keis bilong Yunivesiti ov PNG hevi las yia long rausim Haia Edukesen Minista Brian Pulayasi na putim Don Polye olsem kea teka minista na em bin stretim UPNG straik," Mista Kondil i tok.

Em i tok nau yet, ol tisa i paul na ol i rijektim o tok nogat long MOU ol bikman bilong ol i bin sainim long las wik Fraide.

Ol i no save gut long ol samting i stap insait long dispela MOU na ol i laikim wampela kombain grup i gat long em ol lain long PNGTA, TSC na Edukesen Dipatmen long mekim klia (MOU) long ol.

Em i tok wampela kombain PNGTA, TSC na Edukesen Dipatmen grup bai stap long Lae long dispela Fraide long mekim klia MOU i go long ol tisa long Momase rijen.

Em i tok ol tisa i sanap wantaim na ol i laikim bai gavman i painim mani we ol i mas lukim

long potnait pe bilong ol.

Em i tok long dispela taim, ol tisa i paul na i no olgeta i go long skul na olsem, edukesen insait long Momase rijen i no go bek long wok yet.

Long wankain taim, ol tisa long Hailans rijen i kisim gutpela tingting na planti i go bek long wok nau.

Bos bilong Hailans rijen PNGTA, Peter Wama i tok long tumora, tupela opisa bilong Nesenel Menesmen Tim bai mekim klia MOU i go long ol tisa long rijen na ol i ken save wanem samting tru ol bai kisim.

Em i tok Etnimistresen, Peirol lain na Task Fos i gat bikpela wok nau long mekim klia na stretim pe bilong ol tisa.

Em i tok ol sumatin na moa yet, ol Gret 10, long rijen bai ino bungim hevi bikos planti tisa i bin wok yet long taim ol NCD na ol arapela tisa i bin lusim wok long Me 10 yet.

Wantok i harim olsem ol tisa bai i gat bikpela wok tu long holim ol ekstra klas bikos ol sumatin i bin lusim planti lessen long 2-pela wik straik.



KAIKAI BILONG KROS: Bikpela kros i kamap namel long ol teksi draiva insait long Mosbi Siti taim ol i bung na pasim tok olsem ol i les long putim ol mita insait long ol teksi bilong ol. Kros i bruk i go na ston i plai i go insait long banis bilong trenspot dipatmen na glas bilong wampela kar bilong ol i bruk. *Lukim stori long Pes 8-SAUTEN NIUS*

Kantri gat hevi long givim sevis

Veronica Hatutasi
i raitim

....Ol biurokret i slek

PNG i gat bikpela hevi long givim gutpela sevis i go long ol pipel, moa yet ol sivil woklain bilong em olsem ol tisa na nes.

Arnold Kondil em bikman bilong Momase han bilong PNG Tisas Asosiesen long Lae taim em i autim dispela tok i tok wankain hevi nau i wok long kamap long ol nes, ol tisa na ol paia paita i kam insait long wankain hevi na lusim wok tude.

Lawrence Namaro,

em Presiden bilong PNG Neses Asosiesen i autim wankain tingting na tok Dipatmen bilong Industri Rilesen i mas stretim em yet na wok patna wantaim ol gavman Dipatmen long stretim ol wari bilong ol tisa, ol nes na ol arapela sivil sevan husat i sevim pablik bilong dispela kantri.

"Ol dispeia hevi i kamap bikos ol biurokret (ol bikman bilong gavman) i slek.

Ol i mas rausim ol. Planti taim nau, yumi lukim olsem ol Minista i no kisim gutpela tok stia long ol etvais," Mista Namaro i tok.

Mista Kondil i tok hevi i wok long kamap nau i no bilong nau na i kamap olsem bikos ol pastaim gavman i no bisi long stretim.

"Stat yet long ol pas-

taim gavman, ol i no bisi long rait bilong sivil sevan husat i save stap na wok wantaim ol pipel na ol i les nau long gavman i no stretim wari bilong ol.

"Bikpela stil na paulim mani pasin i kamap long ples klia tude we ol sinia pablik sevan na politisen i save wokim.

"Ol Palamen memba i sapos long sapotim ol rait na risos bilong pipel. Na taim ol wok i go gut long sait bilong baset na kisim sevis i go long ol pipel, bai nogat nois. Tasol PNG i gat bikpela hevi long dispela," Mista Kondil i tok.

Em i tok em i stret tasol nau long gavman i givim long ol tisa ol dinau samting bilong ol.

Long Traibunel rivyu bilong ol nes, Mista

Namaro i tok ol i givim laspela sans i go long gavman na neks Trinde, Me 29 long Pablik Sevis Abitresen Konsiliesen na Abitresen Traibunel i givim disisen bilong em long awot bilong ol nes.

Long las yia, ol nes, long kantri i bin holim 16 de straik bihain long gavman i no inapim wari bilong ol long riklasifikesen rivyu, haus na hom onasip skim, insurens na statim ritrensman pekej bilong ol.

Long Janueri 26, Traibunel i sapos long harim ripot na disisen bilong gavman long dispela tasol ol i wok long surukim taim i go.

"Gavman i wok long pilai na surukim samting i go moa. Mipela i no amamas tasol mipela i givim wampela wik moa tasol na sapos nogat, samting bai go narakain," Mista Namaro i tok.

Ol tisa bai lukim pe senis

...Askim long ol tisa i go bek wok

Veronica Hatutasi i raitim

OL TISA bai lukim senis long potnait pe bikos samting we ol i pait long em bai go insait long pe stat long Julai 5.

Nesenel Presiden bilong PNG Tisas Asosiesen Tommy Hecko i tok dispela i bihainim Memorandum ov Andastending (MOU) agrimen we PNGTA, Tising Sevis Komisn na Edukesen Dipatmen i bin kamap wantaim na sainim leit las Fraide.

Tasol i kam inap aste, planti tisa insait long Nesenel Kapitel Distrik i no kisim gut toktok na ol i no go bek long skul.

Na askim i go gen long ol na olgeta tisa long NCD na kantri long go bek long skul.

Nesenel Presiden bilong PNG Tisas Asosiesen, Tommy Hecko i tokim Wantok olsem bikos planti

tisa i no kisim gut nius yet long dispela na tu, ol i no klia long ol samting i stap insait long dispela MOU, na ol i no go bek long wok.

Tasol em i tok dispela MOU ol i sainim long gavman inapim ol wari bilong ol tisa em i bihainim lo na ol tisa i mas bihainim.

Ol bikpela samting i stap long dispela MOU em: 1- Gavman i tok orai long wari bilong ol tisa na lukluk long inapim ol.

Deit Julai 5 em peimen long stretim 4 pesen pei i go antap na andapeimen bai stat. 2- Bai Patiser Task Fos komiti we Pablik Sevi: Konsiliesen na Abitresen Traibune bai supavaisim na Edukesen Minista i givim strongpela tokto/ olsem ol bai lukluk gut na inapim c wari bilong ol tisa na askim ol long go bek long wik long dispela wi Mande.



COFFEE INDUSTRY CORPORATION LTD

WEEKLY MARKETING PRICES -Week ending 12/05/06.
NOTE: All prices are quoted in Kina per kilogram.


	GREEN BEAN (Delivered-In-Store)				PARCHMENT (Factory Door)			CHERRY	
	ARABICA				ROBUSTA	ARABICA			ROBUSTA
	A	X	PSC-X	Y1	Robusta	Class 1	Class 2		Robusta
KAINANTU	NB	NB	-	NB	-	3.70 to 3.80	- to 3.50	-	- to 1.00
GOROKA	600 to 800	560 to 600	530 to 570	520 to 550	-	3.50 to 3.70	2.40 to 3.60	-	70 to 100
KUNDIAWA	NB	NB	-	NB	-	- to 3.60	-	-	-
MINI/BANZ	NB	NB	-	NB	-	3.50 to 3.70	3.20 to 3.40	-	NA
MT. HAGEN	NA	NA	-	NA	-	3.40 to 3.50	3.35 to 3.45	-	- to 0.95
LAKE	- to 6.00	- to 5.80	- to 5.30	- to 5.20	- to 6.00	- to 3.20	- to 3.00	NQ	-
ASEKI	NB	NB	-	NB	-	NB	NB	NQ	-
AVERAGE	6.44	5.84	5.40	5.36	NQ	3.53	3.18	NB	0.91

NQ: Nogat Kwot. NB: I no baim. NA: I no gat

Ol Wol kopi prais i wok long go daun yet wantaim arabika i pinisim wik long US\$2.22/kg na ol prais bilong robasta insait long London i lusim @21/ton. Long hia, averes net FOB Y-gret i pinisim wik long K5.52/kg, na i wankain tasol olsem wik i go pinis. Averes DIS prais bilong Y-gret na fektori dua prais bilong pasmen i pinisim wik daunbilo moa long K5.36/kg na K3.53/kg. Seri prais i pinisim wik long K0.90/kg.

Lukautim Kopi na Kopi Bai Lukautim Yu

Redio didiman bringim toksave long rurel famas



REDIO DIDIMAN: Mista Kuglame long lephan wantaim tupela CIC ofisa long Madang em meri Ambrosia Saito na PFTEC Philip Puke.

James Kila i raitim

PLANTI ol smolholda famas insait long rural eria insait long Papua Niugini i mas kisim gutpela toksave long helpim ol long wok bilong ol insait long agrikalsa industri.

Olsem tasol redio program ol i kolim "Redio Didiman" em sampela redio stesin aninit long Nesenel Brodcasting Koporesin (NBC) i mekim gutpela wok tru long kamapim dispela we i go insait stret long ol rurel ples na haus bilong ol pipel long toksave long ol long wanem ol samting i kamap insait long agrikalsa sekta long PNG.

Dispela ol FM ben bilong NBC i bin kamap gutpela tru na planti lain stret insait long rurel eria i bin harim ol redio didiman program bihain long Japanis Intanesin Kuaperesin Ejensi (JICA) i bin helpim ol long kirapim gen.

Kredit na koporetiv Kodineta bilong Kopi Industri Koporesin (CIC) Brian Kuglame i bin mekim dispela toktok bihain long em i yusim redio long bringim toksave bilong program bilong em aninit long Smolholda Agrikalsa Kredit Skim i go long ol fama insait long Hailans rijen na Madang stat long las wik.

Mista Kuglame i bin raun stat long lsten Hailans, Chimbu, Westen Hailans na Madang provins long givim toksave igo long ol smolholda kopi fama husat i kisim dinau long SACS program na tu Kopi Kredit Garenti Skim (CCGS) long redim ol yet gut bikos ol lain bilong CIC wantaim ol opisa bilong Rurel Developmen Benk (RDB) bai mekim lukluk raun i go long ol fama husat i kisim dinau na toktok wantaim ol long rot bilong bekim bek dinau na skurim yet dispela dinau program na ol narapela fama insait long kantri tu i ken kisim helpim.

Em i givim gutpela toksave tru taim em i yusim redio didiman program na toksave long ol redio stesin long bringim dispela tok i go aut na ol fama i mas redi gut na bungim ol CIC na RDB opisa long traime stretim ol yet long bekim bek ol lon o dinau na ol narapela famas i ken kisim,

Mista Kuglame i bin mekim toktok long program "Kopi na Yu" insait long KBK FM long Goroka wantaim anaunsa Terry Andali na bihain em i bin go long Kundiawa we wankaim script o redio program em i CIC media opisa i bin givim i go long nusman bilong NBC long Kundiawa Theo Thomas husat i mekim wanpela nius ripot we i bin kamap long NBC Nesenel Karai Sevis.

Bihain long Kundiawa, Mista Kuglame i bin go olgeta long Westen Hailans provins we em i givim toktok bilong em long Eagle FM wantaim anaunsa na man we planti manmeri long Kange kantri i save gut tru long nek bilong em Stanley Piel. Dispela toktok bilong Redio Didiman long Kange kantri em stail mangi ya Stanley Piel i putim gut tru long harim bilong ol famas insait long Westen Hailans provins.

Bihain long Westen Hailans, Mista Kuglame i bin kisim kar gen na kalapim ol maunten na bikpela bris na wara na go olgeta long kantri bilong ol bilak-bikos long Madang we em i bungim tupela opisa long hap em Provinsal Fama Trening na Ektensin Kodineta (PFTEC) Philip Puke wantaim mobail ektensin ofisa Ambrosia Saito na bihain ol i go na lukim NBC Redio Madang na givim program long han bilong anaunsa Michael Samuga, husat i bin putim gut tru long redio stesin long harim bilong olgeta lain insait long Madang provins.

Anaunsa Samuga i tok tu olsem redio em wanpela bikpela rot tru long givim toksave na infomesin na edukesin i go long ol lain manmeri husat i stap long longwe ples insait long bus tru husat ino gat sans long baim niuspepa na rid. Redio tasol i gat pawa long bringim toksave igo long ol dispela lain pipel.

Mista Kuglame i bin givim planti gutpela toktok long bekim ol askim i kam long ol anaunsa long redio long gutpela bilong kofi industri na ol rot we program bilong em i kamap wantaim long kisim bek ol dinau moni nau i stap long han bilong ol fama. Dispela ol wok em CIC wantaim RDB i laik wok bung wantaim aninit long SACS program insait long wanpela Stratejik eksin Plen.

Insait long dispela wokabaut Mista Kuglame i bin toktok wantaim ol CIC opisa long ol provins na tu long ol ples olsem Westen Hailans, Chimbu na lsten Hailans em i bin givim toktok ol long kopi fama husat i stap insait long ol SACS program long wanem wok ol i mas mekim long strongim wok bilong ol na tu ol i mas kamapim nambawan kwaliti kopi tasol.

Long sait bilong kamapim kwaliti kopi, Mista Kuglame i bin givim strongpela toktok tru olsem olgeta kopi fama insait long kantri i mas kamapim gutpela kwaliti kopi bikos ol lain long ovasis husat i save dring kopi bilong yumi i laikim kwaliti kopi tasol sapos ol fama i no bihainim dispela em bai bagarapim gutpela nem bilong PNG long wol maket.

PNG Maikro-fainens kisim luksave

Andrew Molen i raitim

PNG Maikro fainens limited (PNGML) i save helpim ol liklik manmeri na nau ol i kisim luksave bilong wanpela intanesenel ogenesesen husat i kamap sea holda bilong en.

Intanesenel Fainens koporesin (IFC) long Mande dispela wik i sainim wanpela tok orait wantaim PNG Sastenabol developmen program limited (PNGSDP) na Benk Saut Pasifik (BSP) long kamap wanpela sea holda bilong PNGML.

Aninit long dispela tok orait, IFC bai givim US\$1 milien (K3.19 milien) olsem invesmen i go long PNGML.

Dispela bai mekim IFC i gat 19% sea insait long PNGML wantaim PNGSDP na BSP.

"Maikro-fainens i save helpim planti ol liklik manmeri husat i no save kisim gutpela benk sevis, dispela em isipela benk sevis we i save helpim ol liklik pipol," Siaman bilong PNGSDP Dokta Ross Garnaut i tok.

Em i tok IFC em i wanpela han bilong Wol Benk na bai givim strong long sait bilong ol teknikel samting.

"Mi amamas long dispela projek na em i ken kisim gutpela na isipela benk sevis i go long planti manmeri insait long kantri," Dr Garnaut i tok.

"Dispela em i wanpela bikpela samting tru insait long go bilong Maikro fainens.

"Mipela bai mekim dispela i kamap wanpela gutpela institusen we bai helpim olgeta liklik manmeri bilong kantri," Siaman bilong PNGML, Brown Bai tok.

IFC i tok ol i gat bilip long wok bilong PNGML olsem na ol i givim han long en bilong wanem em i wanpela program we bai helpim gut ol pipol.

"Mipela i bilip olsem PNG i ken kamap olsem piksa bilong ol narapela kantri long Pasifik, em i gat gutpela astingting long daunim pasin lus," Levon Shalamberidze bilong IFC i tok.

"Em i wok long 105-pela kantri pinis na mipela i laik bai PNGML i kamap gut long PNG tu," em i tok.

Menesing dairekta bilong PNGML, Mista Paul Thornton i tok PNGML i gat moa long 1 milien manmeri nau i putim moni wantaim ol long Balimo, Daru, Kiunga, Tabubil na Lake Murray/Obo long Westen provins, Koki long NCD, Popondetta na Wau maikro fainens long Morobe.

Minista bilong Maining, Sam Akoitai tok dispela tok orait bai no i nap helpim tasol PNGML tasol ol pipol bilong PNG wantaim.

"Wok bilong PNGML i lukluk long hevi bilong ol manmeri long ol rurel eria na long ol taun na siti tu," Mista Akoitai tok.

Em i tok gavman i luksave long tingting bilong PNGML long helpim ol liklik pipol husat i save sanap

longpela taim long lain long ol bikpela benk.

"Gavman i sanap redi tu long sapatim PNGSDP wantaim PNGML," Mista Akoitai tok.

PNGML i kirap long lukluk long hevi bilong ol liklik manmeri husat i no save kisim gutpela sevis long ol bikpela benk.

Astingting bilong en, em long helpim ol pipol long sevim liklik moni bilong ol long benk na kisim dinau wantaim ol rot we bai mekim isi long ol i ken bekim.

Oi i gat wanwan akaun bilong sevim moni olsem bilong skul fi, long baim wanpela bikpela samting na ol narapela.

POSF
TOKTOK
SUPA

Stretim ol rekot bilong Memba

Wanpela bikpela hevi we POSF i save gat em long stretim gut ol rekot bilong memba. Dispela hevi i save kamap planti taim long wanem POSF i gat bikpela namba tru bilong ol memba. Bikpela hevi tru em long ol Tisa, Polis, Koreksenol Sevises na ol Wokmanmeri bilong Helt husat i save trense i go kam long ol provins na ol ples insait long kantri.

Taim dispela trense i kamap, Dipatmen na Memba i no save stretim rekot wantaim POSF long ol nupela ples na kontek deteils. POSF i save tasol long dispela olpela kontek deteils Memba i putim long Membasip Aplikesen Fom taim em i stat kontribut i go long Fan.

Dispela i save kamapim hevi tu taim POSF i salim stetmen na ol arapela infomesen bilong memba. Planti taim ol infomesen POSF i salim i go long olpela o pos ofis bokis namba we i pas pinis olsem na planti ol pas i save kambek long POSF. Bihain POSF i salim i go long het opis bilong wokples bilong memba tasol planti taim ol memba i no save kisim.

Sapos yu wanpela memba bilong POSF na yu no kisim enuel stetmen o arapela infomesen i kam long meil, yu mas kontekim POSF na stretim ol pesenol deteils bilong yu. Dispela em i bikpela samting tru.

Moa long Stretim rekot bilong Memba long Fonde long wik i kam.

Long moa toksave ringim:

POSF Counseling Officer - Ph: 309 5252 o

Fund Administrator - Ph: 308 3888 o

180 1414 (Fri lain)

POSF Regional Offices: Lae 472 2272,

Mt Hagen 542 1182,

Rabaul 982 8900

Morobe kalsa so pulim planti pipel

Paulus Tali i raitim

MOA long 5,000 pipel i bin bung long lukim Morobe Biang Nagyam Kalsa so long dispela wik.

Nain pela distrik insait long Morobe provins i stap insait long dispela kalsa so.


Long opim so, Luteran het bisop, Dokta Wesley Kigasung i bin tok kalsa em i bikpela samting na Morobe i gat planti gutpela kalsa we ol i mas tok tenkyu long Bikpela long en.

Morobe Gavana Lyther Wenge i bin autim bikpela tok amamas bilong em long Gavana Jenerel Sir Paulias Matane i bin go kamap tu long dispela so.

Bikpela toktok em bin wokim em long noken promotim ol nait klab samting bikos kalsa bilong yumi i mas sanap strong i stap. Dispela em wankain toktok we Dokta Kigasung i bin wokim long en.

Gavana Wenge i bin givim K150,000 long sapatim Biang Nagyam Fetivel. Ol narapela kampani tu i bin givim mani helpim long sapatim festival tu.

Ol samting i kamap long dispela wik...



MAKIM ROT BILONG ILEKSEN: PNG Iektorel Komisina (PNGEC) i makim pinis rot bilong bihainim i go inap nesanel ileksen neks yia. Las wik Fraide, ol i lonsim Koperet Plen bilong ol long 2005 i go inap 2007. Iektorel Komisina Andrew Trawen i tok dispela Koperet Plen i makim rot long planti samting we ol luksave long en pinis long ol ileksen i kamap long 2005 na nau ol i redi long go het wantaim nupela komon rol we wok bilong stretim i wok long ron gut. Em i tok Iektorel Bauris Komisina i bin givim tingting bilong em pinis, na PNG Iektorel Komisina i luksave long laik bilong palamen long ol i no tok oraitim. Iektorel Komisina bilong Australia, Paul Dacey husat i bin wok wantaim PNGEC long stretim dispela koperet plen i tok olsem ol wokmanmeri bilong PNGEC em ol nambawan wok lain tru na olgeta manmeri insait long kantri i mas givim olgeta sapot long ol bilong mekim 2007 ileksen i kamap gut.

42 resis long rejinel sia

NOMINESEN bilong Nesanel Kepitel Distrik (NCD) na Koroba Lake Kopiago pas long Trinde wik i go pinis na kempen wok i wok long kamap strong tru.

Namel long 21 man, tupela meri i resis long NCD rejinel sia na wanpela meri kendidet tasol i resis wantaim 17 man long sanap long Koroba Lake Kopiago sia.

Voting bilong tupela distrik bai stat long Julai 8 we NCD bai pinis vot long Julai 10.

Koroba lake Kopiago bai pinis long Julai 15 2006.

NEC rausim SHP edministreta

BRIAN Pebo i no moa provinsel edministreta bilong Sauten Hailans Provins.

Praim Minista i rausim em long mekim wok painim aut insait long ron bilong fainens sait bilong provins.

Gavman i rausim Mista Pebo long opis long Fonde wik i go pinis na makim kea teka edministreta.

Tu ol i kamapim wanpela independen tim long karim aut dispela wok painim aut.

Singaut long glasim praivet lo kampani

PRAIM Minista Sir Michael Somare i singaut long kamapim wok painim aut i go insait ol praivet lo kampani.

Dispela tok i kam bihain long ol toktok we i tok ol praivet lo kampani i save kisim bikpela moa mani tumas long sevis bilong ol.

Sampela het man bilong ol dispela lo kampani i welkamim dispela singaut na i tok em i bai givim gutpela sans long ol i tok aut long wei ol i yusim mani na hamas ol i save sasim.

Lain Amerika painim Wol Wo 2 balus

WANPELA grup bilong ol lain Amerika i painim Wol Wo 2 balus insait wel graun bilong Noten Provins.

Dispela Boeing 17 balus i slip aninit Aigiambo Lake liklik moa long sikspela ten yia taim ol lain Japan i sutim em i go daun long yia 1942.

Ol lain Amerika i laik salim wan wan pat bilong balus i go bek long Amerika bihain ol i tok ol i kisim tok orait long Nesanel Musium long karim, i go.

Tasol Gavman i gat sampela askim bilong dispela na i stopim ol long mekim dispela wok.

K8 milien long nupela kalabus

EM bai kisim moa long K8 milien long kamapim nupela Boram kalabus insait long Is Sepik Provins.

Eria ol i givim long mekim nupela kalabus i olupela Dipatmen bilong Praimeri Indastra stesen long Passam tasol ol opisel i tok dispela graun i liklik tumas.

Ol i laik senisim ples we kalabus i stap nau bikos long wok long mekim ples balus long Wewak moa bikpela.

Ol opisel i stap insait toktok long senisim disisen bilong putim nupela kalabus long Passam i go long ples klostu o insait Wewak.

Singaut long strongim Lidasip Kod

TRANSPARENSI Intenesanel bilong PNG (TIPNG) i mekim singaut long strongim Lidasip Kod bikos em i wanpela wei tasol long kotim ol lida husat i mekim asua.

TIPNG i mekim dispela singaut bihain long Karen wok painim aut ol i mekim insait long Ombudsman Komisen.

Ol i tok Ombudsman i save go pas long egensim korapsen bikos long lo wok em i gat long strongim na glasim ol lida husat i mekim asua.

TIPNG i singaut i go long pablik long soim sapot bilong ol long Ombudsman Komisen long salim ol pas i go long Palamentri Selek Komiti husat i ronim wok painim aut.

Wok painim aut bilong Ombudsman Komisen bai pinis long Jun 16.

Baset bilong ACP-EU bung orait

DAIREKTA Jeneral bilong PNG Ivens Kaunsil Seketeriet i tok ol i gat inap mani long ronim Afrika, Kerebien na Pasifik (ACP)- Yuropien Yunien (EU) bung.

Mista Aiwa Olmi i no amamas long niuspepa ripot we i tok kaunsil i yusim pinis K9 milien we gavman i givim long ronim dispela bikpela bung.

Mista Olmi i tok ol i askim tasol long K500,000 moa long baim moa sia na tebol.

ACP-EU bung bai stat long Me 28 na bai pinis long Jun 2.

Paia sevis statim straik

OL wokman bilong paia sevis insait Pot Mosbi i statim straik bilong ol tude long tok aut long bel hevi bikos long non peimen insait pe bilong ol.

Straik bai bagarapim faivpela sevis senta insait long siti.

Lae, Goroka, Mt Hagen, Madang, Wewak, Popondetta, Alotau na Kimbe tu i pinis wok tude long stap insait long straik.

Dispela straik i kam bihain gavman i no bekim askim bilong ol aninit long wanpela Memorendum ov Agrimen we ol i bin sainim long 2005.



PNG EVENTS COUNCIL SECRETARIAT

Paradise Opis Complex Kumul Avenue,
Locked Bag Sevis 2005 Waigani NCD



PABLIK TOKSAVE

**Sir John Guise Spots Stedium bai pas
long 21 Me inap Jun 2, 2006**

PNG Sports Commission na PNG Events Council Secretariat i laik toksave long olgeta spot grup olsem Sir John Guise Stedium bai pas long 21 Me inap Jun 2, 2006.

Pablik i mas painim ol arapela hap long pilai taim ol i stretim Indo Stedium na ol ples arere long en.

Dispela em long redi long Afrika Kariemben na Pasifik (ACP) Kaunsil ov Ministas kibung na join ACP-EU Kaunsil ov Ministas kibung long Me 28 i go inap Jun 2, 2006.

Kaunsil Seketeriet bilong ol Spot pilai na Menesmen bilong PNG Sports Commission i askim long wokbung bilong yupela long ples bai stap klin na redi bilong dispela bikpela intanesanel kibung.

Tenkyu long tingsave na helpim bilong yupela.



Ambeseda Aiwa Olmi
Dairekta Jeneral
PNG Events Council Secretariat

Akoitai toktok wantaim Musingku

I LUK olsem hevi long Saut Bogenvil we giaman kwik mani bisnis U-Vistrak na bos bilong em, Noah Musingku i kamapim bai klostu pinis sapos ol toktok i go gut.

Dispela i bihainim Maining Minista Sam Akoitai husat i toktok nau wantaim Mista Musingku long Tonu, Siwai insait long Saut Bogenvil.

Em i klostu wanpela yia nau taim hevi long Saut Bogenvil i go strong taim 8-pela Fiji soldia i bin go long eria wantaim bilip long kisim mani we ol bin putim long U-Vistrak sampela yia i go pinis.

Tasol long wankain taim, ol bin wok long trenim ol yangpela man Bogenvil olsem ol sekuriti na soldia bilong Mista Musingku.

Ol wok namel long PNG gavman, Otonomes Bogenvil Gavman na Fiji Hai Komisin long traim

mekim ol Fiji soldia i lusim Bogenvil i pun-daun long yaupas.

Tripela tasol long 8-pela i lusim Bogenvil las yia bipo krismas tasol 5-pela i skruim stap bilong ol long Tonu na go insait long ol kain wok we i bagarapim gutpela sindaun Bogenvil i kisim planti yia bilong hatwok long kamapim.

Tasol nau Minista Akoitai i bin kisim askim long Mista Musingku long go long Tonu na toktok wantaim em i wanpela gutpela rot we Presiden Kabui tu i sapatim.

Tasol Presiden Kabui i tok ol Fiji soldia na Musingku i mas noken abrusim ABG husat i no laik larim ol dispela lain i go fri olsem ol nesenel gavman i bin mekim long narapela tripela Fiji soldia na tupela waitman etvaisa bilong leit Francis Ona las yia.

Presiden Kabui, Polis Minista long ABG,

...ABG strong long sasim ol Fiji soldia

Ezekiel Massat na ol arapela lida moa i strong olsem ABG i mas kisim ripot bilong ol Fiji soldia na sasim ol bipo em i larim i go long Mosbi na aut long kantri.

Ol i tok ol dispela lain

i kamapim hevi long ol wok bilong gutpela sindaun we ABG na ol arapela pipel long Bogenvil i wok hat long kamapim.

Long wankain taim, Ol lida bilong Saut Bogenvil i laikim bai

Otonomes Bogenvil Gavman i mas stretim hevi wantaim lain bilong Noah Musingku long gutpela rot bilong sindaun na toktok.

Na i no pasin bilong pait wantaim gan.

Dispela i bihainim tok

orait we ABG i givim long ol polis na 30 spesel polis i go long saut Bogenvil na daunim lo na oda hevi long hap.

Insait long wanpela bung las wik long Buka, ol Saut Bogenvil lida olsem Komyunikesen Minista Moses Koiri na Spika Nick Peniai, Siaman bilong Saut Bogenvil Developmen

Faundesen, Joseph Noro na ol arapela i bin bung wantaim ABG Presiden Joseph Kabui na Bogenvil Etnimistreta Peter Tsiamalili.

Na bikpela toktok ol bin wokim em long ABG i stretim dispela hevi long gutpela rot na i no long pasin bilong pait bikos dispela i ken kamapim moa hevi.

Kabui singautim ol meri Bogenvil long sapatim ABG

Aloysius Laukai i raitim

OL i tokim ol meri Bogenvil long wok wantaim Bogenvil Otonomes Gavman (ABG) long daunim ol hevi na tu, long ol wok developmen bilong rijen.

Presiden bilong ABG, Joseph Kabui i wokim dispela singaut bihain ol meri i bin wokim wanpela mas long Buka long egensim rot we ABG i bihainim long stretim Noah Musingku na U-Vistrak hevi.

Ol ripot long las wik i tok ABG i tok oraitim ol resistens paitman na polis long go long Tonu insait long Saut Bogenvil long stretim hevi we Mista Musingku wantaim giaman mani bisnis na ol Fiji soldia i kamapim long Bogenvil.

Long las Fraide, ol meri i bin mas wantaim wanpela petisen i go long opis bilong ABG long stopim em long go hetim ol plen bilong em.

Mista Kabui i bin tokim ol meri long sapatim ABG na painim rot long daunim ol hevi we i stopim gavman long go het na karimaut gut wok.

Em bin tokim ol meri bilong noken wari bikos ABG i sanap strong na em i noken larim narapela woa i kamap gem long ailan.

Em bin wari long lukim ol hap pepa ol meri i karim taim ol i mas wantaim ol hap toktok long ol samting bipo long hevi na tokim ol meri long stopim dispela na wok wantaim gavman long painim gutpela sindaun long lo na oda hevi i stap nau long Bogenvil.

Em i tok sapos ol meri i wari, i gutpela moa sapos ol i ken wokim mas long Tonu tasol ol i tok ol bai wokim yet wanpela long hap.

Long wankain taim, meri lida husat nau i Deputi Siameri bilong Nesenel Brotkasting Komisin na pastaim Presiden bilong Bogenvil Wimens Kaunsel, Theresa Jaintong na nau Presiden Ms Somol i autim wari long mas bilong ol meri long Buka.

Tupela i tok ol i no wanbel long mas bikos ol i bilip olsem sampela long ol lain i go pas long mas i sapatim wanpela sait long ol grup i kamapim hevi nau.

Ms Jaintong i tok i moabeta ol meri i mas long ol rotblok long Saut na Sentrel Bogenvil we ol yangpela man bilong Buka i save lukautim na tu, singautim bek ol pikinini bilong ol i stap long Tonu na kisim trening long ol Fiji soldia.

TREID-IN

SENSIM KAINKAIN OLPELA ELECTRIKOL SAMTIN NA SEVIM MONI LONG NUPELA TV

KISIM IKAM OL KAINKAIN OLPELA ELEKTRIKOL SAMTIN NA SEVIM MONI LONG BAIM NIUPELA TV

Kes Moni
K229



ENZER GA1528 #2258
CD-Radio Kaset Rekorder
Potabol Digital Sterio
• 4-wel Spika Sistem • Supa Beis • Programim CD-Play • Oto Stop • Bilt-in Edfon Jek

SEVIM K70

Diposit K1 Tasol!
K11
Long Fotnait
Dinau K279

BAIM KAINKAIN KAGO PRAIS NA GO INSAIT LONG DRO WE YU GAT SANS LONG WINIM OL STATE OF ORIGIN PRAIS

LUKAUT LONG OL TOKSAVE BILONG DISPELA PROMOTIONAL SAIT I STATE OF ORIGIN AT COURTS

Bipo Kes K1,899
K799



NECCHI
670/150-2 #522706
OVA LOKA

SEVIM K300

Diposit K1 Tasol!
K32
Long Fotnait
Dinau K919

Kes Moni
K499



ATA EN14-85N #161794
14" KALA TV
• NTSC plai bek • oto painim, storim, pasimaut fansen • AV IN/A UT • remot kontrol

SEVIM K21

Diposit K1 Tasol!
K21
Long Fotnait
Dinau K579

Kes Moni
K899



TOSHIBA
6.5 KG speis
Twin Teb Wasin Masin
• taem bilong wasi • taem bilong sputrodota • seli lid • rasputul • ovalo rinsin sistem

SEVIM K36

Diposit K1 Tasol!
K36
Long Fotnait
Dinau K1,039

Kes Moni
K2,399



PHILIPS FWD576/21M
DVD Mini Hi-Fi Sistem
7500W PMPO 3 DVD Senis
• (2x100W RMS) Pik Miusik Pawa Autput • 3-Wel Spika Sistem wantaim Mex beis pot • Pleim DVD, Dvix, (S)VCD, MP3-CD, WMA-CD, CD (RW) & Piksa CD

SEVIM K91

Diposit K1 Tasol!
K91
Long Fotnait
Dinau K2,759

Kes Moni
K1,599



Fisher & Paykel Aktiv Smat™ C170T
170 Litras 2 Doa Frost FFI FFI5/FFI5A (Walt)
• aktiv smat ilektronk inteligens • 2 pela variabol spid fens
• alogen laits • fitim 2 lita botol lon doa • bokis bilong ol kumu
• adjastim self long doa na kabinets • adjastim lek

SEVIM K61

Diposit K1 Tasol!
K61
Long Fotnait
Dinau K1,839

COURTS

Edim valu OLGETA dell

PORT MORESBY - OP 7 PELA DEI ☎ 302 5800 or kam long Spring Garden Rot, Gordons / LAE: OP MON-SAT ☎ 472 4800 or kam long Milfordhaven Rot, Lae, Morobe Province.

TOKSAVE: Courts Redi Release i form long you updat kam lukim nigsah long liden mas toksave. Courts K1.00 DISPOSIT itap na bilong you, kam lukim nigsah long liden mas toksave long dispela i RRP / Price bilong PNG. *Pras nigsah i makim long ol hajo long dispela edvelimen long long senih Mista Mista na bai nigsah toksave long dispela senih. Mipela igat rait long stretim kam ol asan kamap long ol grup-pela edvelimen. Ol hajo bin stap long stoa taim mipela stamin dispela edvelimen. Warwan kago bai no stap long narapela stoa. Igit Fri GRT sapos itap.

Sevis Impruvmen Progrem bai helpim Sandaun

Noreen Dada i raitim

OL SKUL insait long Sandaun provins i save givim oda bilong ol kos buk 17-pela mun bipo ol nupela skul yia i stat.

Dispela em i wanpela bilong 4-pela eria Sevis Impruvmen Projek (SIP) tim i painim aut taim ol i lukluk long mekim sevis i ron gut insait long provins.

SIP opisa husat i go pas long grup, Simon Cholai, i tok ol eria we ol bai lukluk long mekim gut em edukesen, helt, agrikalsa na provin-sel etminstresen.

Mista Cholai long Fraide las wik i tok long sait bilong ol, ol bai traim long daunim dispela 17-pela mun i go daun long tripela wik tasol.

"Ol sumatin na skul i save wet 17-pela mun na dispela i moa long wanpela yia we ol i wet tasol long kisim kos buk.

Em i no gutpela, i gat ol sistem na proses i stap we yumi ken lukim sevis i ron gut na hariap long ol pipel," Mista Cholai i tok.

Ol arapela eria olsem helt i lukluk long apim namba bilong ol bebi long kisim bebi sut.

Agrikalsa bai lukluk long stretim husat atoriti tru ol didman i mas ripot bek long en.

Long dispela taim, ol i wok long salim ripot i kam long distrik etmin-istreta husat ol i tok em i no save long didman wok na dispela i kamapim sampela hevi na wari.


Long provinsel etminstresen, SIP tim bai lukluk long stretim wok bilong wan wan wok man insait long opis.

SIP i bin kamap long yia 2002 aninit long Pablik Sekta Rifom Menesmen Yunit (PSRMU) bilong gavman.

Bikpela wok bilong en em long helpim ol provins i tretim ol eria we ol i ting sevis i no ron gut.

Tu, long mekim ol pablik seven luksave long wok bilong long givim gutpela sevis insait long wan wan wok bilong ol.

Sandaun i go pas wantaim Manus, Westen Hailans, Nu Ailan, Milen Be, Is Nu Briten na Wes Nu Briten long kisim dispela helpim long SIP.



VOLANTIA I HELPIM: CHRIS Clark em wanpela long ol tenpela ovasis volantia i wok wantaim ol asples bilda long sanapim haus aninit long Habitat for Humanity Progrem (HHP) we i save helpim long sanapim ol haus long ol rurel eria bilong helpim daunim poveti o trangu pasin. HHP i bin sainim agrimen wantaim Telikom las wik long wokim 11-pela haus (bilong Telikom) long Madang. Kos bilong bildim ol haus-em K385,000 we ol bai pinisim long mun Oktoba long dispela yia.

Luteran Siping woklain kisim skul long AIDS

Paulus Tali i raitim

OL wok manmeri na famili bilong Luteran Siping kampani long Lae, Morobe provins i bin kisim skul long AIDS.

Luteran Laip Kea i bin givim kos long wok manmeri na famili bikos sik AIDS i wok long go bikpela long PNG na ol manmeri i mas save long rot sik i kam long

en na rot we ol i ken abrusim.

Man i go pas long givim kos, Pasto Garry Barime i bin tokim ol lain long kos olsem taim ol i karim ol pasindia long sip i go na i kam, ol i mas lukautim gut sip na ol pasindia wantaim. Na i no rot long karim sik i go na i kam na skruim i go bikpela moa.

Meri i bin makim Morobe Provinsel AIDS Kaunsel long

kos, Misis Goneaka i bin toktok long 5-pela rot we AIDS i kalap hariap na givim tok lukaut.

5-pela rot em naitklab, Pots haiwe, Praivet sekta, Difens, CIS na ol bikman.

"Lukaut i mas stap long yumi wan wan long daunim ol kain sik. Nogut bai pren, brata na susa bilong yu i dai nating," Misis Gonaeka i tok.



TOKSAVE

PNG Waterboard i laik tok sore long ol bisnis, gavman na pablik long Maunten Hagen long pasim ron bilong wara. As bilong dispela em long wanem sampela lain long Maunten Hagen i wok long givim tok pret long ol wokmanmeri bilong PNG Waterboard bikos ol i tok PNG Waterboard i no baim graun bilong ol yet.

Pablik i mas save long ol dispela samting:

1. Suprim kot long Disemba 2005 i bin rausim wanpela Apil bilong PNG Waterboard agensim Oda bilong Nesenel Komisina bilong Graun na Nesenel Kot long ol i mas baim K375, 000.00 long graun we Waterboard i sanapim marasin tenk bilong klinim wara.
2. Dispela kot oda em bilong PNG Waterboard long baim "Gabriel Mage Kama na ol arapela" K375, 000.00 wantaim narapela 8% intares bilong Februeri 2002 na ol arapela kos.
3. Bihaunim ol dispela oda bilong kot, PNG Waterboard i baim Gabriel Mage Kama husat i mausman na tu loya bilong ol, moni inap olsem K497, 500.00. Kot i givim oda olsem ol moni go long mausman Gabriel Kama i mas bruk namel long ol ara pela papa graun. Moni i go long Gabriel Kama em (i) sek Namba 078793 bilong K100, 000.00 (ii) sek Namba 079149 bilong K347, 500. 00 na long ol Poro loya em sek Namba 079150 bilong K50, 000.00 Ol dispela moni ol i baim pinis em i kandim prinsipol na intares tasol. Ol arapela kostim nogat.
4. Stet i baim pinis K125, 000.00 i go long ol papa graun bilong dispela wankain hap graun antap long ol moni PNG Waterboard i baim pinis.

Dispela toktok bilong sampela ol papa graun olsem PNG Waterboard i no baim graun bilong ol em i no tru olsem ol trupela toktok we mipela i soim antap.

PNG Waterboard i tok lukaut olsem em bai kotim husat papagraun, o wan wan man-meri i bagarapim bisnis bilong en, i bagarapim ol Waterboard wokmanmeri o bagara-pim ron bilong wok long givim ol besik sevis i go long ol bisnis, Gavman na pablik insait long Maunten Hagen Siti.

Tok orait i kam long Patrick K. Amini OBE CE na Menesing Dairekta PNG Waterboard

PNG em Paradais

Bustin Anzu i raitim

BISOP bilong Evanjelikel Luteran Sios bilong Papua Niugini (ELC/PNG) i tok kantri bilong mipela em Paradais olsem na em mas stap Paradais yet.

Planti manmeri bilong narapela kantri i laikim PNG i mas stap Paradais yet.

Bisop Reveren Dokta Wesley Kigasung i tok PNG em wanpela fit kantri insait long wol olsem na ol i save kisim plan-ti nius lain i save rabisim kantri bilong ol long wanem ol i no laik bai dispela Paradais kantri i bagarap.

"Papua Niugini i gat planti samting, olsem bilas bilong ples wan-taim ol gutpela minerel risos na ol marin risos olsem na ol manmeri long ausait i no laik bai mipela i bagarapim ol

dispela kala olsem na ol i save wokim planti rabis stori long nius bilong ol," em i tok.

Em i mekim dispela toktok bihain long pasim wanpela wik workshop bilong ol Infomesen Opisa's trening we i kamap long Balob Tisa Koles las wik Fraide.

Em i tok pasin bilong lo na oda tasol i daunim planti hevi bilong kirapim na kamapim dispela ples na dispela i save givim rong piksa i go long wol na planti i save ting PNG em kain ples olsem.


Bisop Kigasung, husat i les long ol ofa long kamap tisa long sampela ol bikpela Yunivesiti insait long ol narapela kantri bihain long kamap bisop bilong Luteran Sios long PNG i tok kantri bilong ol i no olsem ol narapela kantri we i save sot long planti

samting na tu planti trabel i save kamap.

"Tasol dispela em ol i save karamapim na sutim pinga long kantri bilong mipela long lo na oda hevi. Dispela em long toksave long mipela long mipela mas stap paradais na i no long bagarapim wantaim ol lo na oda insait long kantri," em i tok.

Em i tok tu olsem Papua Niugini em wanpela las kantri insait long wol na mipela mas lukautim gut kantri bilong mipela na i noken bagarapim.

"Pasin bilong lo na oda tasol i save daunim planti developmen insait long kantri na dispela tu i save mekim na planti inves-ta long narapela kantri i les long kam wokim bisnis insait long kantri.



AI I OP STRET: Tupela yangpela bilong Karolina long USA em Sandwich (meri) wantaim Jesse Christensen i bung wantaim wanpela singsing grup bilong Kerowagi long Simbu provins long Goroka.

Tupela yangpela turis tok PNG em spesol ples long wol

James Kila i raitim

TUPELA yangpela man na meri bilong Karolina (Carolina) Stet insait long Yunaitet Stet ov Amerika (USA) i lukim driman bilong tupela i karim kalkai stret taim ol i kamap long Isten Hailans provins na bungim ol manmeri bilong PNG insait long tumbuna bilas stret.

Dispela tupela em yangpela meri Sandwich na narapela em wanpela man Jesse Christensen.

"Mipela i save lukim long intanet na mipela i save tingting planti olsem ating em mas wanpela rimout o hait ples tru insait long wol ya," yangpela meri Sandwich i tok.

"Tasol kam bilong mipela long PNG na stap na raun na toktok wantaim ol pipel long PNG mekim mipela amamas tru na mipela i ken tok olsem PNG em

wanpela spesol kantri tru insait long wol," Sandwich i tok.

Yangpela man Jesse Christensen i tokim Wantok olsem wanem samting ol i lukim na long wokabaut bilong ol wantaim ol pipel bilong PNG olsem ol lain Chimbu na Isten Hailans insait long PNG Kopi Festival, ol i tokaut olsem PNG em wanpela kantri we pasin poroman na pasin bilong laikim wanpela arapela i stap.

Dispela tupela yangpela turis i bin raun long PNG Kopi Festival na lukim planti ol kain kain bilas na ol i guria stret. Ol i no bilip olsem PNG em i gat planti gutpela kala tru na ol kain kain bilas ol manmeri i werim na danis i narakain tru long ol yet.

Tupela i bin mangalim tru bilas bilong wanpela singsing grup bilong Kerowagi insait long Simbu provins na i wokabaut bihainim ol lain manmeri ya na

stori gut tru long ol i stap taim Wantok Niuspepa i bungim ol.

Tupela i bin save long PNG taim tupela i skul yet na lukim ol stori bilong PNG long intanet na bihain tupela i basetim ol poketmani bilong ol na sevim gut tru na tupela i baim balus na kam olgeta long PNG long dispela raun bilong ol long PNG Kopi Festival.

Bihain long Goroka ol i bin go long Westen Hailans long Haus Poroman Lods na bihain ol i tok ol bai go long Tari.

"I gat planti gutpela samting tru long toktok long PNG," Christensen i tok.

"Wanem samting mipela i lukim em narakain long wanem samting ol lain midia i save ripot long en. PNG em spesol ples tru insait long wol," Christensen i tok.

Ol Hailans mama go baim buai long Madang

James Kila i raitim

BUAI bisnis i wok long go strong tru insait long Hailans rijen na i kamap olsem wanpela bikpela samting insait long infomel ekonomi bilong rijen.

Nau yet planti ol lain mama na tu ol man long Hailans rijen stat long Isten Hailans, Westen Hailans, Simbu inap long Enga i wok long pulim lain i go daun long Madang na tu long Markham long Morobe long baim buai na daka long salim antap long Hailans.

Dispela bisnis i gro bikpela tru na i stap olsem wanpela ekonomik laipain

bilong rijen bikos, taim ol i baim buai na kisim i go salim ol save gat mani olgeta de na long buai mani ol i sapotim famili na sindaun bilong ol.

Las wik Wantok i stori wantaim tupela mama Mary Kuglame wantaim wan-nem bilong em Mary bilong Simbu provins husat i save salim buai long Goroka buai maket em ol i save kolim sampela taim olsem "Wol Tred Senta" i bin go long Kubugam long not kos rot long Madang na baim buai bilong ol na stori long dispela bisnis ol i save wokim.

Dispela tupela mama em ol strong-

pela meri stret na ol yet i tok olsem buai bisnis i save holim strong infomel sekta bisnis insait long kantri.

Dispela ol wan wan mama i save baim ol rop buai long ol pipel bilong Sumgilbar long Madang long Kubugam maket na bihain ol i save rausim ol rop buai igo wanwan na putim ol insait long ol bikpela stok-fid beg na samapim. Planti taim wan wan mama i ken mekim foa o faipela bek buai na beim bas na karim ol buai i go salim long Hailans.

Ms Kuglame i stori olsem ol dispela buai

ol i karim i go salim long Goroka i save pinis insait long wanpela o tupela de tasol.

Dispela em bikos laik o planti kastoma bilong buai i stap long Goroka na wantu tasol ol buai i save pinis kwiktait tru.

"Mipela i save peim sit bilong ol bas long karim buai i go antap long Goroka. Mipela i save peim K20 o K10 bihainim sais bilong ol buai bek na ol boskru bilong bas i save putim lainim gut tru na mipela i kisim spes long sindaun na mipela i save ron i go antap long Hailans" Mis Kuglame i tok.



BUAI EM BISNIS: Mama Mary Kuglame (wantaim kep) wantaim ol narapela lain bilong Hailans i baim ol buai na redim ol bek bilong ol long Kubugam long Not Kos rot long Madang.

What does it mean to be Toyota?

Toyota creates innovative ideas in advanced technology reinventing the role of the vehicle for future generations.

TOYOTA

This is our duty
This is Toyota

Rotaract helpim PMGH



BRUKIM BUS: British hai komisina David Gordon-Mcleod (namel) i laik ol i bungim K100, 000 long wokabaut bilong ol.

Andrew Molen i raitim

PLANTI haus sik i bungim hevi long i nogat moni long lukautim ol tasol i gat sampela lain husat i save was i stap long givim han.

Rotaract klab em wanpela grup husat i laik givim kain helpim na las wik em i salim wanpela grup i go wokabaut long Kokoda trek long bungim moni long helpim haus sik.

Ol i kamap long Ower's Corner long Fraide avinun las wik bihain long ol i wokabaut 5-pela de long trek.

Namel long ol lain i wokabaut em hai komisina bilong Great Britain, David Gordon-McLeod husat i bin fes taim bilong em long

wokabaut long dispela rot.

"Mipela i laik bungim i nap olsem K100, 000 long helpim wod bilong ol bebi long Pot Mosbi jenerel haus sik," Mista Gordon-McLeod i tok.

Em i tok ol i gat K50, 000 pinis tasol ol i laik bungim narapela K100, 000 antap long en.

Ol lain long grup husat i wokabaut em Mista Gordon-McLeod, Sue Janas bilong Australian Hai komisin, Margaret Mee bilong ANZ, Robert Lee bilong Park Lane Real Estate, Raj Patnaik bilong Indian asosiesen bilong PNG, Paul Constable na Steward Hadfield bilong Sagrick International na Mike Edwards.

Dispela grup i go daun long Oro provins

long Sane wik bipo na long Mande ol i stat wokabaut bihain trek i kam bek na long Fraide ol i kamap long Sogeri.

"Em i wanpela gutpela ekspiriens na mi bai laik mekim ken," Mista Gordon McLeod i tok.

"Trek i gutpela tasol i gat wanpela hap long namel we ol man i wokabaut i no save stori long en, em wanpela bikpela tais wara, dispela hap em mi painim i hat moa long brukim," em i tok.

Em i tok ol i wokabaut insait long 5-pela de na i hariap tumas olsem na ol i tait na i no lukim ples gut.

"Neks taim mi laik wokabaut insait long 7 o 10-pela de bai mi ken lukim gut ples na wokabaut i nap long skel," Hai komisina i tok.

Ol Mosbi teksu no laikim mita

Andrew Molen i raitim

GLAS bilong wanpela liklik bas na windua bilong Land trenspot divisen long Hohola, Pot Mosbi bruk taim ol teksu draiva i straik long ol i no laikim mita insait long kar.

Dispela hevi kirap bihain long ol lain long trenspot i holim i nap olsem 20-pela kar long ol i nogat mita insait long kar bilong ol.

Ol narapela i lukim dispela na olgeta i pulim lain i go long sapotim ol wanwok bilong ol na toktok egensim dispela lo.

"Dispela em wanpela samting i stap long lo we i tok ol i mas i gat mita taim ol i kisim laisens bilong teksu," ekting asisten sekreteri bilong rot sefti trefik menesmen, Daniel Afuti tok.

"Planti opereta i no save mekim gut moni taim ol i ron nating olsem na mita bai nap long helpim ol tu," Mista Afuti tok.

Mista Afuti tok dispela em i gutpela long sait bilong turisem, gutpela sevis long ol pipol na em bai helpim ol opereta tu long kisim gutpela moni.

Em i tok dispela lo i stap i nap 16-pela yia nau tasol ol i no save bihainim.

"Bipo i gat wanpela man

Simbu i save salim ol mita we ol papa bilong teksu save baim tasol em i dai na i nogat man long saplain ol mita," Mista Afuti tok.

Em i tok ol teksu kampani olsem Scarlet i save kisim mita bilong ol long New Zealand tasol ol i laik kisim long PNG yet bai wok na moni stap insait long kantri.

Tasol ol draiva i no laik harim tok.

"Mipela i no laikim mita, laip bilong mipela em i bikpela moa," wanpela draiva i tok.

Steven Koima husat i wanpela teksu draiva i nap 5-pela nau i tok ol mita i no gutpela long ol liklik manmeri husat i kalap long teksu.

"Sasim moni bihainim mita i ken kamapim birua long mipela ol draiva," Mista Koima i tok.

"Planti taim mipela save karim ol spakman na sapos ol i gat K10 na mita i tok ol i mas baim K20, em i ken kamapim kros na pait we ol i ken bagarapim draiva."

Em i tok: "Mipela i save go tu long ol setelmen na autsait ples long bik nait na ples tudak we birua i ken painim mipela bilong wanem sampela man nogut i save olsem mipela i karim moni raun."

"Prais bilong mita tu i antap tru na mipela i no save mekim bikpela moni long wanpela de," narapela draiva i tok.

Ol i tok tu olsem planti manmeri i no laikim mita bilong wanem mita i ken sasim prais antap tru.

"Dispela i no bikpela ovasis kantri, dispela em Papua Niugini, ol i gat planti moni, yumi nogat," wanpela draiva i tok.

"Mipela i laik givim sevis long olgeta manmeri long PNG tasol dispela lo bilong i gat mita i mas senis.

"Mipela i save lusim laip bilong mipela long draiv i go long kain kain longwe ples long biknait na i no olsem ol lain long Scarlet husat i no save raun long nait," ol i tok.

Na ol i gat bilip olsem pablik tu i no laikim i gat mita i stap insait long ol teksu.

Mista Afuti tok dispela lo bilong i gat mita i karamapim olgeta teksu sevis insait long kantri na long 1980 kam i nap nau ol i no save gat wanpela hevi olsem nau.

"Nau bai mipela toktok long lukim wanem samting bai mipela i mekim long stretim dispela," em i tok.

WANPELA man bilong Milen Be provins i dai na tupela i stap long han bilong polis long Pot Mosbi bihain long ol i stilim kar na ronawe long las wik Sarere moning.

Man ya i bin dai bihain long em i em i pait wantaim wanpela polisman husat i painim em na gan bilong polis man i paia na sutim em. Sauten rijen polis

komanda asisten komisina Tony Wagambie i tok em i hat long abrusim dai bilong dispela man long kain taim olsem we tupela i pait.

Long stetmen bilong asisten komisina Wagambie, dispela yangpela man wantaim tupela poro bilong em bilong Galp provins i bin holim wanpela femili long Hohola wantaim

tupela faktori pistol na kisim kar bilong ol.

Ol i draiv i go olsem long 4-mail we polis i lukim ol na ronim ol i go insait long Works kompaun long 4-mail.

Long hap ol i lusim kar na ronawe i go antap long maunten we i lukluk i go daun long Hohola.

Polis i bihainim ol i go antap long maunten we

dispela man Milen Be i kalap antap long wanpela polisman husat i wokabaut em yet na traim long paitim em na rausim gan long em.

"Insait long dispela pait gan i pairap na sutim lek bilong dispela man," stetmen i kam long opis bilong Mista Wagambie i tok.

Bihain long dispela, tupela poro bilong em i givim ol yet long polis.

TAIM ol Katolik misineri kam long Mekeo eria bilong Kairuku distrik bilong Sentral provins long autim tok bilong God, ol i kisim ol pikinini bilong rais i kam wantaim.

Ol dispela kain kain pikinini bilong rais em ol i soim long ol asples na ol rot bilong planim na lukautim tu.

Long las 100-pela yia i kam ol pipel bilong Mekeo i wok long planim na kaikai rais na ol i ken tok tenkyu long ol misineri long dispela taim.

I gat kain kain rais i go long hap bilong ol

nau, sampela em red, pink, blek, orens na wait olsem glas bihain long ol i putim long mil.

Ekting provinsel kaikai sekuriti opisa bilong Divisen bilong Agrikalsa na Laipstok, Lohia Loasi i tok ol misineri bin kisim ol dispela kain kain rais i kam na ol agrikalsa opisa long distrik i givim i go aut long ol pipel.

Em i tok moa long 100 yia nau ol pipel i wok long planim na kaikai rais na ol wok long mekim dispela yet inap nau.

Long ai bilong opisa bilong Mista Loasi long

Konedobu long Pot Mosbi em sampela rais ol i planim na i redi nau long rausim.

As bilong planim rais long hap long traim lukim sapos ol i nap gro long narapela hap na bihain bai ol i salim i go aut long ol narapela distrik insait long provins.

Mista Loasi tok dispela rises bilong ol i soim olsem dispela ol rais i nap long gro long narapela hap bilong provins na kantri tu.

"Tes bilong ol dispela rais i gutpela tru olsem na ol i save haitim," Mista Loasi tok.



EM I REDI: Tupela man ya i amamas tru long soim gutpela Mekeo rais em ol i planim na i redi nau long rausim na salim.

Sios noken wari long Da Vinci Code muvi

SIOS i nogat samting long wari bikpela long muvi "Da Vinci Code" we i kamaut nambawan taim long pablik long wol i lukim long dispela mun tasol.

Ol i wokim dispela muvi bihainim buk raita Dan Brown i raitim.

Buk i stori olsem Mary Magdalen i meri bilong Jisas na ol i bin gat wanpela pikinini meri. Na i kam inap nau, sios i save haitim gut tru dispela na planti arapela samting.

Wanpela em ol hauslain bilong Jisas na dispela em long royel famili long Frans. Na ol biknem man long wol olsem Isaac Newton na Leonardo Da Vinci em ol hauslain bilong Jisas.

Skruiim stori i go moa, Opus Dei em wanpela Katolik Sios grup we sios i givim wok long putim strongpela was long lukautim dispela sikret.

Dispela buk na stori i kwestenim planti samting insait long bilip bilong sios.

Tasol Signis, em Katolik

...Planti asua long bilip

Kristen Komyunikesen grup i lukim muvi na tok sios i noken wari.

"Bipo muvi i kamaut, planti Kristen i bin gat planti tingting tasol bihain long lukim, ol i pilim olsem em i wanpela muvi tasol ol pipel i lukim na amamas tasol.

Na em i no kamapim wanpela kain samting long kirapim das.

Long wankain taim, Pater Richard Leonard SJ em Dairekta bilong Katolik Film Opus long Australia i tok buk we ol i wokim muvi long en i karim miks blesing long Katolik Sios.

"Long wanpela, em i kirapim tingting bilong ol man na ol i toktok long stat na histri bilong sios long ol ples bilong dring, taim bilong kaikai na babakyu.

"Buk i gat planti asua, ol hap trupela, ol plen long paulim na planti ripot long sios i no stret.

"Mi no kirap nogut olsem muvi i gat miks blesing tu, tasol long narakain wei.

"Muvi i longpela tumas, wok long daitrektim muvi ya i nogat bikpela tingting em i go olsem wanem. Muvi i klostu kisim tripela awa tasol 20 minit bipo muvi i pinis, muvi i nogat kik tumas long en na mi no kirap nogut," Pater Richard i tok.

Em i poinim aut sampela ol mistek long buk na muvi. Em long sios i no rausim memori bilong Mary Magdalen tasol long histri, sios i luksave long em olsem em i wanpela Aposel. Na planti sios memba i karim nem bilong em. Na piksa long pamuk meri i laik lus, muvi i mekim em i kamap olsem pren na mama.

Ol Gnostic Gospel i no strongim sait bilong Jisas olsem man tasol olsem em i God.

Konstentain i no wanpela

Pegen o tematan Empera, tasol wanpela Kristen husat i bin gat wari long wokim konfesio wanpela taim tasol insait long yia.

Na ol i no bin painim Praiori ov Saion long 1066 tasol long 1965.

Kilim 50,000 meri olsem ol tewel long fnkwisen em i nogut sapta long histri bilong sios tasol em i no nogut olgeta olsem dispela we Hitta, Stalin na Pol Pol i wokim na i wokim rekot nogut.

Man klostu long Jisas long "Las Sapa (kaikai)" peinting bilong Leonardo Da Vinci em feveret disaipel, em bebi pes, i no rausim mausgras na i luk olsem Goldiloks Rineisen franki.

"Opus Dei i kisim nem nogut na ol inap long kisim keis i go long kot. Ol i no kam aninit long Vatiken tasol ol i kisim tok orait long Pop. Na ol i nogat ol monk, tasol liklik lain pater husat i no save putim klos bilong pater. Ol i save wok olsem ol man nating.

STORI TASOL



wantaim

FR. PAUL LIWUN. SVD

Bekim bilong pasin nogut

WANPELA trafik polisman i save go dring kopi long wanpela koi stoa bilong wanpela Saina man long taun. Olgeta de, moning na apinun. Em i no lusim tingting long dispela. Olgeta taim em i pinisim kopi bilong em, em i bai sanap tasol na go. Em i no tingim long tok tenkyu. Moa yet, em i no tingim long baim kopi na bret em i bin dring na kaikai long en.

Dispela pasin bilong em i bin kamap long faivpela yia i go pinis. Olsem na dispela Saina man i no wari tumas long em moa. Em i givim sevis long em olsem wanpela regula kastama bilong em. Em i no komplem tu.

Long sampela de nau, dispela Polis man i no bin kam long moning na apinun. Saina man i wari liklik. Tasol em i amamas tu bikos em i no westim kopi bilong em i go long ol man i no save baim.

Tasol long wanpela Mande moning, Polisman i kam bek gen. Yu save pinis pasin bilong em. Em i oderim kopi na sampela bret. Saina man i sevim em olsem em i save sevim narapela kastama.

Taim em i pinisim kopi na bret bilong em na laik i go, Polis man ya i sanap na pulim paus mani long poket bilong em na tokim Saina man: "Brata, stat long tude, bai mi peim olgeta samting mi dring na kaikai long hia. Yu save, nau mi kamap nupela Kristen pinis. Mi bin go na joinim wanpela ritrit ol kolim 'Life in the Spirit semina'. Long dispela ritrit ol i bin skulim mipela long kamap gutpela Kristen manmeri, lusim pasin nogut, noken trikim ol man na mekim gut long ol narapela. Olsem na nau - hia em mani mi baim wanem samting mi bin ding na kaikai. Mi no laik trikim yu gen".

Taim Saina man i harim dispela tok, em i amamas tru. Em i givim bikpela smail i go long Polisman, smail bilong em i bikpela olsem long wanpela yau i go long narapela. Em i tok tenkyu tru long Polisman na kisim mani. Bihain em i tokim Polisman olsem: "Yu wokim gut long mi? Em i gutpela. Stat long tude tu, mi bai mekim gut long yu.

Taim Polisman i harim dispela tok bilong Sainaman, em i askim; "Wanem samting? Saina man i tokim em: "Stat long tude, mi bai no inap putim spet (mauswara) bilong mi insait long kopi bilong yu moa. Yu bai dringim kopi tru bilong mi".

Polisman i pilim laik trauf. Bikos long faivpela yia i go pinis nau, em i bin dringim mauswara bilong Sainaman, papa bilong kopi shop.

"Tingim Brata. Noken mekim samting nogut long ol narapela, sapos yu laik narapela i no mekim nogut long yu. Olsem na, mekim gut long narapela, sapos yu laik ol i bai mekim gut long yu.

"Yumi ken paulim o trikim ol sampela taim, tasol yumi i no inap trikim ol olgeta taim.



JEMENI SAPOTIM BOGENVIL SIOS: Ol Maris misinari pater bilong Jemeni i bin wok planti yia long Bogenvil na nau ol i stap long kantri bilong ol wantaim ol yangpela pipel bilong Bogenvil i bin raun i go long Jemeni. Poto em ol i kisim long Meppen, hetkota bilong Maris kongrikese long Jemeni.

Tok klia long karamap stadi

Stori i kam long Zenit Nius- Vatiken

VATIKEN i wok long redim "wanpela stadi" na i no "dokumen" insait long (Vatiken) yet long AIDS, Presiden bilong Pontifikel Kaunsel long Helt Kea Woka i tok.

Kadinel Javier Lozano Barragan i mekim klia ol toktok i bin kamap long midia we i sut long Katolik Sios bai yusim (con-

dom). Em i tok dispela stadi we hetman bilong Katolik Sios, em Pop Benedict 16 i laikim i karamapim sait bilong saiens na teknikel eria i sut long karamap.

Na moral o sait long pasin na wanem dispela i ken kamapim.

Kadinel Javier i tok Pop yet o husat em i makim na i no Kaunsel, bai prisenim ripot taim em i redi.

Kadinel i tok lain bilong em i wok wantaim ol medikel, teknikel na tiolojikel konsalten long karimaut stadi.

Dispela em namba wan hap tasol na em i stap long han bilong Pop sapos bai i gat dokumen o nogat.

Kadinel i tok stadi i lukluk long tupela marit insait long sios na wanpela patna i gat AIDS.

"Toktok i lukluk sapos long dispela lain

stap, em bai orait long yusim karamap long sevim laip.

Ol toktok i bin kamap long ol laspela mun leit Pop John Paul 2 i stap laip na em i save.

"Papa Santu i bin askim mi long toktok wantaim ol savelain insait long Vatiken.

"Stadi i pas long tupela kwesten. Wanpela em, wanem garanti i stap olsem

karamap bai stopim binatang bilong AIDS na namba tu em, em i gutpela apsin long yusim "teknikel" karamap?" kadinel i tok.

Long ansaim tupela kwesten, Kadinel i lukluk long Namba 6 Lo bilong God we i tok,

"Noken gat ol rabis tingting na Namba 5 Lo i tok, "Noken Kilim dai."

Na ol i karimaut wok painim long karamap beis long tupela lo ya.



BIKPELA EM I WAS MAN BILONG YUMI

Mi lukluk i go long maunten. Tasol man bilong helpim mi bai i amap long wanem hap? Bikpela i bin wokim heven na graun, em wanpela tasoli save helpim mi. Bai em i no larim yu pundaun. Bai em i lukautim yu na i no save slip. Harim gut. Em i save lukautim ol Israel, na em i no save slip liklik. Nogat tru. Bikpela em i was man bilong yu. Em i save sanap klostu long yu na was long yu. San i no i nap kukim yu nogut na long nait mun bai i no inap bagarapim yu. Bikpela bai was long yu bai samting nogut i no inap bagarapim yu. Em bai i lukautim yu. Taim yu lusim haus, bikpela bai i lukautim yu. Na taim yu kam bek em bai i was yet long yu. Nau na olgeta taim bihain.

Marit i abrusim baundri na kalsa

...Yunaitim Skotlen na PNG

Veronica Hatutasi i raitim

MARIT em bikpela samting na askim i go long ol famili na pren long soim sapot wantaim preia na ol arapela samting long tupela marit i pas long wanpela narapela long laip.

Dispela em toktok we Luteran Sios Pasto Gundu Guenu bilong Marimari Luteran Sios insait long Nesenel Kapitel Distrik i wokim long wanpela miks marit seremoni las Sarere.

Sios i bin lukim marit i bungim tupela kalsa na skin kala na bikpela amamas wantaim, taim Andrew Johnston em wanpela yangpela man Skotlen long Yunaitet Kingdom i maritim Roselyne Saroben, wanpela yangpela meri PNG, miks Morobe,

Kairuku na Milen Be.

Samting olsem 100 famili, hauslain na poroman bilong tupela yangpela i bin lukim tupela yangpela pipel i kisim marit blesing long Pasto Guenu, husat i wanpela stet rijista pasto i ken karimaut marit na i gat luksave long lo.

"Mi amamas olsem tupela i bin luksave long putim Bikpela olsem stia long laip bilong ol na askim mi long blesim marit bilong ol.

"Laik pasin tupela i gat em i abrusim olgeta samting long bungim

wantaim tupela yangpela pipel i kam long longwe hap na narakain kalsa.

"I gutpela yumi sapotim ol wantaim preia bilong yumi na ol arapela samting," Pasto Guenu i bin tok.

Andrew i bin kam long PNG long 1995 na wok wantaim Stimsips Kampani olsem

Kompyuta Analis taim Roselyne i bin wok olsem Keitering (Kaikai) Kodineta wantaim Air Niugini.

Tupela i bin bung long Pot Mosbi Skwas Klub long 1999 na poroman gut long 6-pela krismas, tokaut olsem ol bai marit long Los Anjelis, Amerika las na marit long las Sarere.

Andrew i kisim wok long Tasmania, Australia na ol bai lusim PNG long neks wik.

Andrew na ol hauslain na wantok bilong em i bin putim naispela tumbuna klos bilong ol Skotlen pipel ol i kolim long "kilt" long marit seremoni bilong em.

Em i amamas long marit long PNG na kamap hap long famili we i abrusim kalsa, skin kala na ol arapela samting i narakain moa.

Roselyn i tok laik bilong en em long painim wanpela gutpela man husat bai luksave long em na lukautim em gut.

"Mi no laikim stret pasin bilong paitim na

bagarapim ol meri na tingting bilong mi i bin pas long painim gutpela man husat bai wokim gut long mi. Na mi amamas olsem Andrew em rait man husat bai lukautim mi gut," Roselyne i tok.

Em i bungim pinis famili bilong Andrew taim ol bin wokim raun long wol las yia na go long Glasgow na tupela sait wantaim i wanbel long prensip na marit bilong tupela.

Taim Roselyne i sori long lusim famili na PNG long go long Tasmania, em i tok bai i gat taim bilong kam bek gem.

Anna Soraben em mama bilong Roselyn i tok em i wari long pikinini meri-bilong em i lusim kantri na go long longwe ples, tasol em i mas larim em i go wantaim man bilong em.

Roselyne i gat tupela susa na tripela brata long famili.

Mama Anna i tok em i amamas long nupela tambu man bilong em husat i gutpela man na i save wokim gut long famili.

Long makim maus bilong famili, bikpela susa bilong em i bin autim tok amamas bilong ol long gutpela tambu bilong ol husat ol i welkamim em insait long famili bilong ol.

Lukim moa poto bilong marit seremoni long Laipstail Poto Pes 25.



LONSIM BILONG GOROKA MAIKRO-BISNIS SAPOT NA KOMYUNITI POLIS

Opis bilong Membra bilong Goroka na Minista bilong Jastis na Atoni Jenerel, Hon. Bire Kimisopa, i amamas long tokaut long lonsim bilong tupela projek, em ol:

1.0 GOROKA KOMYUNITI POLIS

Minista bilong Jastis na Atoni Jenerel, Hon. Bire Kimisopa, MP, bai lonsim Goroka Komyuniti Polis program long 10 kilok moning, Mande Me 29, 2006 long Goroka polis stesin.

Dispela program i sut long wok bung antaim ol sivil atoriti, lo na jastis sekta, ol regula polis, ol Goroka setelmen atoriti na praivet sekta bilong strongim wok bilong polis insait long ol ples we planti hevi i save kamap long helpim long daunim mak bilong ol pasin nogut insait long Goroka.

2.0 GOROKA MAIKRO-BISNIS SAPOT

Goroka Maikro-Bisnis Sapot program i kirap na sanap long ol prinsipol bilong jenda ekwiti o wankain luksave long man na meri wantaim na em i gutpela sans wok bisnis bilong helpim ol yangpela bisnis manmeri long mekim wok long ol kain kain wok bisnis insait long Goroka ilektoret.

GES SPIKA: HON, BART PHILEMON, MP, MINISTA BILONG TRESERI

Minista bilong Treseri, Hon. Bart Philemon, bai givim bikpela toktok long opisel lonsim bilong Goroka Maikro-Bisnis Sapot program long Goroka Steak Haus (Bipo Bena Vista) long 7 kilok long nait.

Wanpela askim i go aut long jenerel pablik husat i laik harim Hon. Bart i toktok na i laik bungim em bihain. I gat tripela ten (30) sit tasol i stap na kos bilong wan wan tebol em K50 long inap manim mak bilong wanpela tripela kos kaikai.

Long bukim tebol plis ringim:

Goroka Iektoret Opisa, Mista Pano Moruwo: 732 3218/690 0963 o Goroka Catering, Misis Rita Karre: 732 3980

Tok Orait i kam long:


Hon. Bire Kimisopa, MP
Membra bilong Goroka na Minista bilong Jastis na Atoni Jenerel



REDI LONG MARIT: Andrew na Roselyne i wokabaut i go long sios.



MARIT PINIS: Tupela nupela marit wantaim ol famili na hauslain bilong ol.



Ol marasin saplai i lus long transit poin

Veronica Hatutasi
i raitim

OL marasin saplai bilong ol etpos i save lus long transit poin long ol provinsel saplai stoa, Don Kudan, Siaman bilong Sios Medikel Kaunsil (CMC) i tok

Em i tok dispela hevi i karamapim ol liklik etpos long ol ruel eria na ol i nogat rot moa long kisim ol marasin.

Mista Kudan i bin wokim dispela toktok bihainim askim bilong Wantok sapos em i klia long ol ripot olsem marasin bilong ol haus sik i lus na sampela lain i wok long stilim na salim long kisim mani long en.

Em i laikim bai ol atortim i mas lukluk long dispela hevi na stretim bikos em i hat long ol lik-

lik etpos i stap longwe long kisim ol marasin saplai.

Mista Kudan i tok CMC i save was gut tru long ol marasin saplai bilong em. Na ol marasin bilong ol we ol i save kisim long gavman medikel saplai senta long ol wan wan rijen em ol i save tilim stret i go long ol helt kea sevis senta bilong ol.

"Tasol taim mipela i laik kisim ol marasin bokis na moa yet, bilong ol etpos long ol transit provinsel saplai stoa, ol marasin bokis i no save stap. Na nogat man i save em asua bilong husat," Mista Kudan i tok. Long wankain taim, Mista Kudan i tok em i amamas long gutpela wok bung i stap namel long sios helt sevis na gavman long kisim helt sevis i go long ol pipel



SIOS HELT WOKBUNG: CMC Siaman, Don Kudan

Em i tok insait long wanpela yia, Sios Helt Sevis (CHS) i kisim K13 milien long karimaut ol sevis na narapela K28

milien long peim ol wok-lain.

"Mipela i amamas long karimaut wok taim gavman i givim mani na

ol medikel saplai. Dispela em i wok bilong gavman," Mista Kudan i tok.

Em i tok bikpela samting em long lukim olsem olgeta sios i gat gutpela luksave na ol i wok bung wantaim long kisim ol helt semis i go long ol pipel i stap long ol longwe ples.

Na em i amamas long wok we CHS i wokim long kantri. CHS i lukautim moa long 50 pesen ol haus sik, helt senta na etpos insait long kantri.

Mista Kudan i bin wokim ol dispela toktok long pinis bilong wanpela wik Anuel Jenerel Miting bilong CMC we moa long 100 woklain bilong ol wan wan sios long olgeta provins i bin stap long em las wik long Holide In, Pot Mosbi.

TOK LUKAUT



wantaim

DAVID EPHRAIM

Edukesen na 2007 Ileksen

STAP YET insait long toktok bilong fri edukesen! Yes dispela em wanpela bikpela rot we bai yumi lukim kamapim planti rot bilong wok na mani i kam insait long kantri na famili wantaim.

Fri edukesen em wanpela rot we yumi mas luksave na kamapim. I no tumas long olgeta gret tasol long mak bilong namba 6 krismas i go antap long namba 14 yia krismas em bai Gavman i baim na ol narapela em stap long han bilong papamama.

Mi bilip edukesen em i rot bilong opim tingting na save bilong ol pipel long kamapim rot bilong bringim gutpela sevis na amamas i kam insait long komynuti.

Moa long dispela Gavman i mas traim strongim wok bilong Edukesen Sistem na kamapim rot we i ken lukluk long wokim ol sumatin i lainim samting gut.

Yes mi laik traim tok olsem 2007 i kamap klostu na lukluk gut long ol polisi bilong ol lain husat i sanap long ileksen pastaim yu tingting long votim ol.

Long planti yia go pinis, yumi wok long komplem long Gavman i no bringim gutpela senis na em nau taim bilong yu long makim gutpela lida yu ting bai bringim gutpela sevis i kam long yu.

Ol sampela liklik toktok tasol mi laik tromoi long yu long tingting long taim yu vot. Tingim pastaim olsem, yu mas save gut long dispela man or meri husat i sanap long ileksen. Yu mas luksave sapos em stap wantaim pipel bilong en long ples o i gat hanmak long ol developmen insait long ples.

Yu mas traim lukim sapos em i gat wanpela meri tasol, ol save manmeri husat i save stadi long famili na pasin bilong man i tok olsem taim man o meri i gat planti meri o man em i save wokim planti asua olsem lida.

Olsem na tingting gut pastaim na wok bikos taim yu vot em nau bai yu mas stap narapela 5-pela yia moa na wok ken.

Insait long dispela taim yu mas was gut olsem em ino meri i go insait long palamen bai senisim or man i go insait long Palamen bai senisim ol sevis bilong gavman nogut em man or meri husat i gat bikpela save long ol rot bilong bringim ol sevis we bai kamapim gutpela sindaun long ol pipel bilong yumi.

Yu ting wanem? Votim gutpela lida.

Helt stendet long Bogenvil i go daun

...Sios helt bungim hevi long potnait pe i no kam hariap

Noreen Dada
i raitim

MAK BILONG helt stendat bilong Bogenvil i stap daunbilo tumas na wok long stretim dispela hevi wok long kamap isi isi.

Long wankain taim tu, ol wokmanmeri bilong Katolik Helt sevis long Bogenvil i wari na ol i laikim bai ol bosman bilong helt i stretim hevi long ol i no save kisim potnait pe bilong ol hariap.

Yunaitet Sios Helt Seketeri long Bogenvil, Archie Matsi i tok wankain olsem ol arapela hap long kantri, Bogenvil i sot long mani na ol dokta na nes long ol helt ke senta na haus sik.

Tasol long wankain taim i gat nupela wok kamap we bai lukim dispela pasin i senis.

Long dispela namba 36 Sios Medikel Kaunsel (CMC) bung i bin kamap las wik, Kaunsel i bin tok oraitim wokbung wantaim Seven De Edventis (SDA).

Dispela bai lukim SDA sios i helpim ol arapela sios olsem Katolik na Yunaitet Sios long givim helt sevis i go long ol pipel.

Bikpela agrimen o tok wanbel bai kamap namel long Otonomes Gavman (ABG), Diptman bilong Helt na CMC.

"Long dispela taim i gat 15-pela Katolik sios helt kea senta we i stap long ailan na i lukluk long givim pipel helt kea sapot.

Long dispela taim yumi long Bogenvil i wok long kamaut long hevi na i lukluk long mekim helt kea sevis i kamap gut." Katolik na Yunaitet Sios wantaim Helt Dipatmen i tok orait long welkamim SDA sios bikos yumi sot long ol nes insait long ailan," Mista Matsi i tok.

Long wankain taim, Katolik Helt Seketeri, Sista Thecla Lasu CSN, i tok ol Katolik helt kea sevis senta i bungim bikpela wari na hevi long potnait pe bilong ol i save kam leit.

"Plantim bilong ol nes insait long ailan i gat



SKRUIM SIOS WOKBUNG: Sister Thecla Lasu CSN, Louise Aihai na Matsi Gimis bilong Bogenvil CMS.

famili na taim pe bilong ol i no kam hariap em i save kamapim ol hevi. Mipela i stap wantaim nogat pe long mun Epril na long stat long dispela mun, mipela i kisim pe.

ABG i bin tok long givim mani long ol Katolik sios helt senta tasol mipela i wet yet long lukim dispela," Sista Thecla i tok.

Sista Thecla i tok tu olsem ol i bin sot tru long marasin long mun Mas tasol dispela i orait nau.

Bung tu i kirapim tupela bikpela tok promis we ABG mas lukluk long en long

Bogenvil.

Em long apim namba bilong ol dokta na nes insait long ol bikpela haus sik na ol distrik etpos.

Narapela em long wok bung wantaim SDA sios we toktok i kamap gut namel long helt dipatmen, ABG na ol arapela sios long ailan.

Long narapela wok kamap, ABG na Yunaitet Sios i plen long kamapim Skul ov Nasing insait long Bogenvil long apim namba bilong ol dokta na nes we kantri i sot long en.

Wanpisin pait na ren i birua long helt sevis

Noreen Dada i raitim

BIKPELA ren na wanpisin pait em ol namba wan hevi yet we i save bagarapim helt sevis insait long Hailans rijen.

Helt Seketeri bilong Tinsley Distrik Haus sik insait long Westen Hailans i tok ol i painim hat tru long kisim marasin na long salim sikman i go long Hagen.

"Bikpela ren na traibel pait i save bagarapim ron bilong helt sevis insait long eria bilong mipela.

"Long dispela taim i gat bikpela ren

long provins na distrik bilong mipela na em i mekim hat long salim ol sik man i go long Hagen Haus sik.

"Plantim taim ol mama i save karim long taim mipela i laik kisim ol i go long Hagen tasol mipela i laki mipela i gat ol lain husat i gat trening long lukautim ol.

"Mipela i luksave olsem mipela i mas gat gutpela patnasip namel long helt dipatmen na gavman," Pasto Wiyi i tok.

Em i tok tu olsem Tinsley Distrik Haus sik i lukluk long kirapim tingting long karimaut HIV aweanes insait long distrik bilong ol.

Wewak bisop salim pas long provinsel gavman

...Askim long stretim tisa hevi hariap

KATOLIK Sios long Is Sepik i askim Provinsel Gavman na olgeta lain long Provinsel Etmnistresen na Provinsel Edukesen Bot long lukluk long wari bilong ol tisa na stretim hariap.

Bisop bilong Wewak Katolik Daiosis, Anthony Burgess i tok em i taim nau

Long kamap wantaim gutpela ansa long hevi bilong ol tisa we i mekim na i kamapim hevi long skul bilong planti tausen pikinini.

Bisop Anthony i tok edukesen em i wanpela bikpela rait bilong wan wan man na em i wok bilong gavman long inapim.

Na ol tisa husat inapim dispela wok i mas kisim gutpela kaikai long karimaut sevis.

"Katolik Sios long Wewak Daiosis i pilim olsem ol atoriti i no luksave long rait bilong ol tisa. Ol tisa i gat rait long fea na jas entaitolmen long sevis ol i givim long PNG populesen.

"Insait long las 30 yias bihainim independens, ol tisa i mekim bikpela wok long developmen bilong pipel bilong PNG. Na ol i kisim sevis i go long taun na ol ples longwe long ol ruel eria, maski ol kain hevi i stap," Bisop Anthony i tok.

Em i tok em i wok bilong provinsel gavman long lukim olsem ol tisa i kisim fea bekim na ol i ken skulim gut ol pikinini.

Sios i luksave olsem Nesenel Gavman i givim CPI bekdeit pei na haus alauwens tasol ol tisa i tok MOU bilong 2004 em gavman ino inapim gut.

"Mipela sios long Wewak i apil long Provinsel Gavman, Etmnistreta, Edukesen Etwaisa, seketeri na Provinsel edukesen Bot long sindaun toktok na stretim dispela hevi hariap long gutpela bilong ol tisa na sumatin long provins na kantri," Bisop Anthony i tok.

Long wankain taim, Edukesen Minista Michael Laimo i askim ol politisen long noken yusim tisa straik long apim nem bilong ol long politiks long 2007 nesenel ileksen.

Em i wokim dispela askim bihain long ol nius ripot we Morobe Gavana Luther Wenge las wik i bin tok em bai askim Praim Minista na Edukesen Minista long wokim ol strongpela disisen long stretim tisa hevi na sapos nogat, ol i lusim ol dispela posisen na em bai go pas.

Sapot long PNG Raitas Asosiesen

Veronica Hatutasi i raitim

STRONGPELA sapot i bin kamap long kirapim PNG Raitas Asosiesen. Raita bilong Australia

Trevor Shearston i bin tokim samting olsem 100 pipel long Raitas Woksop long Mosbi las wik olsem Raitas Asosiesen bilong Australia we em i memba long em bai

sambai long helpim ol PNG Raita i kirapim asosiesen bilong ol.

Mista Shearston husat nau i wanpela biknem raita long Australia i no nupela man long PNG,

Em bin wok olsem tisa long Sauten Hailans na Nu Ailan long 1970's.

Em i gat wanpela stori buk i gat 12-pela stori long ekspiriens bilong em long PNG. Na nara-pela 6-pela moa buk i gat beis long PNG.

Mista Shearston i bin amamas long lukim planti lain i kamap long woksop bikos dispela i soim olsem i gat laik yet long ol PNG lain long rait.

"Ol raita i mas gat "patience" o bel isi na laik long go het long rait.

"Rait liklik olgeta de wantaim nogat hop na nogat bel sori," olsem toktok bilong wanpela raita bilong Swideri, Mista Shearston i bin tok.

Hevi long mani em wanpela bikpela samting ol raita long PNG, Australia na wol i bungim long pablisim wok bilong ol tasol Mista Shearston i tokim ol lain long woksop long noken givap, tasol skruim raiting yet.

Planti olupela raita long PNG olsem John Kasaipalova, John Kaniku na Bernard Caspou i bin stap long tripela de woksop las wik i bin pinis long Fraide..



KALSA I PAIA: Ol Hailans sumatin bilong Jubili Katolik Sekonderi i soim trupela tumbuna pasin long danis na bilas bilong amamasim 60 aniveseri selebresen.

Wok redi nau long Nesenel Buk wik

Veronica Hatutasi i raitim

"KAMAP Wina, Rit" em het tok bilong Nesenel Buk Wik (NBW) bai kamap long Ogas 7 inap long 11 long dispela yia.

Ol wok redi long NBW i stat pinis na komiti i wok nau long stretim ol samting bai kamap long dispela wanpela wik we bai lukim olgeta skul long kantri i go insait long ol samting i sut long NBW.

Siaman bilong NBW Komiti, Geoffrey Bundu i tok opening bilong NBW long dispela yia bai kamap long Alotau, Milen Be provins long Mande Ogas

7. Mista Bundu i tok ol i makim dispela het tok bikos sapos yu rit, bai yu kisim save na dispela bai helpim yu long kamap gut long wok, laip na sindaun bilong yu.

"Het tok: Kamap Wina, Rit" ya i min olsem yu ken kamap wina long samting yu strongim tingting bilong yu long em.

"Em i ken min, wokim gut long skul, wok, spot pilai na gat gutpela kwaliti laip.

Rit em as bilong kamap gut long olgeta ol dispela samting," Mista Bundu i tok.

Em i tok rekot i soim olsem sapos ol pipel i kisim gut infomesen, kantri na pipel bai gat gutpela wok developmen.

Askim long SDA skul mas daunim skul fi

STRONGPELA askim i go long ol Seven De Etventis (SDA) skul long daunim ol skul fi na mekim isi liklik long ol papamama inap long baim.

Minista bilong Hai Edukesen, Riset, Saiens na Teknoloji, Don Polye i wokim dispela toktok taim em i autim tok amamas bilong em i go long Edukesen Minista Michael Laimo long sainim agrimen bilong putim ol SDA tisa long kantri i go long peirol bilong Nesenel Edukesen sistem las Fonde.

Minista Polye i tok skul fi bilong bilong ol SDA skul i

antap moa na nau ol (SDA skul) i kam anit long Nesenel Edukesen sistem, i moabeta long daunim skul fi.

Bihainim saining bilong Memorandum ov Agrimen las Fonde namel long Edukesen Dipatmen, Tising Semis na PNG Yunien bilong ol SDA skul long PNG, 210 tisa bilong 84 SDA skul i bin kam anit long Nesenel Edukesen peirol.

Gavman anit long Edukesen Dipatmen i bin givim K90,000 grent mani long peim ol SDA tisa long elementeri inap long sekonderi level.

Cambridge International College
ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- Accounts, Finance, Business, Management
- Personnel, Marketing, Computers, Insurance
- English, Purchasing, Secretary, Leadership
- Tourism, Hotels, Stores, Advertising, Office

Baccalaureate, BBA, BCom, BMA, MBA

- Business Administration, Marketing, Strategy
- Human Resource, Finance, Commerce
- Organizational Management, Executive

Fees include all Training Materials, Guidance, Tests, Revision, Examination, Marking, Award.
Diploma Fees: £150 or US\$300 or AUS\$350
For a FREE Prospectus, write, fax, or email:

CAMBRIDGE INTERNATIONAL COLLEGE
Box 1378, So'ton, SO17 3WX, Britain
Email: info@cambridgetraining.com
Web: www.cambridgecollege.co.uk

ODIQC ACCREDITED AWARD
ASET ACCREDITED AWARD
Papua New Guinea National Training Council Approved Training Provider

Polis Komisina i mas glasim promosen

Dia Edita

PLIS, mi laikim Wantok Niuspepa long raitim dispela kros bilong mipela. Polismana meri ausait long fil i kros bilong wanem ol Promosen Bodi we i holim wok, nau i bin kamap nogut. I gat wanpela ten nain (19) provins long PNG na i no planti man na meri long 4-pela o 5-pela provins i kisim promosen. Dispela i no stret bikos promosen i save kamap long wanpela yia tasol. Mipela i no inap long stap olsem tasol.

O narapela memba husat i pasim kwalifikesen bilong promosen i wet yet long kisim promosen.

Wanem taim bai yumi promotim ol? Mipela laik askim Polis Asosiesen olsem yumi mas rausim dispela kain insait na toktok long sait bilong ol memba bilong Asosiesen. Yumi mas rausim dispela kain sistem bilong transfe promosen long vekensi bilong wanem dispela sistem i no gutpela tumas. Karim kam bek olpela sistem bilong promosen long olgeta 19 provins na givim sans long ol memba husat i gat pas long olgeta 19 provins. Polis Fos em i no bilong ol Bod memba na Komisina tasol, nogat. Ol i mas abrus long dispela sistem olsem save man long promosen na givim sans long promosen. Olgeta man husat i wokim gut long tes bilong promosen.

Rausim Vekensi Promosen bilong wanem em i no wok gut. Sapos ol narapela memba long ol ausait provins i kisim promosen na i laik pilim wanpela vekensi long narapela provins, long wanem hap stret bai yumi painim hap bilong ol long stap. I nogat wanpela polis haus. Yu tingim tu dispela kain ol samting tu o nogat. Komisina i mas lukluk long dispela o ol memba bilong Promosen Bod long promotim ol sampela ol memba bilong ol narapela provins.

Givim mipela sans na noken daunim mipela. Mipela i les long stap long wanpela hap tasol olsem Konstebol, Fes Konstebol, Sinia Konstebol o Saiten long olgeta laip bilong mipela.

Plis tingim ol rekomendesen ol PPC na PSC bin mekim long wan wan provins na wokim sampela moa promosen. Trastim ol PPC na PSC bikos ol i wok klostu wantaim ol memba.

PETER MARK GOROKA ISTEN HAILAN

Tisa straik i bagarapim skul bilong ol sumatin

Dia Edita

MI WANPELA mama husat i wari stret long wanem pikinini bilong mi i no go skul tupela wik nau.

Dispela em pasim bilong ol manmeri husat i no gat tingting long ol sumatin bilong ol. Mipela i baim bikpela skul fi long wanpela yia bilong edukesen bilong ol pikinini na tupela wik i go nating bilong wanem ol i no kisim wanpela lainim. Em bai olsem wanem nau ya?

Bai yupela i bekim dispela skul fi mani tu o nogat? Mi no ting bikos kain pasin bilong yumi ol PNG em bilong go tasol.

Mi belhat stret long ol tisa na tu ol lain long PNGTA we ol i no bin stretim wari bilong ol tisa hariap na dispela em i bagarapim sindaun bilong ol sumatin.

Yumi wokim wankain pasin nau ya. Pikinini bilong mi save apim nem bilong tisa bilong em tasol nau mi kros bilong wanem tisa bilong em i no go long skul long lainim ol. Mipela tu i sapatim yupela ol tisa tasol sapos yu bin gat sampela save yupela i no inap long redim sampela wok bilong ol sumatin bilong yupela long wokim long haus long dispela kain straik i go pinis.

PETER MARK GOROKA ISTEN HAILANS PROVINS

Ombudsman Komisin mas sekim Sina Sina Yongumugl Iektorel mani

Dia Edita,

DISPELA em i wanpela pablik singaut i go long Ombudsman Komisin long mekim wok painimaut long yusim bilong ol Sina Sina Yongumugl Iektorel Mani bilong mipela.

Em i klia long ol pas i kamap insait long ol niuspepa olsem was dok bilong mipela i mas sekim memba i stap nau, Jeffrey Nape na rot em i yusim ol Iektorel mani.

Sampela as bilong dispela askim em: Long taim em i


winim ileksen i go long Palamen long 2002, em i no kam bek long lukim mipela long Iektorel bilong em; Nogat wanpela samting i kamap insait long Iektorel bilong mipela long ol dispela Iektorel mani long 2002 i kam inap nau.

Ol tokwin long skelim bilong ol dispela Iektorel Mani long Pot Mosbi; Nogat wanpela gutpela rot insait long Iektorel bilong mipela; na Laik bilong Mista Nape long tilim 3 milien kina long kisim vot gen long 2007.

Mista Nape i no givim wanpela bekim long ol planti pas i go long ol niuspepa.

Ol dispela Iektorel mani em bilong Mista Nape long developim Iektorel em i makim na i no bilong em yet long yusim. Em i mas toktok nau na tok klia long ol ples manmeri bilong Iektorel bilong em.

LAS WARAKAGE VILES SINASINA YONGUMUGL SIMBU



Wari long pisin sik long ples

Dia Edita

MI GAT bikpela wari long wanem dispela sik bilong ol pisin husait i kam long ol kakaruk. Mipela ol lain long ples i dipen long ol kain kaikai olsem kakaruk na mi wari tru sapos i gat ol man

mipela i kisim moni long baim ol samting.

Sapos dispela pisin sik i kam long PNG, i gat we long stopim tu o nogat? Sapos i gat we long stopim plis mi laik bai tok save i kam long ol rurel lain na tu sapos i gat ol man

husait i ken kam na tok save long mipela husait i stap long ples. Soim mipela long sampela we long priventim dispela kain na tu sapos i gat sampela marasin long helpim mipela long abrus long dispela bet

flu. Mi wari tu sapos gavaman i bai tingim mipela long dispela taim bilong wari.

SIKA T LAE MOROBE PROVINS

Somare Gavaman i mas lukluk long 2007 Ileksen

Dia Edita

MI WANPELA grassroot bro bilong ples Pulia Aipea village, Kagua Erave, SHP, Mendi. Tasol mi save i stap long Lae na mi laik autim wari bilong mi long Wantok Niuspepa sapos yu gat spes long putim aut long ol lain long Kagua Erave i ken lukim na ritim. Yia 2007 Ileksen i kam klostu na PNG Gavaman i mas lukluk hariap long helpim ol grasrut. Long 1997 i

go long 2002 planti bagarap i bin kamap long Kagua Erave. Tru long sot gan tasol na ol man kisim stron long movim ol lain long ples. Ol polis bai lukluk tasol na taim Gavaman i tok long wok, orait ol i bai mekim wok. PNG Gavaman mas sekim sot gan long olgeta Ileksen bilong SHP. Ol save usim pos tru long sot gan, reip, kukim haus lotu, kukim skul, helt senta na ronim ol pasto. Bikpela samting em dispela ol sot gan em i no i go

long ol polis i stap yet long han bilong ol. Gavaman i mas lukim hariap. Dispela askim i go long Praim Minista olosem wanpela kendidet i gat sot gan na em bai ronim man husait i nogat sot gan. Em mak bilong ronawe. Maski long Ileksen, tingim laip bilong yu bipo yu i go.

NATHAN WAMA YAKI LAE UNITECH MOROBE PROVINS

SHP i no gutpela piksa

Dia Edita

MI LAIK autim wari bilong mi i go long Wantok Niuspepa long Sauten Hailans Provins Gavana Hami Yawari olsem em i lukim piksa bilong Sauten Hailans pipel olsem wanem?

Piksa bilong Sauten Hailans i gutpela i winim narapela provins bilong PNG.

Na narapela tu em mi askim Gavana Yawari wantaim pipel bilong Sauten Hailans na askim olsem, Sauten Hailans i olsem Pot Mosbi, Lae o Hagen?

Mi save na mi tokim yupela olsem Sauten Hailans pipel olsem yupela i longlong manmeri bilong Sauten Hailans provins.

Mipela i sem tru long piksa bilong yupela ol Sauten Hailans i go long Palaman haus. Sapos yu manmeri tru, bihainim 2007 ileksen, rausim piksa nogut na kamapim nupela piksa we yu ken putim insait long haus.

JOHN TUGUBA HELA ANGALI SAUTEN HAILANS

Givim sit bilong gavana long ol distrik

Dia Edita

MI WANPELA mangi Madang, Fox kantri tasol nau mi stap long Kimbe.

Wari bilong mi i go olsem, 2007 Ileksen mi laikim sit bilong gavana bai go long wan wan distrik insait long kantri o provins.

Watpo mi tok olsem? Bikos sit bilong gavana i stap insait long taun taim gavman i katim baset bilong ol wan wan LLG o distrik i kam em i no save kam stret long distrik. Nogat na nogat stret. Em dispela sik em mipela long Simbai, long Madang i gat long en.

Mi tokaut tasol mi no save long ol narapela distrik insait long kantri.

Tripela ten krismas i go pinis long indipendens na nogat wanpela gutpela sevis i kam long ol rurel eria. Olsem na mi tok gen olsem, sit bilong gavana bai kam daun long ol distrik. Em nau wok bai kirap long distrik pastaim na bihain kamap long taun.

DICKSON MANEKE KIMBE WES NU BRITEN

Toksave:

Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na adres bilong yu long olgeta pas yu salim i kam, tenkyu.

- Edita

WANTOK KOMENTRI

Wanem ol as bilong straik?

DISPELA wik i lukim planti paul tingting i kamap long sait bilong ol tisa bilong yumi i wok long straik.

Long wiken i go pinis edukesen dipatmen na ol mausman bilong ol tisa i bin sainim wanpela nupela tok wanbel long stretim ol hevi bilong ol tisa. Tasol i kam inap tude, Fonde, i gat sampela skul insait long Sentral, na tu long sampela arapela provins insait long kantri i wok long lukim ol tisa bilong ol i no sanap insait long klasrum. Dispela pasin nau i wok long putim moa hevi i go bek long ol yangpela sumatin na ol pikinini bilong ol.

Luksave i mas i go long ol tisa long Kiunga husat i no laik givim hevi long ol sumatin bilong ol. Ol i luksave olsem as tingting long wok ol i mekim em long skulim na redim ol yangpela bilong yumi inap bihain taim. Tasol wanpela samting em i narakain liklik long ol tisa long Kiunga em ol i luksave olsem ileksen bai kamap neks yia na sampela long ol bikman tisa lain i wok long redim kempen bilong ol.

Dispela kain pasin em i rong tru. Mipela i luksave olsem ol tisa i gat as long ol singaut bilong ol.

Tasol sapos yu lukluk i go bek long taim bilong nesenel ileksen yia, wan wan tisa mausman husat i bin go pas long ol straik i bin traim han bilong ol long nesenel ileksen we i bin kamap long yia bihain.

Nau bai yumi mas lukluk long dispela sait tu. Bikos bikpela pairap i kamap long ol hevi ol tisa i karim, tasol i nogat inap luksave long ol hevi ol yangpela bilong yumi bai karim long bihain taim sapos ol i no kisim gutpela skul tude.

Long ol tisa long Kiunga, yupela na ol wanwok bilong yupela husat i tingim skul bilong ol pikinini em ol tru tru tisa bilong yumi. Sanap strong na mekim wok we yupela yet i save gut long mekim.

Mipela hia long Mosbi bai putim was nau long husat ol mausman bilong ol tisa bai sanap neks yia.

Redi long ol arapela

Nau i gat toktok i kam long ol mausman bilong PNG Paia Sevis (PNG Fire Service) husat i tok ol bai rausim olgeta wokman bilong ol long wok bikos ol sampela kleim bilong ol em gavman i no stretim yet. Ol i givim tok lukaut pinis long pablik long lukautim gut ol haus samting bilong ol long wanem sapos paia i holim, ol hauslain yet i mas kilim paia. Bai i nogat bekim long opis bilong ol man bilong kilim paia. Long wankain taim, ol nes tu i wok strongim tingting long bihainim ol tisa sapos i nogat luksave i go long ol askim bilong ol tu.

Long olgeta ol dispela lain, mipela i laik askim ol long tingting long ol laip bilong ol pipel tu. Na singaut i mas go long gavman long stretim ol dispela kain hevi. Sapos yumi wok long givim baksait long ol lain husat i save holim sindaun bilong ol pipel long han bilong ol, yumi wok long givim baksait long gutpela taim bilong yumi yet.



Feveret bai win long vot 2

NESENEL Kapitел Distrik (NCD) rijinel sit i op nau long bai ileksen wantaim moa long 20 kendidet i putim nem pinis long resis long dispela sit.

Ol olupela lain husat i save resis long dispela sit i kamap gen olsem biknem loya Lohani Henao na Powes Parkop. Ol arapela we i save resis long ol open sit olsem Janet Sape, Raymond Agonia, Philip Taku na Wari Vele i laik traim rijinel sit nau.

Ai i op tu long lukim pikinini man bilong olupela rijinel memba Sir William Skate tu i sanap long dispela sit bilong papa bilong em. Junia William Skate i sanap tu bihain long papa bilong em i dai long dispela yia tasol na lusim dispela sit i stap nating.

Dispela bai ileksen bai wanpela hatpela ileksen tru bikos husat tru bai kisim namba 2



vot taim ol bikpela feveret i sanap pinis long kisim ol vot 1?

Yu ken lukim olsem olgeta kendidet nem bilong ol i stap antap em ol hot feveret kendidet ya na ol bai kisim vot 1 yet long ol sapota bilong ol. Tasol ol sapota bai givim vot 2 i go long husat?

Ileksen long Nesenel Kapitел Distrik (NCD) i save hot wantaim planti kain kain nois na kain kain stail na eksen tu i save moa moa yet. Em ol sapota tasol i save mekim kain kain. Sapos yu lukim gut, Mosbi em ples bilong ol wokman long stap tasol lo i tok orait long olgeta manmeri i gat

rait long raun long olgeta hap na stap long olgeta hap olsem na Mosbi siti i gat planti setelmen we ol manmeri i nogat wok i pulap i stap. Wan wan em ol woklain i stap long setelmen. Olsem na taim ileksen i kamap, bai ol setelmen lain i save go pas long kempen na mekim nois raun long pulim sapot. Ol i ting sapos kendidet i win bai ol i gat liklik helpim i kam olsem mani. Ol i no wari long sevis tru bikos em i no asples bilong ol. Em siti na ol sevis olsem lait, wara, skul, haus sik na kolta long rot i stap pinis. Mani i go long han em bikpela samting olsem na taim bilong kempen, ol i go pas tru long traim winim bai ol i ken painim mani long dispela.

Long palamen bai yu lukim bikpela lain manmeri i save pulap long get olgeta taim long lukim ol memba ol i kempen long en o vot long en long kisim mani. I no kisim mani

bilong wokim skul o projek. Nogat, mani bilong poket bilong ol stret.

Olsem na long dispela as, moabeta ol kendidet i mas opim maus na tokaut stret long ol sapota long wanem as tru em i sanap long en. Em i sanap long wanem wok na hevi tru bilong pipel. I no bilong go kisim mani na givim long ol.

Dispela pasin em i ples klia tru long Mosbi long taim bilong ileksen bikos Nesenel Palamen i stap long Mosbi na isi tru long wokabaut i go lukim memba.

Mi save olsem wanpela bilong ol dispela feveret kendidet antap bai win bikos taim olgeta manmeri i givim vot 1 i go long kendidet bilong ol stret, bai vot 2 i go long ol dispela lain antap. Na man o meri husat i kisim moa vot 2 bai win.

Pasto i mas skulim ol manmeri long pasin God Bikpela i laikim

MI LAIK kirapim tingting bilong ol manmeri husat wok long helpim ol manmeri long tok bilong God. Brata na susa ol manmeri i save mekim ol kain kain wok bilong dispela graun. Sampela i lukautim pik na kopi gaden long ples, sampela i kamap skul tisa o wok long gavman opis.

Sampela i pulim pis na arapela i kamap mekanik o kamba. Ol i mekim gutpela wok na ol i ken litimapim nem bilong God long wok bilong ol. Tasol man i wok pasto i narakain liklik. Em i save God i bin singautim em na em i bin mekim dispela wok bilong pasto.

Jisas i tokim ol disaipel olsem, "mi makim yupela bilong i stap ol lain bilong mi. Na mi givim wok long yupela bai yupela i ken i go na karim kaikai, na bai kaikai bilong yupela i ken stap gut, Jon 15:16.

Long olupela testemen planti



manmeri i pret long God. Ol i pilim God i narakain olgeta na holi olgeta na i strong olgeta na ol i pret long go klostu long em. Olsem na ol i tokim Moses.

Yu go bek na harim olgeta toktok God, bikpela bilong yumi laik mekim. Bihain yu kam bek na yu tokim mipela. Bai mipela i ken harim na bihainim (Lo 5:27). Tude yumi gat buk Baibel long tok pisin na long planti tok ples, tasol planti manmeri i no save rit. Wanpela bikpela wok bilong pasto na lida em i wankain olsem ol wok God i bin givim long Moses..

Em i mas i go klostu long God na harim tok bilong God

na bihain em i mas givim long manmeri. Taim Aposol Pol i lapun em i givim dispela tok long yangpela pasto Timoti. "Yu mas strong long autim tok bilong God maski sapos ol manmeri i redi o ol i no redi. Oltaim yu mas autim tok bilong Krais. 2 Timoti 4:2."

Ol manmeri i bin tokim Moses. Yu mas i go klostu na harim olgeta tok bilong God." Dispela tok i kam stret long ol pasto. Pasto i mas i stap man tru bilong God. Em mas givim taim long prea bai em i ken harim maus bilong God. Em i mas ritim Baibel planti na save olgeta tok bilong Baibel bai em i ken autim long ol manmeri.

Em i no ken sanap long Sande na mauswara nating long ol manmeri bilong God. Nogat. Sapos Pasto i mekim olsem, orait ol manmeri bai les. Pol i bin tok gen long Timoti, "Yu mas strong long kamap wokman tru na bai God i laikim wok bilong yu. Olsem

na bai yu autim tok tru stret bilong God na bai yu nogat sem long ai bilong God" (2Timoti).

Pasto i mas i stap wok man tru bilong God. Mining bilong em i olsem, pasto i mas i stap olsem wanpela wokman i gat gutpela save moa na wok bilong em i nambawan tru. Tingim ol kain kain kamda i stap.

Sampela ol bus kamda na wok bilong ol i no smat tumas. Tasol sampela man i kamda tru. Wok bilong ol i smat moa yet taim ol i mekim tebol na sia o arapela samting ol man i lukim na i tok smat tru. Naispela moa em wanpela kamda i wokim.

Yumi pasto i mas kamap wankain mak. Taim yu autim tok bilong God, ol manmeri bai save olsem yu no mauswara nating. Ol i harim tok na ol i save yu bin givim taim long mekim prea na planti taim long stadi bilong God.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Table with 2 columns: Ples (PNG, AUSTRALIA, ASIA PACIFIC na JAPAN, AMERICA na EUROPE) and Air (K220.00, US\$110.00, US\$150.00, US\$210.00)

A/General Manager Elizabeth Konga


Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Pot Mosbi Papua Niugini ACP na ACP - EC Kaunsol bilong ol Minista Kibung 28 Me - 2 Jun 2006



ACP Grup

Afriken, Karibien na Pasifik (ACP) Grup i bin kamap long 1975 wantaim sainim bilong Georgetown Agrimen. ACP Grup i gat inap long 79 Afrika, Karibien na Pasifik memba kantri.

Oi Institusen

Kaunsil bilong ol Minista em i namba wan bikpela bodi i gat pawa bilong mekim ol disisen. Oi Memba Stet i gat mausman long level bilong minista. Kaunsil i save makim olgeta rot bilong ol polisi bilong Grup na i save glasim ACP-EU wokbung na ol ACP wok samting.

Komiti bilong ol Ambeseda

Dispela grup em ol ACP Ambeseda i go long Yuropien Yunien (EU) o ol mausman bilong ol. Em i helpim Kaunsil bilong ol Minista na i save supavaisim karimaut bilong Cotonou Agrimen.

ACP Rijinel Seketeriet

Seketeriet i save kodinetim ol wok bilong ol ACP institusen. Em i stap long Brasels (Brussels). Seketeri Jeneral bilong ACP em Sir John Kaputin.

Sampela EU Projek insait long Papua Niugini

OL Yuropien Yunien (European Union o EU) projek insait long Papua Niugini i karamapim apgredim bilong ol skul, trening insait long kantri, baim ol masin na STABEX fanding o mani.

Ol projek aninit long Humen Developmen Risoses Developmen Program namba 2 i karamapim taim namel long 1999 na 2006.

Ol projek em ol apgredim bilong Maunten Hagen Sekonderi Skul, Popondetta Sekonderi Skul, Wabag Sekonderi Skul na Hutjena Sekonderi long Bogenvil.

Tupela vokesenel senta aninit long dispela projek em Malahang Vokesenel senta long Lae na Kuiuaro Vokesenel senta long Milen Be provins.

Dispela projek i save givim ol trening insait long kantri na skolasip long sait bilong helt, edukesen na ol ovasis skolasip.

Insait long Impruvmen bilong ol Rurel Praimeri Skul Fasiliti (IRPEF) we i karamapim taim namel long 2003 na 2007, ol skul long Raikos, Jimi na Ambunti/Drekikir distrik i save karim kaikai long dispela fasiliti.

Yuropien Yunien i save givim mani long sampela projek aninit long Rurel Developmen Program.

Nesanel Agrikalsa Risets Institut long Lae i kisim mani long sanapim het opis bilong ol na mani bilong ol risets program i karamapim rais, taro bitel o binatang na integretet pes menesmen.

Long Bogenvil, Kieta Wof, Arawa Maket, ol Aamo Fida rot, Koromira na tunuru i kisim STABEX mani, na ol pis maket long Buka na Kavieng i kisim helpim aninit long EDF mani.

Long Is Nu Briten Provins, Gazelle Restoresen Atoriti (GRA) i kisim mani long Rurel Developmen Program long sindaunim ol pipel i ronawe long maunten paia.

Kakao na Kokonas Institut, Vudal Yunivesiti na Nesanel Agrikalsa Risets Institut i kisim helpim tu.

Long Maunten Hagen, STABEX mani i karamapim kopi faktori, wanpela kopi stua, risets senta na ol arapela kain krops developmen.

Long Goroka na Aiyura, STABEX mani i bin go long ol kopi projek, Kainantu Gol Main - SYSMIN mani. Ramu Sugar i kisim helpim long STABEX mani sapot tu.

Kirapim bek Bogenvil

OL BESIK sevis na infrastrak-sa we i bin bruk daun long 9-pela yia pait long Bogenvil i bin kirap bek wantaim mani i kam long Yuropien Yunien (Yuropien Union o EU).

EU i wok long karimaut wanpela bikpela pakes bilong helpim. Ol Stabex mani em ol i yusim long helpim agrikalsa sekta na ol projek aninit long namba 7 EDF, wantaim

rurel wara saplai na ol iko-forestri projek.

Aninit long iko-forestri program, i gat 5-pela operating projek i sut long kirapim bek ol lokol komyniti, haus, opim rot long kisim mani na kamapim wok bilong ol yangpela manmeri na tu long strongim save bilong ol.

Wanpela hap mani moa inap long €5.087,000 i go bilong kirapim

bek agrikalsa, infrastrak-sa na edukesen sekta. Ol projek em ol wok stretim long ol fida rot, strongim bek wok agrikalsa na developmen bilong ol vokesenel na teknikel skul.

Kantri Strateji Pepa (2002-2007) i opim olsem bai i gat wankain skelim long namba 9 EDF bilong ol projek insait long provins.



HAUS TAMBARAN: Haus Tambaran bilong Sepik i kamap long stedium. Redi nau long Bikpela ACP na ACP - EC kibung bai kamap long Indo Spors Kompleks dispela wik.
Foto: NICKY-BERNARD

Yuropien Komisin (European Commission)

YUROPIEN KOMISIN (European Commission) em i eksekutiv opis bilong Yuropien Yunien (European Union).

Em i save wok bung wantaim ol arapela Yuropien institusen na ol memba kantri gavman. Maski Komisin i gat rait bilong inisatip, olgeta bikpela disisen long ol bikpela lo em ol Minista bilong ol Memba Kantri bilong Kaunsil bilong Yuropien Yunien wantaim ol Yuropien Palamen i mekim.

Wok bilong Komisin em long luksave olsem EU i kamapim bikpela wok bilong en long strongim ol memba bilong en. Em i mas strongim ol gutpela kaikai i wankain namel long ol kantri na rijen na wok bisnis na konsumna na namel long ol pipel bilong Yurop (Europe).

Em i save wok klostu wantaim tupela konsaltativ opis bilong EU, em Ekonomik na Sosol Komiti na Komiti bilong ol Rijen.

Em i save kamapim ol lo, mekim wok olsem wasman bilong ol EU triti bai ol lo i wok stret olsem eksekutiv opis i bosim karimaut na menesim bilong ol polisi.

Yuropien Komisin i gat wanpela Presiden we ol Hetman bilong ol Kantri bilong EU yet i makim na 19 Komisina ol Gavman bilong ol EU Memba Kantri i makim wantaim tok orait bilong Komisin Presiden na i mas kisim bikpela tok orait i kam long Palamen bilong Yurop.

Oi Institusen

Yuropien Yunien i stap aninit long lukaut bilong 5-pela bikpela institusen we i strongim 4-pela fridom na sanap antap long ol bikpela as tingting.

Ol dispela institusen i bihainim laik bilong kamapim wanpela strongpela wok bung namel long ol pipel bilong Yurop (Europe) we i sanap antap long ol wankain politikel wok. Komisin i save givim tingting, Palamen i save givim stia tok, Kaunsol ov Ministas i save skelim, Kot bilong Jastis i save givim ruling na Kot ov Oditas i save strongim wok transparansi.

Taim ol bikpela wok bilong EU i wok long op, ol institusen i gro bikpela na namba bilong ol i go antap tu.

Ol i save wok klostu long karim kaikai bilong ol pipel na ol i save kisim sapot i kam long Ekonomik na Sosol Komiti, Komiti bilong ol Rijen, Yuropien Sentral Beng, Yuropien Ombudsman na Yuropien Invesmen Beng (EIB).

Wok bisnis wantaim EU

OLACP kantri i wok long win aninit long Cotonou Agrimen long ol preferensel maket rot bipo i bin kamap aninit long ol Lome Konvensen. Ol dispela preferens i bin givim fri maket rot bilong olgeta indastriyel prodak, wan wan agrikalsa prodak na i bin lukluk i go het long kain kain ol preferensel rot bilong ol dispela agrikalsa prodak we rot i go long en i no bin op tumas.

Ol tred volum o bikpela bilong ol bisnis namel long EU na Pasifik ACP i no bikpela tumas, na mak bilong en inap olsem 5 pesen bilong olgeta impot i samting i kam insait long Pasifik. Ekspot o samting i go long EU em i daun tru bilong


planti kantri na i nogat olgeta bilong ol liklik ailan stet.

Tasol Fiji tasol i kisim bikpela helpim aninit long ol Sugar protocol. Aninit long dispela protocol, EU i tok wanbel long baim suga inap long wanpela mak ol yet i makim olgeta yia long ol wan wan ACP suga produsa long wanpela prais tasol. Olsem na Fiji i ken salim moa long 165,000 tan olgeta yia na em i save olsem em bai kisim 35 inap 40 pesen bilong krop bilong em long wanpela prais we dispela prais tu em i tupela na tripela taim antap long prais bilong wol maket.

Ol arapela agrikalsa komoditi we ol i save ekspotim em wel pam, kopi, kakao

(Papua Niugini, Solomon Ailans), diwai (Papua Niugini, Solomon Ailans, Vanuatu), skwas na vanilla. Tinpis tuna em i wanpela bikpela ekspot prodak, moa bilong Papua Niugini, Solomon Ailans na Fiji. Papua Niugini em i wanpela bikpela ekspota bilong gol, kopa na wel na Nu Kaledonia em i go pas long kamapim nikel.

Antap long ol dispela, Fiji na Papua Niugini i karim kaikai tu long ol lo bilong tinpis, na Fiji i save mekim mani long ol tekstail o klos indastri bilong ol. Long olgeta dispela pl prodak wantaim ol arapela tu, Pasifik ACP i save kisim ol gutpela maket prais insait long EU maket we



BAI YU KARIM PIKININI?

Yu save long HIV mak bilong yu o nogat?
Sapos yu gat bel na yu gat HIV binatang, yu
gat sans long pasim dispela sik long kalap i
go long nupela pikinini bilong yu

Sapos yu save yu gat binatang bilong HIV
pinis, I gat marasin bilong helpim daunim
sans bilong nupela pikinini bilong yu
i kisim HIV binatang.

WOK BILONG HELT O HIV na AIDS KAUNSELA EM LONG
HELPIM YU NA GIVIM MOA SAVE LONG YU LONG WE YU INAP
WAS NA LUKAUTIM PIKININI BILONG YU



Produced by:
National Catholic Family Life Apostolate
P.O.Box 592
Goroka, EHP
Ph/Fax: 732 1356

HIV na AIDS I GAT HOP



National Catholic HIV/AIDS Secretariat
P.O.Box 398,
Waigani, N.C.D
Ph/Fax 323 9238
email: nchs@online.net.pg



DISENTRELAISESEN: Bai yumi go we long hia?

Toktok i kam long Sir Mekere Morauta Kt MP

Siaman, NCDC

Lida, PNG Pati

Memba bilong Pot Mosbi Not - Wes

Toktok em i mekim long opim bilong bung bilong ol Siti na taun menesa
long Hideaway Hotel, Pot Mosbi, 22 Me 2006

Gutpela moning na tenkyu tru long askim mi long kam na opim bung bilong yupela. Olsem ol lokol level gavman, ol siti na taun otoriti i no save kisim bikpela luksave tumas insait long gavman. Wok bilong yumi long lukautim ol aben otoriti save kisim strong long sapot long ol narapela level bilong gavman. Aninit long dispela het tok - ol level bilong gavman- em mi laik toktok long yupela dispela moning. Mi laik autim tingting bilong mi long ol polisi na wok bilong dis-entrelaisesen- ol astingting bilong en, wanem hap yumi stap nau, na wanem rot bai yumi kisim na we bai yumi go long hia.

I luk olsem mi gat liklik taim tasol long toktok olsem na mi bai toktok long ol bikpela astingting tasol. Bikpela salens bilong yumi nau em long tingting strong sapos dispela straksa bilong gavman em i stret long yumi; na tu sapos dispela straksa i helpim sindaun na welfea bilong ol pipol i stap long ol rurel na ol autsait ples.

Long ting bilong mi disentrelaisesen olsem yumi wok long mekim i stap i no gutpela long helpim na kisim pawa, ol risos na sevis i kam klostu long ol pipol. Yumi noken lukim dispela na tok olsem i gat asua long dispela polisi na yumi mas lusim. Tasol em bai hat long tok olsem yumi noken luk- luk long en ken. Fes yumi mas skul gut long wanem as tru na dispela sistem i bihainim stret ol astingting bilong en, taim yumi painim as tru bilong dispela ol hevi bai wanem senis i laik kamap bai karim kaikai.

Tupela samting bai yupela i lukluk long en tude-pablik sekta rifom na wok bilong nesenel ikonmik fiskol komisiner- em ol stap insait tu long dispela het tok. Dispela em ol bikpela samting we save sapotim gut ol dispela rifom we mi bilip gavman i mas bihainim. Tasol lukluk i go bek long dis-entrelaisesen, mi laik toktok long 4-pela samting we i no helpim em long kamap gut.

Namba wan samting em i nogat gutpela wok long was long wanem kain wok bai go long ol provins na ol distrik na wanem kain ol wok i mas i stap bek wantaim nesenel gavman. Mi lukim olsem i nogat wanpela gutpela ol i stap long bihainim long brukim ol wok i go i kam. Sampela wok ol i givim i go i kam em long as bilong politiks tasol; sampela ol i givim i go bilong wanem nesenel gavman i lukim olsem dispela bai helpim em long sevim sampela moni bilong en na i no i nap wari tumas long lukluk long dispela ol samting-dispela ol i no gutpela as bilong helpim na kamapim ol nupela wok na lukaut long ol samting.

Dispela i kamap strong bilong wanem ol i brukim wok i go tasol ol i no luksave long hamas tru wanwan provins i nap long kisim. Dispela i kamapim wanpela bikpela hevi long ol provins we i bagarap moa yet olgeta yia.

Namba tu as long ol samting i no kamap gut em taim ol i givim ol wok i go aut, ol dispela wok i no kisim i nap sapot long moni na edministresen long helpim ol i kamap gut. Long dispela as ol provinsol gavman i painim hat long kamapim sevis na tu ol provinsol na distrik gavman i no save kisim i nap moni long mekim ol wok we i go ol long wokim. Sampela i save kisim taim moa long ol narapela. Kain olsem Kerema na Vanimo i bagarap moa long Pot Mosbi, na Westen Provins i orait moa long Simbu, tasol bikpela tok i stap yet olsem olgeta lain i stap aninit long gavman i no save kisim i nap moni na edministresen sapot long mekim gutpela wok.

Bai mi makim NCD we mi save gut long tok klia. Nesenel gavman i givim planti wok i go long NCDC tasol em i no givim ol risos we bai sapotim ol dispela wok- ol klinik, skul, rot, paia sevis- na planti moa. Em wok bilong NCDC nau long stretim planti rot stret, na i no save i gat luksave olsem ol men rot em ol nesenel rot tasol i nogat wanpela toea i save kam olsem sapot, nogat wanpela toea i save kam tu long rejistresen bilong ol kar i ron insait long NCD. NCDC i mas i gat olsem K140 milien kain nau long stretim ol rot we i bagarap tru insait long siti. Dispela moni mak em i antap moa long hamas komisiner i save kisim long baset olgeta yia. Moni long ol wok long stretim ol rot insait long NCD i no stap. Olgeta manmeri save toktok planti long ol rot, na poinim pinga go bek long NCDC, tasol i ol i no save gut long as tru.

Mi save olsem dispela kain hevi bilong kisim wok tasol i nogat moni sapotim em i wankain long olgeta aben otoriti yupela i makim long hia.

Namba tri hevi em ol straksa na edministresen bilong gavman we ol i kamapim long mekim dispela disentrelaisesen polisi wok em ol i kos bikpela moni na i hat long kisim. Em i orait long yumi gat provinsol na lokol level gavman o nogat? Planti ol provinsol gavman i stap olsem hap pepa we liklik risos i kam i save pas olsem bikpela hap pen. Ol LLG na ol pipol i save kisim liklik tasol olsem hap makmak bilong pen i pudaun antap long ol.

Laspela samting em i wankain olsem samting mi toktok pinis long sait bilong givim wok i go tasol ol i no i nap long holim ol dispela wok. Wanem kain ol moni save go long ol provins na ol LLG i no save wok gut taim i nogat gutpela edministresen i stap long lukim ol i wok gut na dispela i save mekim ol risos i go lus nating.

Olsem yumi olgeta i save pinis, disentrelaisesen em rot bilong givim wok na ol risos long namel i go aut long ol wanwan otoriti long lukautim ol liklik grup bilong ol pipol na ol bai gat sans long kisim sevis hariap. Dispela i mas lukim sais bilong ol risos nesenel gavman i save kisim i mas go daun. Dispela i no save kamap. Nesenel gavman i wok long gro yet tasol em i sapos long mekim liklik wok tasol. Dispela narapela tupela level bilong gavman i wok long hangre i stap. I nogat i nap risos bilong tupela gavman wantaim. Sapos yumi no lukluk long dispela nau, em bai go bikpela na kamapim ol narapela hevi bihain taim.

Hevi bilong dispela hangre em olsem olgeta maneri wok long poinim pinga long ol yet long wanem as bilong ol sevis i no wok. Pablik i wok long paol long husat tru bai mekim wanem, husat bai baim wanem, na long wanem as ol sevis i wok long bagarap. Sampela we i wok long kamap nau em;

" Angau haus sik i bagarap tru. Yumi save lukim ol piksa long insait long niuspepa long ol wod i pas, na ol biding i bruk nabaut. Haus sik em wanpela wok bilong Nesenel gavman-ol i stap aninit long was bilong Nesenel helt dipatmen. Olsem na bilong wanem na Minista i askim Morobe gavena long helpim na givim moni long stretim dispela haus sik long Lae?

" Morobe gavena na Tresera husat i Memba bilong Lae i save gat planti kros long public long stretim ol rot bilong Lae. Yes, dispela ol i stap aninit long was bilong provinsol

gavman, tasol olsem long NCD, Lae i laki long i save kisim gutpela moni kam long AusAid long stretim ol rot.

" Editoriol long Post Courier bilong tude i toktok long ol dona husat ol i save kisim ples bilong gavman long putim moni long ol wok bilong em, na i mekim tok piksa long ol haus sik bilong yumi. Mi sapotim stret toktok bilong Dem Carol Kidu husat i tok dispela i wok long kamap bilong wanem gavman i no save givim moni long menesim ol haus sik gut. Post Courier i tok: "Plantil ol bikpela sevis i wok long bruk aninit long lek bilong yumi na i lukim olsem planti lida i laik kamap olsem pisin na subim het bilong ol i go insait long wesana long wet ol dispela hevi ronawe." Post Courier i pinisim tok wantaim wanpela hap tok we mi bai toktok moa long en liklik taim: "Dispela ol hevi bai stap yet i nap ol politisen bilong yumi mekim sampela samting long stretim ol."

Astingting bilong ol dispela tok piksa em i no long kisim sait bilong wanpela man tasol em long tokaut klia olsem yumi wok long paol na poinim pinga i go i kam long yumi yet taim nogat gutpela samting i kamap. I luk olsem i nogat wanpela man i stap redi long kisim hevi bilong dispela. Bai yumi stap olsem na poinim pinga i go i kam?

Dispela i tok wanem long yumi? Em i tokim yumi olsem yumi mas stop na tingting pastaim long wanem hap yumi stap long en. Yumi mas lukluk gut tru long ken long straksa we i sapotim polisi bilong disentrelaisesen na wok bilong brukim ol risos, ol risos bilong moni na edministresen namel long nesenel gavman na tupela gavman i stap aninit long en.

Em i festaim nau long independens yet i kam bai yumi gat wanpela gavman husat bai stap i nap 5-pela yia olgeta, tenkyu long ol rifom we gavman bilong mi bin kamapim. Long laip bilong dispela gavman yumi gat politikal stabiliti na bilip we bai nap long kamapim ol dispela rifom we yumi save lukim olsem nogut i no gutpela long gavman, kain ol rifom olsem lukluk long sistem bilong provinsol gavman, na ol wok bilong nesenel gavman.

Taim gavman bilong mi bin rausim ol provinsol sit, em i no bilong wanem mi egensim ol provinsol tasol mi lukim olsem ol lain i holim ol provinsol sit i stap namel long sit ol i holim na opis bilong kamap gavena, na i bikpela samting stret i pasim rot bilong kamapim senis insait long sistem. Tasol mi no bin kam bek olsem Prais Minista long 2002, na dispela sans bilong kamapim ol rifom na mekim senis we mi givim long nupela gavman em ol i no yusim. Nau yumi wok long putim bek dispela straksa we mi bin laik senisim.

Sapos i nogat wanpela rifom, mi wari olsem yumi bai westim planti risos na taim long traim long stretim dispela sistem. Wokim wanwan samting long ol yet bai no i nap stretim sistem. Krai long ol ovasis dona na ol pablik long baim ol mateniti wod na opim operesen bilong katim man na stretim sik long lewa bai no i nap stretim hevi bilong helt sevis. Lukluk long olgeta samting olsem mi toktok long en long wanpela gutpela rot em mi bilip bai givim ansa yumi laikim long sait bilong disentrelaisesen - givim pawa long ol pipol, givim sans long ol pipol long ol wok bilong ol samting we i bikpela tru long ol, na apim level bilong ol sevis na sans bilong ol pipol long wanwan ples bilong ol.

Em i bikpela amamas bilong mi nau long opim dispela 2006 bung bilong ol siti na taun menesa.



Papua Niugini Go het

KAMAPIM BIKPELA POLISI LONG KRIMINEL JASTIS SISTEM NA JASTIS SEVIS:

"Glasim Lo na Oda hevi insait PNG na Hevi bilong korapsen insait ol opis"

Toktok i go long Australia Papua Niugini 22 Bisnis Bung- Cairns Australia 14-16 Me 2006.

TOK I GO PAS

Mi laik salim bikpela tok tenkyu i go long Australia Papua Niugini Bisnis Kaunsil long askim mi long toktok insait dispela bikpela kibung.

Mi bin i gat sans long yia i go pinis long toktok insait long dispela bung taim mi Intenel Sekuriti Minista na mi laikim tru dispela sans.

Dispela em, i wanpela bikpela taim we ol tingting bilong ol bikpela bisnis na polisi bilong gavman i save kirap.

Hevi bilong developmen na ol salens long sosio-ekonomik hap bilong Papua Niugini i karamap pinis na ol polisi wok i strong moa bilong bungim olgeta bikpela stekholda bilong mipela - em praiwet sekta.

Dispela spesol wok bung namel long praiwet sekta na ol lain i save mekim polisi em i bikpela samting long bungim na yusim ol risos i go long gavman polisi long strongim kantri. Insait long ol dispela kain gutpela wokbung, mipela i ken luksave na kamapim ol tru driman bilong ol pipel bilong mipela wantaim.

Long yia i go pinis, mi bin kisim askim long toktok long bikpela askim long Papua Niugini Polis Fos.

Ol i askim mi long toktok long namba bilong polis man insait long fos na sapos namba i inap long lukautim trupela tingting bilong kantri i wok long pit strong agensim ol hevi bilong lo na oda inap long wanpela ten faiv (15) krismas nau.

Lo na oda i gat wankain nem olsem Papua Niugini na sapos em i nogut tingting o nogat, i gat narakain mining long wan wan man.

Tasol long mi yet, dispela i no tru. Mi kamapim Polis Riviu na Gan Samit long makim gavman na mi gat strongpela bilip olsem yumi noken kamapim toktok we i nogat mining o surukim i go long sait olsem sampela long mipela i save laik mekim.

KORAPSEN - SINDAUN BILONG EN TUDE

Mi bilip olsem i gat rot long daunim ol pasin bilong reip, kilim dai, stil pasin long ka, hawe, na long haus.

Tasol mi mas tok olsem opisel korapsen i olsem bikpela sik kensa insait long lo na oda we yumi husat i gat atoriti i mas wok hat long glasim.

Papua Niugini nau i wok long bungim kain pasin we i brukim lo na i no bin save kamap tupele ten (20) krismas i go pinis.

Dispela nupela kain pasin we i brukim lo i hat tru long stretim na planti taim, i save bungim ol samting bilong kastom tu.

Long planti long ol kes, ol i kisim stia na helpim long ol pipel bilong mipela yet husat i holim bikpela wok na pawa.

Ol i wok long daunim strong bilong gavman na bagarapim ol fridom na rait bilong pipel long kisim besik sevis.

Nau yumi muv i go abrusim mak bilong ol liklik pasin nogut na mipela i wok long lukim ol bikpela pasin korapsen i wok long strong moa insait long tenpela yia i go pinis. Ol ripot bilong Odita Jeneral, ol kaikai bilong o traibunel, ol publik wok pain-maut na ol Fainens Inspeksen i tok klia olsem i gat planti bikpela stil pasin i wok long kamap. I gat bikpela hap pasin stil long ol publik risos long bikpela mak tru na mipela i holim pawa i no givim luksave long en yet. Dispela em i wanpela bikpela pait na mipela i mas i gat inap strong long long han bilong mipela yet.

KRIMINEL JASTIS SISTEM - HAP WOK I GO LONG MTDS

Kamapim bilong wanpela nupela polisi fremwok we i sanap antap long strongpela kriminel jastis sistem mas stap long as bilong ol tingting bilong Midium Tem Developmen Strategi (MTDS) bilong gavman.

Sapos i nogat polisi long stretim korapsen insait long opis, MTDS bai hat long kamap bikos long liklik luksave ol Stet institusen i givim.

Tru tumas, gavman bilong mipela i wok long kamapim ol hap hap polisi bilong stretim wan wan hevi insait long komyuniti bilong mipela, na em i wankain long lo na oda na jastis.

Stat long independens i kam long nau mipela i no tingting long lo na oda bai bruk daun, na mipela i no ting mak bilong korapsen bai nap long daunim strong bilong gavman, kamap strong moa long kriminel jastis sistem na daunim publik sevis bilong mipela.

PAIT AGENSIS KORAPSEN

Pait agensim korapsen bai mas i gat strongpela politikal tingting na i mas i gat sapot bilong wanpela strongpela publik sevis. Pital politiks bai no inap long stretim ol hevi bilong mipela. Sapos mipela i no mekim samting hariap, bai ol hevi i go bikpela moa. Sapos ol publik opisel i pelim olsem gavman i nogat bikpela tingting long dispela pait, ol bai wokabaut lusim o lus long dispela pait long taim bilong daunim.

Papua Niugini i mas pait strong long kamapim gutpela bhain taim bilong ol pikini-ni nau na long bhain taim. Korapsen i traim olgeta strong bilong kriminel jastis sistem bilong yumi na ol lain i go pas long yumi i bungim taim bilong traim na ol i nogat moa strong.

Dispela nau em i gutpela taim bilong mi long givim liklik piksa long wok bilong Somare gavman long stretim sampela long ol bikpela developmen hevi bhain long mipela i winim opis mun Ogas 2002. Namel long ol bikpela samting we gavman i mas traim stretim em lo na oda i stap na moa yet, pasin korapsen we i stap namba wan bikpela praiwet sekta invesmen insait long Papua Niugini.

Korapsen em i bikpela maunten tru bilong Papua Niugini na long daunim na winim i mas i gat strongpela kriminel jastis sistem we i gat strongpela eksekutiv gavman i sapotim.

PNG POLIS FOS - LUKLUK BEK LONG EN

Piksa mi bin givim bipo long dispela kibung long sindaun bilong polis i no bin gutpela tumas. Mi mas tokaut olsem ol senis i kamap yet tasol ol i wok long kamap isi isi. Dispela i no sapotim kriminel jastis sistem bilong mipela we i wok long painim hat long mekim wok bilong en. i nogat inap prosekuta na solisita long olgeta kot bilong mipela na i wok long daunim strong bilong Viles Kot sistem long olgeta hap bilong kantri.

Tasol mi yet mi bilip olsem ol senis we i wok long kamap aninit long Somare Gavman bilong PNG Polis bai kirapim bek dispela bikpela gavman ejensi husat ol bikpela wok bilong em i bin sek yet. Polis Etnimistretiv Riviu we i bin kamap long glasim wok bilong Royal Papua Niugini Konstabulari long 2003 em i trupela piksa long hevi mipela i karim nau.

Em i trupela tok olsem gavman i mas luksave gut long laik bilong en long dispela bikpela ejensi. Em i bikpela samting we ol lain i save raitim ol polisi i mas traim kamapim ol bikpela kalkai bilong ol polisi bilong stretim rot bilong ekonomik gro na ekspensen.

Taim i nogat strongpela politikal tingting ol dispela rifom bai go slip nating olsem ol gras nogut na strong bilong ejensi bai lus olgeta. Wok bilong polis fos em i bikpela wok tru long strongim kantri na long pulim praiwet sekta bisnis we dispela gavman i wok long traim long kisim planti moa long en.

Em i tingting bilong mi olsem Gavman i mas strong long wok bilong em long

senisim dispela 'Mi tasol pasin' we i stap long olgeta hap long polis fos. Em i mas senisim dispela wantaim wanpela 'Polis kalsa' we i luksave tru long wok bilong aninit long konstitusen o mama lo bilong helpim ol pipel.

Mi laik tok tu olsem ol wokbung namel long Polis na Kriminel Jastis Sistem i mas sanap strong wantaim tupela rot we i karim kaikai bilong 'arestim na i go stret long givim mekimsave'. Dispela em i publik polisi namba wan na wanem samting em i daunbito moa long dispela mak em i nogat wok jastis i kamap.

KIRAPIM BEK KRIMINEL JASTIS SISTEM

Tude, wok bilong mi olsem nupela Minista bilong Jastis em i hat moa. Mi no tok mi ken givim olgeta rot long daunim ol hevi bilong Kriminel Jastis Sistem na Judisel Sevises, tasol mi ken tok olsem sapos polis i strong na i mekim gut wok bilong en, em bai inap luksave long ol laik bilong gavman i laikim wok i go het.

I gat wanpela strongpela wokbung namel long polis, ol ejensi bilong kriminel jastis sistem, na judisiari we i ken strong moa sapos i gat wanpela gavman husat i tingsave long strong bilong hevi bilong stil pasin na hevi em i ken givim long komyuniti. Wanpela asua we i nogat stretim bilong en i ken kamapim moa hevi na i go i go inap em i nogat rot bilong stretim moa.

HEVI BILONG KRIMINEL JASTIS SISTEM BILONG YUMI

Karimaut na tilim bilong jastis insait long PNG i wok long kisim bagarap na dispela i lukim planti stil man i wokabaut fit, na i wok long bagarapim menesmen sistem we i lukim ol Kot bilong mipela i wok long kisim planti bris ov kontrak na kompensesen kes. Ol jasmen we i wetim kot yet insait long Nesenel na Suprim Kot i larim planti long ol pipel i wetim kot i no inap long painim inap mani long baim kot na i nogat pinis long wok bilong ol.

Kriminal Jastis Sistem i wok long kisim hevi tu bikos kot rejistri i save kisim bagarap long wara na ol rekot i no stap gut moa. Ol oda i save kisim stem long rejistri na hevi i save kamap bikos planti pipel i wok long wokabaut wantaim planti milien kina.

Tasol tingim planti ol famili bilong ol pipel husat i dai pinis nau ol i stap nating na i nogat toksave bikos Probet na Wils sistem i kisim planti stil pasin tru long 1995 i kam inap nau.

Nau i gat bikpela sistem bilong bus jastis i go insait long Viles Kot sistem we ol reip, kilim dai man na domestik valiens o pait pasin em ol i save stretim taim ol i senisim sampela pik na kes mani. Ol bikpela hevi i kamap insait long ol grasrut komyuniti em ol i save stretim bhainim mak bilong hevi na i nogat luksave long ol lain i kisim bagarap.

OL KLEIM I SAPOTIM NA I AGENSIS GAVMAN

Aut ov Kot Setelmen o stretim hevi ausait long haus kot em i wanpela bikpela bisnis insait long PNG. Stat yet long 2001 ol gavman loya bilong mipela i no bin inap pat agensim planti long ol bikpela kelim agensim Stet. Ol Did ov Setelmen em ol i save sainim hait na i nogat luksave o probiti i kamap. Em i klia nau olsem wanpela bikpela stil pasin i wok long kamap namel long Dipatmen, ol Praiwet Loya, Kot Rejistri, ol Kleimen na Fainens Dipatmen we bikpela hap publik mani i go aut pinis. Inap tude, ol kleim agensim Stet i abrusim K500 milien stat yet long 1995. Ol brif aut i go long ol praiwet loya bilong makim Stet i sanap moa long K70 milien long 2001 i kam inap nau. Ol dispela namba long 1995 na i kam i nogat. Stat long 1992, ol Difol jasmen na Aut ov Kot Setelmen we Dipatmen i stretim i sanap long K184 milien we Stet i peim K43 milien i go long ol Kleimen. Samting olsem K120 milien i stap autstending yet na ol i wok long prosesim nau yet.

Stat long 2004 i kam inap April 2006 Fainens Dipatmen i peim moa long K28 milien long ol praiwet loya nai nogat kot orait i kam long Dipatmen bilong Jastis na Atoni Jeneral taim em i klia olsem Stet yet i mas difendim olgeta wan wan long ol dispela kes long 10% long kos. Mi no save sapos K28 milien em samting nating o gutpela taim bilong wanpela manmeri. Tasol em i ken go long planti bris, haus marasin, haus sik mesin, ol skul buk, ol rot na bris na i go moa yet.

Nau yet Opis bilong Solisita Jeneral i wok long lukautim 8,905 ekdiv fail na ol i gat 11-pela loya tasol we trapele em ol sinia loya tru. Planti taim wanpela Stet loya i ken wok long 1000 kes fail. Dispela em i no stret na nogat bikpela kain wok tingting bai kilim paia bilong Kot Setelmen we ol kleimen bai bhainim. Ol presa long ol kleimen i go nogut moa wantaim ol tok lukaut toktok i go long ol sinia loya bikos ol i pasim rot bilong ol setelmen kleim.

PNG Polis i makim 80% long ol kleim agensim Stet, tasol planti moa Papua Niugini manmeri i wok long eksesaisim rait bilong ol long suim na kisim ol kleim we ol Dokta, Nes, na Medikel Odali i wok long go antap we Solisita Jeneral i bin tokaut.

HEVI BILONG PABLIK PROSEKUTA BILONG YUMI

Stat yet long 1992 samting olsem 70% long ol kes we Pablik Prosekuta i go long Polis Fos bilong sasim ol tasol i nogat wok pinisim i kamap. Ol riferel em ol kriminel na planti taim ol i traim strong bilong PNG Polis Fos Anti Korapsen Divisen. I gat planti kes i stap yet we ol i kamap moa long 20 krismas we i mas i gat prosekusen agensim Prosidis ov Crime ACT we nau ol i mas prosesim.

Nau yet wanpela Frot Skwat Opisa i wok wantaim moa long 300 kes fail wantaim ol dispela we ol i salim i go long prosekusen pinis. Dispela i karamapim ol riferel i kam long Pablik Prosekuta na ol ripot i kam long Odita Jeneral.

Riferel we Dipatmen bilong Inta Gavman Rilesens i mekim i go long Sauten Hailans Provinsel Gavman long 2003 em ol i no prosesim yet. Nau yu stat long tingting sapos em bai gat jastis. Ol prosekusen i bruk daun taim ples bilong wok i no stret na Gavman em nau i wok long karim hevi bilong en.

KAMAPIM BIKPELA PABLIK POLISI TINGTING BILONG KRIMINEL JASTIS SISTEM

Strongpela bilip bilong mi em as bilong strongpela ikonimi mas slip antap long strong bilong lo.

Gutpela karimaut bilong lo i namba wan samting long kamapim ikonimi. Ol kantri husat i kamap i kirapim strongpela as bilong lo na oda na wanpela strongpela Kriminel Jastis Sistem i ken givim sans long ekonomik long gro na tu, kamapim bisnis graun long olgeta lain husat i laik inves.

Kamapim wanpela bikpela polisi fremwok bilong Kriminel Jastis Sistem na long Jastis Sevis insait Papua Niugini em i bikpela samting tru long dispela taim we nogut pasin i wok long senis.

Polisi fremwok we i redi long bekim ol pasin nogut we i ken kamap bhain i mas mekim gavman long givim gutpela risos i go long olgeta bodi insait long lo na jastis sekta. Em i mas rispeklim independens bilong disepela ol bodi na mas wok hat long no ken stap insait insait long eksekutiv pawa bilong em yet.

Basef sapot na lejislativ na etnistrativ toksave mas kam wantaim strongpela politikal toktok agensim kram na korapsen.

Ol gavman i mas go pas long givim luksave olsem ol i no pilai wantaim dispela bikpela samting na traim long noken salim toktok bilong en long ol politikal toktok.

OL GAVMAN EJENSI - OL SAMTING I DAUNIM WOK KARIMAUT

Wanpela glasim long olgeta pasin stretim i stap insait long planti long ol Stet Ejensi i no givim gutpela piksa. Em i wok long lusim strong na blut i kapsait.

I gat moa long 300 frod kes bilong graun insait Papua Niugini we i no kisim prosekusen insait sivil na kriminel jurisdiksen.

Nau yet i luk olsem 10,000 pipel i stap insait long kantri i nogat tok orait we ol i bung insait long ol komyuniti bilong mipela, kisim wok na salim mani i go ovasis na i nogat luksave long en.

I nogat wanpela difensen senia long stretim na holim pasim ol kain lain olsem kantri long kantri.

Bikpela namba bilong mani askim i save kamap long beng we ol lain i save salim mani i go long narakain taim aninit long narakain nem we i go pas long ol mani mak we Sentral Beng i makim.

I gat ol planti koles diploma na skul setifiket we i sanap olsem hap samting we i ken givim bagarap long edukesen sistem we ol kampani i bungim hevi bilong en. Ol kot i bungim planti kes bilong kontrak we wanpela pati i brukim askim bilong kontrak

Tu ol ADR kes i stap olsem mak bilong olgeta gavman kontrak (Emploimen na Prokiumen) we wanpela Traibunel i save kirap long mekim glasim wok.

Ol Traibunel i save glasim sampela bilong dispela hevi we i nogat askim long go long kot. I gat sampela rait insait long fiari na bik bus we sampela lain i brukim.

Tu ol lo i lukautim envoironmen bilong mipela ol lain i save brukim na i gat bagarap bilong rait bilong ol papagraun wantaim dispela bikpela risos developmen.

Ol wari bilong publik long gavman kisim eksen i planti taim save lus insait long kain tingting we ol i tok ol lain i no brukim lo bilong yumi.

Pasin

Tilim aut bilong ol wok permit wantaim nogat tok orait i kamap we i gat ol wanlain bilong yumi i gat han insait long Foren Afes na Dipatmen bilong Leba i daunim strong bilong visa na wok sistem bilong yumi.

Maski long eksekutiv level tu namba bilong o lo i kamap long independens i mas i gat wanpela bikpela glasim bikos sampela long ol i save barn o pasim rot long ol arapela intanesenel wok bilong yumi.

Wanpela wok rivu i mas kamap bilong olgeta lo bilong yumi, ol ACT na ol sabodinet lejislesen i ken karamapim tu wanpela glasim bek bilong lo bilong gan o Firearms ACT na Kriminel Kod bikos i gat planti tok kros long dispela samting.

Stilim bilong ol samting bilong gavman olsem ol haus, ka, ol mesin, na ol arapela opis mesin i lukim olsem i nogat bikpela wok i kamap long kisim bek ol dispela samting.

Ol famasutikel o marasin kampani i save mekim ol marasin olsem amoxil em ol i wok long salim long rot insait long kantri na dispela i opim bikpela rot long hevi i kamap we ol i ken painim baris long ol dispela kain sik o marasin sapos ol i no bhainim na dringim stretim mak bilong en. Ol i wok long stilim ol marasin long ol haus marasin na salim long publik.

Olgeta hap graun we i stap 10 mita long lephan o long rait long ol gavman rot em i samting bilong Dipatmen bilong Woks. Tasol publik i mas baim gen rausim bilong ol pipela graun. Na tu, Stet i mas lukluk gut long ol haus ol pipel i sanapim nating long graun bilong gavman taim ol i laik stretim ol rot.

Aninit long ol samting i kamap tude, em i klia olsem sampela long ol Stet Ejensi (Dipatmen bilong Lens, Fiseris, Forestri, Fainens, imigresen, Kastoms, Lokol Level Gavman, Tred na Industri, Leba na Emploimen, Polis, o Dipatmen bilong Woks) i no wok long strongim ol lo bilong ol yet bhainim stretpela rot. Dispela pasin i wok long strongim tingting bilong publik olsem ol lo bilong mipela i nogat strong bilong ol na ol publik i wok long karim hevi bilong ol.

INDIPENDENS BILONG JUDISIARI - TRAIM STRONG BILONG EN

Wanpela long ol bikpela strong bilong demokrasi bilong Papua Niugini em i independens bilong Judisiari. Em i kamap leit bilong planti husat i save painim malolo long lo na i wok long givim komyuniti gutpela sindaun na wanbel na fridom we i nogat long ol arapela hap.

Tasol tilim bilong jastis i gohet long kisim planti stekholda i givim bikpela namba bilong loya wok i kam long ol lowa kot na i go olgeta long Nesenel na Suprim Kot. Nau em i laik bilong dispela gavman olsem Judisel Ligel Sevises Komisn (JLSC) i mas kamapim wanpela rot bilong rifom o senis we bai em i kamapim ol nupela etnistrativ na lejislativ senis we i mas stap long strongim Judisiari na ol han bilong en.

JLSC bai kamap olsem kondiut bilong stretpela pasin taim em i bungim eksekutiv gavman na olgeta ejensi bilong kriminal jastis sistem wantaim ol judisiel sevis insait long ol polisi.

I gat planti Kot Siting i abrusim taim bilong ol bikos i nogat witness i stap o ol Prosekuta i no kamap olsem na planti bilong ol pipel bilong yumi i no luksave long ol rait bilong ol. Ol kot disisen we i pending o stap yet inap long wanpela yia i no stret na i save givim planti kos long ol lain i go long kot bipo long disisen i kamap. Nau yet i gat 13 Kot Seket i kamap insait long PNG long wan wan yia. Olsem na i mas i gat tupela prosekuta i stap long prosekut makim Stet insait long wan wan long ol dispela Kot Seket. Tasol planti taim i nogat inap Prosekuta long stap bikos mipela i gat 22 Prosekuta tasol. Em i bikpela wok tru we gavman wantaim JLSC i mas kamapim bekim bai wok jastis i go het.

ROT BILONG GO HET - WANPELA STRONGPELA

KRIMINEL JASTIS SISTEM

Somare gavman nau i mas statim wok bilong senis taim em i tok klia long ol publik polisi na em i mas kamap bikpela wok long olgeta ejensi i wok insait long lo na jastis sekta. Tasol dispela bikpela wok i mas stat wantaim Join Ligel na Judisel Sevises Komisn i mas go pas long senisim ol polisi bilong makim stret laik bilong ol pipel.

Jurisdiksenol independens i stap long sampela long ol bikpela ejensi insait long Kriminel Jastis Sistem na Judisel Sevises i noken stiaim gavman long dispela stretpela sanap bikos em i save sanap nating long sait bilong kamapim polisi long tupela ten krismas i go pinis.



Hon. Bire Kimisopa, MP

Minista i bosim Jastis na Membre bilong Goroka.



Harim TOK PISIN long Radio Australia
101.9FM
 Port Moresby

TOK PISIN NEWS
 from Radio Australia
 radioaustralia.net.au

Tok Pisin Service
 6am - 7am 6080; 7240(KHZ)
 7pm - 9pm 5995; 6020; 9710; 1280(KHZ)

Indonesia intelijens raun painim Papua meri

POLIS long Papua Niugini i holim pasim tripela man husat Indonesia gavman i bin salim ol i kam long PNG long painim wampela meri bilong Papua provins long Indonesia husat i wok long hait long PNG.

Dispela meri em Siti Wanggai, husat pikinini meri bilong em na bipo man bilong em i bin stap wantaim 42 Papua manmeri husat bai kisim ol visa pepa taim ol i kamap long Australia long wampela bot long mun Jenuari.

Em i tok olsem ol intelijens opisa bilong Indonesia i bin tok lukaut olsem ol bai kilim em sapos em i no askim bai pikinini meri bilong em i go bek wantaim em long Papua. Mis Wanggai i bin tokim ABC olsem em i tingsave olsem ol soldia bilong Indonesia Ami i wok long ronim em na em i pret long laip bilong em.

Nau i luk olsem dispela tingting bilong em i tru taim dispela tripela man i tokaut olsem gavman bilong Indonesia i bin salim ol i kam long PNG long painim Misis Wainggai.

Husat i askim: Steve Marshall

Husat i bekim: Kerry Nettle, Australia Greens Seneta, Philemon Numberi, Indonesia Konsulet, Vanimo na Siti Wanggai, Papua meri.

MARSHALL: Long ausait long noten PNG taun bilong Wewak, PNG polis na difens fos soldia i wok long tromoi ol askim long man Papua, Philemon Numberi.

"Husat i salim yu? Ol famili i salim yu?" Wampela opisel i askim em.

"Nogat," Philemon Numberi i tok.

"Gavman i salim yu?"

"Yes," em i tok. "Gavman".

Philemon Numberi i tok em i wok wantaim Indonesia Konsulet long PNG taun bilong Vanimo, klostu long Indonesia boda, wantaim wampela arapela man, Erwind Age.

Numberi na Age i tok Indonesia Gavman i bin salim ol i go long Wewak long painim Siti Wanggai.

NUMBERI: Mi no kam long kisim em i go bek. Nogat. Mi laik bungim em na toktok wantaim em pastaim.

MARSHALL: Greens Seneta Kerry Nettle i no kirap nogut long dispela nius, bihain long Indonesia Foren Minista i bin givim bekim taim Siti Wanggai i tok long ABC tupela wik i go pinis olsem Indonesia Ami i bin fosim em long mekim ol giaman singaut bilong pikinini meri bilong em i mas to bek long Australia.

NETTLE: Taim mi harim Foren Minista Wirayuda i tok olsem ol Indonesia atoriti i no painim Siti Wanggai yet na mi yet mi ting wari olsem mipela bai lukim dispela kain samting we nau yu stori

long en em ol Indonesia opisel i go painim em long kisim em i go bek long Wes Papua.

MARSHALL: Bihain long em i ronawe lusim Papua i go long Papua Niugini sevenpela wik i go pinis, Siti Wanggai i sindaun wantaim pret olsem em bai kisim hevi i kam long Indonesia.

Nau i klia olsem Mis Wanggai i gat gupela as long pret.

WANGGAI: Mi pilim olsem bai i gat ol arapela bai ol i kam. Olsem na mi askim long lusim dispela ples bai mi noken stap long taim.

Mi no laik stap hia longpela taim tumas bikos long kain pasin bilong ol Indonesia. I no dispela tasol. Mi save olsem bai gat ol arapela tu i kam.

MARSHALL: Mista Balagaize, yu mekim wanem long Wewak?

BALAGAIZE: Mi go lukim famili bilong mi tasol. Mi no laik tok tok moa.

MARSHALL: Nick Balagaize bilong Papua provins em namba wan man Wewak polis i bin holim em las wik.

Taim em i kamap long Pot Mosbi, em i tokaut olsem Indonesia Gavman i bin baim balus tiket bilong em i go long Wewak na givim em mani long painim Siti Wanggai.

Aste nait, Greens Seneta Kerry Nettle i askim Dipatmen bilong Imigresen na Maltikalsarel Afes sapos ol i toktok pinis wantaim Siti Wanggai.

Bekim em 'nogat'.

NETTLE: Ol i sindaun yet bikos ol i tok em i no mekim wampela askim i go long Australia gavman olsem as long ol i no mekim wampela samting long helpim yet.

Ol i tok olsem ol i ken stretim rot bilong em tasol em yet i no salim askim i go long ol.

Ol i no het het long traime lukautim sindaun bilong dispela meri.

MARSHALL: Tripela man husat i tok Indonesia gavman i salim ol long go painim Siti Wanggai em bai ol i nogat sas long dispela. Tasol ol i no moa stap long Wewak.

Mis Wanggai nau i hait wantaim helpim i kam long ol sapota bilong em, tasol ol i tok sampela moa Indonesia man i wok long go antap long Wewak.

Ol i singaut long Australia gavman na Yunaitet Nesens Human Raits Komisn bilong ol Refuji long helpim Mis Wanggai long taim nogut bilong em.

Australia i tok, trabel nau i kamap long sampela hap bilong East Timor

GAVMAN bilong Australia i tok, trabel i wok long kamap long sampela hap bilong East Timor.

Foren Minista Alexander Downer i tok Australia i redi long givim halivim sapos gavman bilong Is Timo o Yunaitet Nesens i askim long en.

Em i tok em i bikpela long indipenden komisn bilong Is Timo i mas glasim gut na stretim dispela bel kros bilong 600 soldia ol i bin rausim ol.

Mista Downer i bin tokim Palamen bilong Australia olsem trabel i no bin kamap long Is Timor long wik i go pinis, long wanem kongres bilong ruling Fretilin Pati i bin wok long holim miting long Dili.

Tasol em i tok, ol ripot i tok long trabel i kamap long ol hap bilong Dili na bilong Is Timor.

Mista Downer i tok Australia i putim pinis ol nevi sip, balus na ol soldia long noten Australia bilong givim halivim sapos trabel i kamap.

Em i tok Australia inap i go kwik bilong halivim long kisim aut pipel o givim sampela ol narapela kain halivim.

Foren Minista i tok pipel bilong Australia i no ken i go long Is Timor long dispela taim long wanem long ol dispela trabel i go het long kamap.

Em i tok pipel bilong Australia i stap long Is Timor i mas tingting long lusim kantri.

Pacific Islands Forum i askim UN long stopim pasin bilong stilim pis

SIAMAN bilong Pacific Islands Forum i askim long ol i mas mekim samting bilong stopim ol man i hait na pulim pis.

Robert Aisi, husat i Ambeseda bilong Papua Niugini long Yunaitet Nesens i tokim pinis wampela Yunaitet Nesens konfrens i toktok long intanesen lo olsem, i nogat wampela samting tasol olsem inap kamapim bikpela hevi tru long sindaun bilong ol pipel.

Mista Aisi i wok long toktok strong long Yunaitet Nesens long strongim ol lo na surukim i go karamapim ol rijinel ogenaisesen na kamapim gut rot bilong lukautim na karimaut dispela lo.

Ol deleget i kam long ol gavman, pising indastri na ol environmental grup nau i stap long dispela miting bilong Yunaitet Nesens long Nu York (New York) bilong glasim gen wampela agrimen ol i bin mekim long 1995 long konsavesen na menesim bilong ol pis i save raun long olgeta hap bilong solwara na i no save stap long wampela hap tasol.

Fiji i gat 35 memba long nupela kabinet

FIJI i gat wampela nupela kabinet em i gat 35 memba long en na em i wampela bikpela kabinet tru long histori bilong kantri.

Dispela i kamap bihain long bikpela oposisen Labour Pati long Fiji i bin wanbel long bung na serim pawa long gavman long wampela kokus miting long Trinde moning.

Ol i bin swerim in planti long ol memba bilong kabinet tete long moning, na bai ol i swerim in 9-pela Labour MP tete.

Tasol lida bilong Labour Oposisen, Mahendra Chaudhry i tok em i stap yet olsem wampela bek-bensa.

Em i tok, Labour i no amamas wantaim ol ministerial wok, tasol bai tok orait long ol.

Praim Minista Qarase i bin tokim ol ripota olsem em i amamas long tingting bilong Labour long bung wantaim gavman.

Mista Qarase i makim gen sampela long ol minista bipo bilong em olsem Josefa Vosanibola olsem Home Affairs Minista.

S.I. Praim Minista tokaut long gavman polis bilong em

Solomon Islands Praim Minista, Manasseh Sogavare, i tokaut long policy framwork bilong gavman bilong em long Honiara.

Dorothy Wickham i ripot ikam long Honiara olsem, long tokaut bilong em, Praim Minista i tok, Solomon Islands i stap long impoten divleopment Corssroad na i tok kantri bilong em i kamaut tasol long wampela Social Unrest em ibin bagarapim

tru liklik samting oli kamapim long socila economic development programme bihain long kantri i kisim indipendens.

Na em i tok, sapos nogat halivim bilong Regional Assistance Mission long Solomon Islands, recovery ino ibin nap kamap.

Tasol em i tok, kantri nau i fesim niupela na ongoing challenges.

Bikpela salens bilong nau em long putim na igo het long bringim ol sevis oli laikim na lukautim lo na oda.

Praim Minista Sogavare i tok, Grand Coalition bilong em i laik wok klostu wantaim RAMSI bilong lukim olsem, kantri igo het long enjoy stable environment.

Em i bin tok welkam long ol halivim ikam long olgeta dona kantri husat ibin stap long Solomon Islands.

Pacific BEAT

4, 5, 6am & 4pm, 5pm
 including sport

Listen to Radio Australia:
 101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



PNG MAUSMERI AUTIM TOK: MERI loya bilong Papua Niugini Annie Kajor, husat i bin winim bikipela intanesenel prais bilong wok bilong em long makim maus bilong ol papagraun agensim bagarap i kamap long bus graun bilong ol nau i wok long raun long wol long toktok long wok bilong em. Long dispela piksa, Annie i bin go long Tokyo, Japan long toktok long rait bilong ol as ples pipel we i noken i gat pasin daunim i kam long ol bikipela timba kampani. (EPA Poto/ANDY RAIN)



LUKIM WOK BILONG POLIS: OL polis sevis long Beising (Beijing) siti long Saina i bin soim olgeta wok bilong ol long wanpela bikipela Polis Ikwipmen Eksibisen so we ol i soim olgeta masin bilong ol. Ol dispela lain i sanap lukim moa long 300 domestik na intanesenel saplaia husat i save mekim ol kain kain samting olsem ol limosin kar i gat bullet pruf glas o glas i ken stopim katres bilong gan we ol gavman lida i save yusim na ol bikipela pait gan ol polisman i save yusim. (EPA Poto/ADRIAN BRADSHAW)



PAILOT BUNGIM BIRUA: LAKI long stap laip yet em dispela pilot bilong kantri Teki (Turkey). Leftenen Halil Ibrahim Ozdemir em ol i karim em long wanpela haus sik long Mugla. Wanpela jet faita balus bilong Gris (Greece) na wanpela bilong Teki yet i bin bungim birua antap long solwara bihain long ol pilot bilong tupela balus i bin abrus na bam. (EPA Poto/ STR)



RAUSIM MAIN! OL DISPELA Filipino manmeri i autim bel kros bilong ol long wanpela bikipela maining kampani bilong Australia. Ol dispela lain i sanap ausait long embasi bilong Australia insait long Makati Siti, long saut bilong Manila, Filipins long Trinde dispela wik. Ol i laik senisim tingting bilong Australia Ambeseda long opim bek wok maining long Rapu-rapu, wanpela ples long Albay Sauten Filipins. Ol protesta yet i tok olsem wok bilong maining kampani i wok long bagarapim bus graun bilong ol na gavman i no harim ol krai bilong ol. (EPA Poto/DENNISM. SABANGAN)



PASIM MAUS NA NUS: OL elementeri skul sumatin i pasim haitim maus na nus bilong ol wantaim ol mas long banis agensim ol sit bilong maunten paia long wanpela skul long Cangkringan viles, Sleman, Yogyakarta long Trinde dispela wik. Gunung Merapi, wanpela long ol bikipela maunten paia insait long Pasifik Ring Paia i wok long pairap i stap long sampela wik nau na ol saveman i tok i no long taim bai em i bruk na pairap olgeta. (EPA Poto/WEDA)

Ol poto long ol samting i kamap long dispela wik...



Foto: Nicky Bernard

SALIM PISIN: Gela Kila bilong Hula i save sindaun long sait bilong bikpela rot long Waigani long Mosbi na salim ol pisin (koki) bilong em long kisim liklik makmak bilong em. Em i kisim 19 olgeta i kam na salim pinis. Taim Wantok i painim em, em i bin i gat 8-pela tasol i stap.




Foto: Nicky Bernard

GUTBAI PRESEN: Wanpela bikman bilong Wantok Niuspepa, Leigh Arnold husat em i wanpela volantia bilong Volantia Sevis Ogenaisesen (VSO) i bin pinisim wok bilong em wantaim Wantok las wik Fraide. Ol wokmanmeri bilong Wantok i bin tok gutbai long en na biknem katunis bilong Wantok yet, Jada Wilson i bin droim wanpela naispela piksa bilong em. Pasin bilong Wantok i stap wantaim Leigh pinis na em i tok em baʼ no inap lus tingting long Wantok Niuspepa - Niuspepa bilong ol PNG stret.



LONSIM BILONG GOROKA KOMYUNITI POLIS

Opis bilong Memba bilong Goroka na Minista bilong Jastis na Atoni Jenerel, Hon. Bire Kimisopa, i amamas long tokaut long lonsim bilong tupela projek, em ol:

1.0 GOROKA KOMYUNITI POLIS

Minista bilong Jastis na Atoni Jenerel, Hon. Bire Kimisopa, MP, bai lonsim Goroka Komyuniti Polis program long *10 kilok moning, Mande Me 29, 2006* long Goroka polis stesin.

Dispela program i sut long wok bung antaim ol sivil atoriti, lo na jastis sekta, ol regula polis, ol Goroka setelmen atoriti na praivet sekta bilong strongim wok bilong polis insait long ol ples we planti hevi i save kamap long helpim long daunim mak bilong ol pasin nogut insait long Goroka.

Tok Orait i kam long:


Hon. Bire Kimisopa,

MP
Memba bilong Goroka na Minista bilong Jastis
na Atoni Jenerel



Foto: Andrew Molen

LAIP YAH: Kaikai em i wanpela bikpela samting long kalsa bilong Papua Niugini. Wanwan ples i gat wanwan kaikai we ol i gat nem long en. Tasol taim yumi bungim olgeta wantaim kaikai bilong ovasis em i save rait olgeta. Husat i hangre nau.



ORIGIN FIVA YA: Maroons o Blues, em ol wokmanmeri bilong Mosbi kampani PNG T-shirt i so op wantaim ol singlis bilong ol i makim ol tim ol i sapatim. Ol dispela singlis em ol yet i printim. Dispela kampani i kam aninit long mama kampani bilong ol ISAS.



Raun lukim ol meri na pikinini



KALSA I BUNG:



LARIM I GO:



YUT POLISI:

KALSA I BUNG: Marimari Luteran Sios i bin luk gut taim Skotien na PNG pipel na kalsa i bin miks long selebretim marit seremoni bilong tupela yangpela pipel, olsem piksa bilong ol dispela yangpela, mama, pikinini na ol bikpela man long tupela sait i soim.

LARIM I GO: Yangpela Roselyne Soraben em miks Morobe, Sentrel na Milen Be i maritim Andrew Johnston bilong Skotien. Tupela i sanap wantaim papamama bilong Roseyn binain long marit seremoni long Marimari Luteran sios, Mosbi, las Sarere

YUT POLISI: Sosel Developmen Minista Dame Carol Kidu na ol woklain bilong Yut Komisin wantaim draf ripot bilong Nesenel Yut Polisi pepa.

Ol Foto: VERONICA HATUTASI

Lo bilong Lukautim ol Meri



Lo tambuim pasin paitim meri
DISPELA em i wanpela rot yu ken bihainim sapos yu marit meri o yu no marit meri. Yu ken stretim toktok (midiesen) sapos man i wan bel long stretim toktok. Mejistret bilong Lokol Kot o Viles Kot i ken sindaun wantaim yutupela na stretim tok. Sapos yutupela i wan bel long toktok, mejistret i ken raitim long hap pepa na yutupela i mas bihainim dispela toktok. Tasol sapos man i no wan bel long dispela rot, bai mejistret i no inap long subim em long bung na toktok.

- Moa long neks wik

Sotpela tok Lukaut Skruim AIDS toktok

SAMPELA pipel i painim olsem ol samting we sios i save raitim i save givim bikpela strong. Sapos yu stap sori yu yet o yu sik, yu ken kisim ol buk olsem baibel na ritim ol toktok we i stap long strongim yu long wanem situesen yu bungim. Em bai helpim yu tu sapos yu prea wantaim wanpela pren. Yu ken tok aut long wari na pret tingting yu gat. Spirituel kea i save helpim ol pipel wantaim HIV o AIDS long luksave long sik bilong ol na tu redim ol long dai. Em i bikpela samting long redi long dai bikos olgeta man bai dai. Yu bai pilim moabeta sapos yu stretim laip bilong yu gut na stretim olpela kros pait na kamapim bel isi bipo yu dai.

- Moa long neks wik

Wanpela Asosiesen faunda i amamas long wok

BIKPELA amamas i kamap long harim ol senis insait long Yang Wimens Kristen Asosiesen bihain long ol i kirapim 44 yias i go pinis.

Mary Pulsford i gat 77 krismas bilong Australia i bin wanpela long ol husat i bin wok long PNG long 1950's. 60's na 70's na i kontribut long statim YWCA long PNG i wokim dispela toktok taim em i bungim bosmeri bilong Asosiesen, Priscilla Kare long Australia.

Susa Asosiesen em YWCA bilong Australia i bin askim Ms Kare long harim em i toktok long ol wok na ol progrem we susa Asosiesen long PNG i karimaut.

Misis Pulsford i bin amamas nogut tru long bungim Misis Kare na harim ol ripot, ol wok kamap na wok go het YWCA i wokim insait long PNG.

Insait long wanpela pas we Misis Pulsford i raitim, em i tok:

"Mi amamas long harim ol gutpela progrem we YWCA long PNG i karimaut na bikpela wok ol meri i wokim.

"Wantaim ol salens kantri bilong yupela i bungim, stat yet YWCA i kirapim wok long 1962, mi amamas tru long harim ol gutpela ripot we i soim olsem samtign we mipela i bin planim i wok long karim gutpela kaikai nau," Misis Pulsford i tok.

Misis Pulsford i bin bungim man bilong em, Bob R L Pulsford long yia 1953 taim em i wok wantaim Dipatmen bilong Agrikalsa



GUTPELA PREN: Wanpela lapun mama bilong YWCA long PNG, Mary Pulsford i amamas long bungim Priscilla Kare na harim gutpela ripot bilong Asosiesen long PNG.

na Laipstok long ples Urip. Dagua insait long Is Sepik provins.

Tupela i bin marit na i gat tupela pikinini we em i karim ol long PNG yet.

Famili i bin stap na wok long Sepik, Manus, Is Nu Briten na Mosbi. Na Mary i bin wok wantaim ol arapela meri Australia long kirapim YWCA long PNG long 1962.

Long 1964, ol bin makim em long YWCA Bot na em bin helpim wantaim ol trening progrem bilong ol meri.

Em bin wok olsem tisa long Pot Mosbi Hai skul (nau Pom Inta) na bihain, tuta (tisa) bilong Boteni long BAILOLOJI Dipatmen bilong Yunivesiti ov PNG. Dispela em long 1968, taim UPNG i bin stat nupela.

Long 1973, Mary na famili i bin go bek long Australia na long 1974, wanpela poroman bilong em i bin toktok long em na em i joinim YWCA- Australia we em i wok yet long em na givim sampela sapot long PNG.

Sapotim ol yut ...Yut Komisin laik kamapim infomesen sistem

Noreen Dada i raitim

I GAT moa pipel insait long kantri husat i nogat wok moa long ol man husat i gat na gavman mas luksave long dispela.

Minista bilong Komyuniti Developmen, Dame Carol Kidu i tok 97% long ol pipel insait long kantri i nogat wok na 3% tasol i gat wok.

Tasol Dame Carol i tok long dispela 3%, 1% em ol lain husat i kisim pe we gavman i inap long kisim takis.

"Yumi mas kamapim gutpela envaironmen we bai helpim ol pipel, moa yet long en, helpim ol yut sapotim ol yet.

Ating ol gavman long bipo i no givim gutpela luksave long dispela na em i hap wok we ol i no mekim gut," Dame Carol i bin tok long Fonde wik i go pinis.

Dame Carol i bin bung wantaim ol opisa bilong Nesenel Yut Komisen (NYC) long toktok long Nesenel Yut Polisi bilong PNG 2007-2011 wok sop.

Woksop ya bai kamap long Lae long 5th-7th Jun we em i sans long NYC wantaim ol stekholda bilong en long toktok long ol tingting we i stap insait long Nesenel Yut Polisi.

Ol stekholda long dispela kes i ol bodi olsem edukesen, helt, agrikalsa na leba.

Narapela bikpela wok bilong ol i long traim long yusim sampela bilong ol bikpela stretijik eria bilong polisi long kamapim yut developmen.

Ol provinsel na lokol level gav-

man bai karim aut dispela ol samtign insait long polisi.

Dame Carol i tok ol provinsel gavman i save givim fanding long helpim ol yut tasol planti bilong ol provins i no save mekim dispela.

Nesenel Yut Komisina, Johnson Hebe i tok ol i luksave long 7-pela ke eria insait long polisi long strongim yut developmen.

Dispela ol eria i kamapim edukesen ausait long fomel edukesen; strongim komyuniti; promotim helti sindaun; kamapim wok we bai strongim pipel nau na bihain taim; yut na luksave bilong ol; strongim NYC na ol stekholda long helpim ol yut na risets infomesen long ol yut.

"Bikpela samtign mipela long NYC i laik kamapim kwik taim em infomesen sistem we i gat profail bilong ol ejensi husat i wok wantaim mipela.

Mi laik singaut long ol kain ejensi olsem long salim infomesen bilong ol i kam long NYC," Mista Hebe i tok.


NYC i kamap gen long Disemba 2005 bihain long tripela yia em i no wok bikos long nogat inap gavman fanding.

Dispela yia NYC i kisim K1.4 milien long 2006 baset bilong en.

Dispela bung bai kamapim sampela gutpela toktok long ol lain husat bai stap insait Pasifik Yut Festival long Tahiti long mun Jun.

Long dispela bung ol i plen long kamapim yut palamen we ol bai lukluk long yusim palamen stret.

Minista Kidu i tok taim yut polisi i kamap, ol i bai lukluk neks long mekim sampela senis long Yut Lo.



Kuk kona



...wantaim ol kuki bilong Lamana Hotel

Wom Pos Sosis wantaim galik poteto (Warm Poached Sausage with garlic potato)

Ol samting bilong kukim

- 500 grem thick pok sosis
- 1kg salet poteto rausim skin bilong en
- 80ml vegetabol oil
- 4 hap galik slaisim i go liklik
- 1 tebolspun wait wain vinega
- 2 sprin anien, katin i go liklik tru
- 1 tebolspun saivs (chives)
- 1 tebolspun pasli o sayor
- ol salet lip kumu olsem letus

Rot bilong kukim

Putim sosis insait long sospen, karamapim wantaim kol wara, putim liklik sol na larim i sindaun liklik. Noken larim wara i boil strong o skin bilong sosis i bruk na kukim inap 15 minit.

Taim yu wetim sosis, katim ol poteto we bikpela bilong em i 1cm samting. Putim insait long narapela sospen wara wantaim sol na larim i boil, bihain larim i sindaun inap 4 minit taim poteto i kuk. Rausim wara na larim i sindaun liklik.

Hotim stov na wel na galik insait long wanpela bikpela praipan tanim stov i go daun liklik, na kukim isi isi inap long 3 o 4 minit. Noken larim galik i paia. Kapsaitim vinega i go insait na larim i boil liklik tasol bihain yu putim poteto i kuk pinis i go insait wantaim spring anien, saivs, pasli, sampela sol na pepa na miksim wantaim.

Rausim sosis long wara, lusim i drai, putim insait long wanpela beking trei na putim insait long hotpela aven inap 2 minit inap sosis i kamap braun. Katim sosis i go liklik. Sutim poteto long plet na putim ol sosis antap.



Spesol Resepi bilong Chef Koro



Wok Gaden na Kuk


Nau mipela bai toktok long rot bilong planim wan wan kaikai long gaden, na lukautim, na kisim. Mipela i toktok tu long pasin bilong bosim graun.

KAIKAI BILONG GIVIM STRONG

Kaukau

Tok i go pas

Kaukau em i nambawan kaikai long Papua Niugini. Long olgeta hap ol manmeri bilong ples i save planim. Long kaikai bilong em i gat planti samting bilong strongim bodi (ol save-man i kolim stas), na i gat liklik samting bilong lukautim bodi tu (ol save-man i kolim vaiitamin na mineral), na i gat liklik samting bilong mekim bodi i kamap bikpela (ol saveman i kolim protin).



Kaukau i save karim planti kaikai. Sapos yu planim wanpela gaden kaukau na wanpela gaden taro na wanpela gaden banana, na sapos tripela gaden i wankain sais, bai kaikai bilong gaden kaukau i winim kaikai bilong gaden taro na banana. Na tu, lip kaukau em i gutpela kaikai bilong pik na kakaruk, na man tu i ken kukim na kaikai olsem kumu.

Long tupela ples ol saveman i bin mekim planti wok bilong painimaut olgeta samting bilong kaukau. Em long didiman stesin DIP Aiyura, Isten Hailans Provins, klostu long Kainantu, na long didiman stesin LAES, Kerevat, Is Nu Briten.

I gat kain kain kaukau. Sampela i swit long man i kaikai, na sampela i no swit tumas. Sampela i save karim planti kaikai hariap, na sampela i no save karim gut. Olsem na yu yet ken tingim na skelim, wanem kaukau i swit long yu na wanem kaukau i save karim planti kaikai. Orait, kisim rop bilong dispela kain kaukau tasol na planim. Nogut yu kisim nabaut, na hatwok bilong yu i no karim planti kaikai.

Tok bilong planim

Kru bilong rop em i gutpela bilong planim. As na namel bilong en i no gutpela tumas. Kisim rop long gaden kaukau i gat kaikai pinis.


Sapos yu plantim klostu klostu, bai kaikai i kamap planti, tasol i no inap kamap bikpela bikpela. Planim longwe longwe bai kaikai i no kamap planti tumas, tasol i ken kamap bikpela bikpela.

Gutpela rot tru bilong planim em i olsem: Wokim raupela maunten na planim. Narapela gutpela rot em i olsem: Wokim longpela maunten.


Sampela man i save planim nating long stretpela graun. Dispela kain i no inap kamapim planti kaikai tumas.



Planim kaukau long raupela maunten bai em i karim planti tru.



Planim kaukau long longpela maunten bai em i karim gut.



Planim kaukau long graun nating bai em i no karim planti.

Tok bilong wanpela nupela rot bilong planim kaukau


Wanpela didiman bilong Filipins em i wok long Lae na i soim wanpela nupela rot bilong planim kaukau. Mipela sampela manmeri i traime pinis. I kamap gutpela.

Em i save planim kaukau long baret. Na bihain, taim kru i kamap strong, emi wokim maunten antap long em.

Rot i olsem:


1.

Brukim graun pastaim. Bihain wokim longpela baret. No ken dikim i go daun tumas, liklik baret em inap.



2.


Kisim longpela kru bilong kaukau. Kisim long gaden kaukau i gat kaikai pinis.



Kisim, na yu no ken planim hariap. Larim i stap nating tupela de. Bihain slipim long baret na karamapim.

3.

Larim i stap olsem na wetim lip i kamap planti liklik. Orait, nau apim ol rop na lip na wokim maunten antap long rop kaukau yu bin planim.



Taim lip i planti liklik, apim na wokim maunten

Dispela kain bai i karim planti kaikai moa.

Tok bilong tul bilong wokim maunten long gaden kaukau

Tupela tul i stap bilong helpim yu gut tru long wokim maunten long gaden kaukau. Lukim long hapsait.

Tok bilong lip kaukau

Lip kaukau em i gutpela bilong man i kukim kru bilong em na kaikai. Na em i gutpela bilong givim long pik na pato na kakaruk tu.

Sapos yu gat gaden kaukau klostu long banis pik, na lip bilong kaukau i kamap planti na yu laik rausim hap lip, orait, long olgeta moning, rausimk liklik liklik na givim long pik.

Sapos i nogat pik, orait, em tu yu mas rausim sampela lip na sampela tasol i stap. Nogut planti lip tumas i karamapir olgeta graun na bai kaikai i no kamap gut.

Tok bilong dikim kaukau

Taim kaukau i redi pinis, yu ken dikim ol bikpela bikpela tasol long stik na lusim ol rop i stap bilong karim gen.

Narapela rot em i olsem: Dikim long fok na kamautim olgeta kaikai na rop bilong en wantaim na planim narapela kair kaikai olsem pinat.

As bilong dispela namba tu rot i olsem: Kaukau bai i no pasim ples longpela taim. Na tu, dikim long fok em i isi.

Tok bilong binatang na sik

I gat sampela liklik binatang i save bagarapim kaukau. I gat sampela sik tu i save painim kaukau. Sapos i gat hevi olsem long gaden bilong yu, orait, toktok wantaim didiman bilong yu.

Tok bilong fetilaisa o marasin bilong helpim graun

I gat sampela kain marasin bilong helpim wok gaden, long tok Inglis ol i kolim fetilaisa. Sapos yu putim liklik long gaden kaukau bilong yu, bai dispela inap helpim yu gut.




Kaukau i save kamap gut long tupela kain fetilaisa, wanpela ol i kolim naitrosin (sotpela nem em i olsem: N) Narapela ol i kolim potassium (sotpela nem: K).

Was gut long yu no putim planti marasin tumas.

*Port Moresby,
Papua New Guinea*

ACP and ACP-EC Council of Ministers Meetings

28 May - 2 June
2006



Ol memba kantri bilong Esia, Karibien na Pasifik (ACP) na Yuropien Yunien (EU)

Rijen	Kantri	Bik Siti	Bikpela bilong en long (sq.km)	2003-07-01 est.
ACP (African, Caribbean and Pacific) Members				
African				
1	Angola	Luanda	1,246,700	10,766,471
2	Benin	Porto-Novo	112,620	7,041,490
3	Botswana	Gaborone	600,370	1,573,267
4	Burkina Faso	Ouagadougou	274,200	13,228,460
5	Burundi	Bujumbura	27,830	6,096,156
6	Cameroon	Yaounde	475,440	15,746,179
7	Cape Verde	Praia	4,033	412,137
8	Central African Republic	Bangui	622,984	3,883,538
9	Chad	N'Djamena	1,284,000	9,253,493
10	Comoros	Moroni	2,170	632,948
11	Congo, Dem. Rep. of the	Kinshasa	2,345,410	56,625,039
12	Congo, Rep. of the	Brazzaville	342,000	2,954,258
13	Cote d'Ivoire	Yamoussoukro	322,460	16,962,491
14	Djibouti	Djibouti	23,000	457,130
15	Equatorial Guinea	Malabo	28,051	510,473
16	Eritrea	Asmara	121,320	4,362,254
17	Ethiopia	Addis Ababa	1,127,127	66,557,553
18	Gabon	Libreville	267,667	1,321,560
19	Gambia, The	Banjul	11,300	1,501,050
20	Ghana	Accra	239,460	20,467,747
21	Guinea	Conakry	245,857	9,030,220
22	Guinea-Bissau	Bissau	36,120	1,360,827
23	Kenya	Nairobi	582,650	31,639,091
24	Lesotho	Maseru	30,355	1,861,959
25	Liberia	Monrovia	111,370	3,317,176
26	Madagascar	Antananarivo	587,040	16,979,744
27	Malawi	Lilongwe	118,480	11,651,239
28	Mali	Bamako	1,240,000	11,628,219
29	Mauritania	Nouakchott	1,030,700	2,912,584
30	Mauritius	Port Louis	2,040	1,210,447
31	Mozambique	Maputo	801,590	17,479,266
32	Namibia	Windhoek	825,418	1,927,447
33	Niger	Niamey	1,267,000	11,058,590
34	Nigeria	Abuja	923,768	133,881,703
35	Rwanda	Kigali	26,338	7,810,056
36	Sao Tome and Principe	Sao Tome	1,001	175,883
37	Senegal	Dakar	198,190	10,580,307
38	Seychelles	Victoria	455	80,469
39	Sierra Leone	Freetown	71,740	5,732,681
40	Somalia	Mogadishu	637,657	8,025,190
41	South Africa	Pretoria	1,219,912	42,768,678
42	Sudan	Khartoum	2,505,810	38,114,160
43	Swaziland	Mbabane	17,363	1,161,219
44	Tanzania	Dar es Salaam	945,087	35,922,454
45	Togo	Lome	58,785	5,429,299
46	Uganda	Kampala	236,040	25,632,794
47	Zambia	Lusaka	752,614	10,307,333
48	Zimbabwe	Harare	390,580	12,576,742
Caribbean				
1	Antigua and Barbuda	Saint John's	443	67,897
2	Bahamas, The	Nassau	13,940	297,477
3	Barbados	Bridgetown	431	277,264
4	Belize	Belmopan	22,966	266,440
5	Cuba	Havana	110,860	11,263,429
6	Dominica	Roseau	754	69,655
7	Dominican Republic	Santo Domingo	48,730	8,715,602
8	Grenada	Saint George's	344	89,258
9	Guyana	Georgetown	214,970	702,100
10	Haiti	Port-au-Prince	27,750	7,527,817
11	Jamaica	Kingston	10,991	2,695,867
12	Saint Kitts and Nevis	Basseterre	281	38,763
13	Saint Lucia	Castries	616	162,157
14	Saint Vincent and the Grenadines	Kingstown	389	116,812
15	Suriname	Paramaribo	163,270	435,449
16	Trinidad and Tobago	Port-of-Spain	5,128	1,104,209
Pacific				
1	Cook Islands	Avarua	240	21,008
2	East Timor	Dili	15,007	997,853
3	Fiji	Suva	18,270	868,531
4	Kiribati	Tarawa	811	98,549
5	Marshall Islands	Majuro	181	56,429
6	Micronesia, Federated States of	Palikir	702	108,143
7	Nauru	no official capital	21	12,570
8	Niue	Alofi	260	2,145
9	Palau	Koror	458	19,717
10	Papua New Guinea	Port Moresby	462,840	5,295,816
11	Samoa	Apia	2,944	178,173
12	Solomon Islands	Honiara	28,450	509,190
13	Tonga	Nuku'alofa	748	108,141
14	Tuvalu	Fongafale	26	11,305
15	Vanuatu	Port-Vila	12,200	199,414
	World		25,503,103	742,724,651
			510,072,000	6,302,309,691
			5%	12%
Total 79				
EU Members (1 Nov 1993 founded)				
		<i>Memba pinis</i>	<i>Save yusim Euro</i>	
1	Austria	1995	Y	
2	Belgium	1952	Y	
3	Cyprus (Greek part)	2004		
4	Czech Republic	2004		
5	Denmark	1973		
6	Estonia	2004		
7	Finland	1995	Y	
8	France	1952	Y	
9	Germany	1952, 1990	Y	
10	Greece	1981	Y	
11	Hungary	2004		
12	Ireland	1973	Y	
13	Italy	1952	Y	
14	Latvia	2004		
15	Lithuania	2004		
16	Luxembourg	1952	Y	
17	Malta	2004		
18	Netherlands	1952	Y	
19	Poland	2004		
20	Portugal	1986	Y	
21	Slovakia	2004		
22	Slovenia	2004		
23	Spain	1986	Y	
24	Sweden	1995		
25	United Kingdom of Great Britain and Northern Ireland	1973		
Long 2007:				
26	Bulgaria			
27	Romania			

Wanpela faundesen bilong bel isi

OL papa bilong Yuropien Yunion (European Union o EU), Robert Schuman na Jean Monnet i bin gat bikpela tingting long kamapim wanpela strong-pela rijinel yunien bihain long tupela bikpela wol woa.

"Wol pis i no inap i gat banis sapos i nogat gutpela wok kamap... Wanpela yunaitet Yurop i no bin kamap na mipela i bin i gat woa." The Schuman Declaration, Me 1950.

"Long bildim Yurop em long bildim pis. Ol kantri bilong yumi tude i mas lainim long stap wantaim aninit long ol bikpela lo na institusen mipela i kamap long laik bilong yumi yet,"

Jean Monnet, Ogas 1952.

Yuropien Yunion i kamap bihainim wanpela wok bilong rijinel wokbung we i bin stat long 1951 namel long Benelux (Beljam, Netalens na Laksembeg) na i bin groa long karamapim Jemani (Germany), Frans (France) na Itali (Italy).

Bihain long moa long 50 krismas long politikel, ekonomik na sosel koporesen o wokbung, EU i op moa yet long karamapim tupela ten faiv (25) memba kantri.

Tude, EU i wok long groa yet long karamapim ol kantri bilong sentral na lsten Yurop na Mediterenien. Bulgaria na

Romania bai kamap ol ful memba long 2007.

Wok groim

Triti bilong Nis (Nice) long 2000 i makim rot bilong ol wok redi bilong gro bilong Yuropien Yunien long karamapim ol kantri bilong sentral na lsten Yurop (Eastern Europe), Mediterenien na Baltic.

Bikpela as tingting bilong ol paitim tok em ol apliken kantri i mas wanbel long kisim ol EU na ol demokratik stia tok olsem rul bilong lo, wanpela maket bes ekonomi, rispek o onaim ol humen raits na gutpela wok gavanens.

Yuropien Singel Maket

Yuropien Singel Maket i sanap antap long 4-pela fridom - fridom bilong pipel long wokabaut, ol kaikai, ol sevis na mani. Dispela i sanapim as bilong groim ekonomik strong, politikel oda na komyuniti wanbel insait long rijen. Tude foren treid o wok bisnis, agrikalsa, fiseris, trenspot na ol arapela sekta bilong Yuropien ekonomi i bihainim ol dispela bikpela polisi.

Wanpela mani

Euro em i opisel mani bilong ol Yuropien Yunien Memba Stet. UK, Denmak na Swiden tasol nogat. Long Januari 1, 2002, ol

Euro ain mani na pepa mani i go aut. Euro em i anka bilong Ekonomik Yunien na i banisim dispela Singel Maket.

Ol gutpela samt- ing long i gat wanpela mani tasol em:

- I gat moa trans-parensi o klia na stretpela wok
- Nogat kos long ol eksens reit senis
- Liklik transeksen kos
- Isi wok akaunting
- Isi kos prais glasim
- Daunim moltipel karensi kos menesmen
- Moa Intra-EU kompetisen o resis, we i save kirapim moabeta wok bisnis.



RAUNHAUS: Wokman i stretim raunhaus bilong hailans. Ol i rere nau long bikpela kibung bilong ACP na ACP - EC hia long Mosbi dispela wik. *Poto: ANDREW MOLEN*

Rausim poveti wantaim sastenabol developmen

SAMTING olsem hap bilong olgeta mani i save go long helpim ol trangu kantri i save kam long Yuropien Yunien o ol wan wan memba kantri olsem na em i kamap olsem namba wan bikpela helpim dona long wol.

Tasol developmen helpim i no bilong givim klin wara na gutpela rot tasol. Em i bilong helpim ol developping kantri long strongim wok bisnis bilong ol na givim ol gutpela rot i go long ol EU maket. Dispela bai strongim ol dispela kantri long developim na strongim ol ausait wok bisnis na kisim kaikai long globolaisesen tu.

I no olgeta i wok long mekim dispela wok. Maski ol ACP kantri i gat spesol pasin poroman wantaim Yuropien Yunien, sea bilong ol long ol EU maket

i wok long go daun, na ol i nogat moa strong insait long wol tred o wok bisnis.

EU nau i wok long bungim tred na eid olsem wanpela nupela rot long neks jeneresen bilong ol 'ekonomik patnasip agrimen' we i go het wantaim ol ACP kantri na bai sanap long 2008.

Aidia o as tingting em long helpim ol ACP kantri long bung wantaim ol rijinel wantok bilong ol olsem wanpela rot bilong bihainim wok i kamap long wol na long helpim ol long bildim ol institusenel kapesiti o mak bilong strong bilong ol long gutpela wok gavanens.

Long wankain taim EU bai go het long opim ol maket bilong em i go long ol prodak o samting i kam long ACP grup na ol arapela developping kantri.

Namba wan bikpela trading blok long wol

YUROPIEN Yunien (European Union o EU) wanpela maket i gat moa long 370 milien konsuma we i winim Yunaitet Stets bilong Amerika, na em i namba wan trading blok insait long wol.

EU i save makim namba wan bikpela ligel o lo fremwok bilong intanesenel tred long:

- Ol Domestik na intanesenel tred lo
- Ol takis
- Ol Kometisen o resis lo, ol akwis- isin o baim na ol wokbung o mesa (merger)
- Prodak stendataisesen
- Ol environmental regulesen
- Inteleksuel propeti raits, peten na tredmak
- Buk kiping, ol akaunting lo na fainensel disklosa

Ol gutpela kaikai bilong ol Lome Konvensen

PAPUA Niugini i bin stat wok wantaim Yuropien Yunien stat long mun Me 1977 taim ol tred provisen, bihong Lome 1 i bin kamap bihainim wanpela spesol arensmen. PNG i bin kamap ful patna in koporesen bihainim luksave bilong em i go long Lome namba 1 long Novemba 1978.

Insait long ol Lome Konvensen i kamap bihain, pasin poroman i strong moa i go nap long mak we Yuropien Yunien (EU) nau em i wanpela long ol namba wan bikpela developmen patna bilong PNG.


Aninit long Cotonou Agrimen, PNG i kisim, namel long 2002 na 2007, wanpela A fainensel envelop inap long €81 milien na wanpela B-envelop inap long €35 milien insait long wanpela fainens- ing fasiliti bilong ol maining prodak (SYSMIN) alokesen long namba 8 EDF bilong rist- traksa bilong maining sekta.

Aninit long Lome 1, Nesenel Indiketiv Program (NIP) i bin lukluk long rurel developmen. Dispela i karamapim rot infrastraksa, ol bak stua, rurel ielektrifike- sen, teknikel helpim, ol maikro-projek, edukesen na trening. Bikpela projek insait long ristaksen bilong wanpela hap bilong Hiritano Haiwe na konstraksen bilong tupela fiseris bot.

Lome II i bin lukluk long ekonomik infrastraksa olsem ol rot, bris na mini haitro projek na Lome III i lukluk moa long rurel developmen.

Strong bilong Lome IV na V i bin sut long risos developmen na rurel envoirnmen.

Aninit long Cotonou Agrimen, ol bikpela sekta em long Kantri Strateji Pepa bilong taim namel long 2002 na 2007 em edukesen, tren- ing na humen risos developmen na tu ol rurel wara saplai na sanitesen, wantaim wanpela sekta bilong institusenel strong bilong bilding na gava- nens.



**ELECTORAL
COMMISSION**
Papua New Guinea

Toksave

ILEKTOREL ROL NA LPV AWENES

Ilektorel Komisin i statim pinis wok awenes long Limitet Preferensel Vot (LPV) na Ilektorel Rol Rejistresen insait long ol dispela provins:

Is Nu Briten, Sentrel, Galf na Madang

Dispela awenes bai i stat long Me 8 i go inap long Jun 2 long dispela yia 2006. Ol opisa bilong Provinsal na Lokel Level Administresen bai i helpim ol lain wok-man bilong Ilektorel Komisin long karimaut dispela wok awenes.

PROVINS

DE (2006)

Wes Nu Briten na Morobe

[05th June - 30th July 2006]

NCD Electoral Rol

Ol manmeri insait long NCD husat i no enrol i ken go long NCD Ilektorel Opis (olpela Yacht Club) long Pot Mosbi na enrol nau. Yu ken ringim Mista Frank Gabi long 685 7089 o Mista Peter Malai Feope long 681 1759 long moa toksave.

Ilektorel Komisin bai i kamapim nupela Ilektorel Rol bilong 2007 generel ileksen na bihain taim bikos dispela Ilektorel Rol we em i gat long em nau i gat sampela asua na ol i no inap long yusim.

YU NO INAP LONG VOT SAPOS YU NO ENROL.

Tok orait i kam long Mista ANDREW S. TRAWEN, MBE
ILEKTOREL KOMISINA

VOTE
1 2 3

LPV
Now that's fair



Niuage Ben bai autim namba tu albam klostu

PLANTI toktok i kirap insait ol setelmen i go long ol ailan bikos dabol musik awot wina long 2004, Niuage Ben bai lonsim namba tu albam bilong ol bihain long klostu foapela yia.

Bihain long winim dabol musik awot long Ben na Albam bilong Yia 2004, ben i lukim dispela win olsem hap samting long kamapim kwik taim namba tu albam bilong ol.

Ol i pinisim kontrek bilong ol wantaim olpela studio bilong ol Cyclone na long Disemba 2005, ben i kamapim studio bilong ol yet, Niuage Studio 9-1-7.

Em i long dispela studio we dispela luksave Bogenvil ben i mekim nupela albam Keara.

Musik em i namba wan tru

Musik bilong albam i gutpela stret, gutpela tru we i lukim Mangrove Studio bilong Nu Kaledonia i soim bikipela laik long albam.

Eksekyutiv Produsa, Elaine LeCante i askim long kopi bilong nupela albam bihain em i bin harim liklik taim nupela musik we i kam long Niuage Ben studio insait Pot Mosbi.

Glasim Musik Wantaim JK i laki tru long harim dispela nupela albam long ol nupela rikoting masin insait long studio na mi ken tok olsem ol sing sing i gutpela tru.

Ol i mekim albam gut stret na albam i luk olsem em i bai kirapim bikipela sapot taim em i kam aut namel long neks mun.

"Taim bilong wet i pinis na ol sapota bilong ben i ken laikim albam taim ol i harim nupela musik stail bilong nupela Niuage Ben," tok Gerard Masa bipo promosen kodineta husat i nau kamap ben menesa.

"Yumi tingting strong na kisim planti moa taim long painim ol musik na sing sing bilong dispela albam we bai kirapim laik long olgeta."

Masa i tok tu olsem inap long 2003, Niuage Ben i muv long kamapim gutpela helpim wantaim ol ben na ben memba na ol sing sing we i kam long olgeta hap bilong Bogenvil.

Sampela memba i lus

Long laspela tripela yia, ben i lusim sampela memba bikos ol i go bek long Bogenvil.

Tasol dispela i no bagarapim strong bilong musik bilong ol.

Ol narapela han ol i painim nupela yangpela memba husat i nau stap long ben.

Ol memba husat i stap insait ben long namba wan taim na husat i stap nau long grup em Buka singsing man na raita bilong ol singsing Bernard Hanga, drama long Selau, Benjamin Palin, brata bilong en na lit singa Franco Palin, bes pikinini man bilong Selau, Eddy Nasara na long Malasang, Alfred Scuffy husat i helpim Eddy long givim bek ap long sing sing.

"Wantaim lid man Bernard husat i wok insait Buka, yumi painim na kisim manki Kieta, lan Gaunala long stap insait ben, na man, em i ken pilaim lid strin," Masa i tok.

"Wei lan i pilaim gita i strongpela tru wantaim tu tupela sing sing em i go pas long sing sing na sing sing bilong em yet, Nasioi tokples."

Kibod man Nigel Golu na beis gita man Joseph Tsikula Jr, tupela husat i bin



Nupela Niuage Ben

we i stap namel long ol ben memba," Masa i tok.

"Tu em i nem we ol man insait Atonomes Rijen i save yusim long welkamim wanpela arapela na mi bilip em i moa arait olsem."

Sampela bilong ol sing sing insait long albam i kam long Kabul, Tariska na Mokosia.

Kabul i bem bu ben sing sing we i kam long Carteret ailan na Fransisco pilaim dispela we i luk olsem em i sing sing planti man i laikim.

Tariska i sing sing we ol pikinini bilong Hahin Kea Senta long taim bilong Bogenvil kraisis long leit 1980s i save singsing.

Wan wan singsing i gat stori

Sing sing mi laikim, Nasioi, Makosi long narapela han i kisim nem bilong em long treding bisnis bilong Caiaphas husat i mekim Makaki ples bilong em long 1970s.

I gat gutpela kompetisen namel ol arapela sing sing long albam olsem S.I Darling we Llana i singsing long en tu na bikipela radio hit Esisiku.

Yumi FM long dispela taim i givim planti taim long pilaim sing sing we Bernard Hanga i raitim na dispela mas wanpela samting we bai mekim albam bikipela.

"Albam i kamap gut bikos olgeta ben memba kontributim musik long wan wan distrik bilong ol na long planti

kes, ol yet i singim ol singsing.

Keara albam bai kirapim bikipela sapot long Bogenvil na tu long strongim Niuage insait olgeta hap bilong kantri," Masa i tok.

Kain stail we Cyclone i bin yusim long namba wan albam bilong Niuage i no stap insait Keara tasol ben i karamapim dispela wantaim nupela stail musik we bai mekim yu kirap nogut.

"Yumi i gat bikipela sapot bilong Cyclone, Xerox, Pawa Haus Rikots na Chin H Meen kaamapim nupela rileisen wantaim Promota, Moses Rake na Freelancers bilong Pot Mosbi.

Yumi bai wok hat long kamapim strongpela prensip wantaim dispela bodi long kamapim strongpela na bikipela Niuage Ben long bihain taim."

Menesemen i wok long dispela taim long painim ol sponsa na hap ples long mekim vidio bilong ol sing sing long nupela albam.

Ol i bai mekim ol vidio long Krismas Ailan long wes kos bilong Bogenvil.

"Yumi no lukluk long tro-moim planti mani long dispela bikos yumi plen long yusim save bilong Llana long mekim dispela kamap.

Em i wok em i laikim tru long mekim na yumi ting long givim em sans tasol yumi mas mekim disisen long dispela ol tingting."

Long wan kain taim, Niuage Ben i tingting long mekim bikipela hap wok bilong en- wanpela wik tua

bilong Solomon Ailans long dispela yia.

Wanbel Tua

Ol i bai promotim dispela ron olsem Wanbel Tua na bai kamap long wanpela spesol independens konset long ol lain Papua Niugini husat i stap insait Honiara long Septemba dispela yia.

Gerard Masa na bik nem man insait musik Brain Semoso bai go pas long Honiara long Julai 21 long painim ol ples, long pilai na tu long painim ol masin.

Ol i bai stretim sampela wok bipo ol i kam bek na redi long bikipela musik so long Septemba 11.

Menesemen i makim bipo Maket Menesa, Kenneth Kenevi olsem tua menesa.

Ol i askim tu Cyclone saun enjenia na bipo Niuage Ben kebod man, Emmanuel Muganau long stap insait long tua.

"Tasol long namel long dispela, yumi bai mekim tua insait Lae long namel long neks mun we yumi bai lukluk long lonsim Keara albam.

Yumi gat planti na trupela sapota long hap husat i gat rait long lukim pastaim bikipela albam lons bilong mipela," Masa i tok.

Orait, wisim yupela gutpela win long nupela albam...

Yu ken ritim ol stori bilong Musik olgeta Mande insait long The National.



LLANE MUNAU: Em i niusmeri, em i save long mekim muvi piksa na nau em i singsing tu. *Ol Foto: JUSTIN KILI*

bipo pilai wantaim Hasi ben bilong Buka, i bung wantaim narapela kibod man na saun enjenia, Jimmy Piriri bilong Torokina long stap insait Niuage Ben.

Nupela nek bilong singsing

"Long sotpela taim i go pinis, yumi bungim wanpela arapela memba, Llana Munao, wanpela Divine Wod Yunivesiti jenelisisim greduet husat i gat nek we i putim mak bilong ol meri insait long musik bilong mipela."

Llana i bin stadi komyunikesen stadi we i lukluk

moa long vidio na film prodaksen.

Em i painim wei bilong em insait Niuage Studio 9-1-7 long helpim bilong saun enjenia kasen bilong en, Jimmy.

Ol i helpim em long kamap neks 'Sasha', narapela Bogenvil musik meri husat i rikot wantaim Trabel Zone Ben long yia i go pinis.

Dispela Torokina meri kamap bikipela insait long Solomon Ailans na taim em i no sing sing insait long studio, em i save wok long Uramina na Nelson Pablisng insait Pot Mosbi.

"Nem bilong albam i Keara we mining bilong em i brata na em i nem Bernard i givim long soim brata pasin



Ol atis bai papa long musik-Entertainment News

Andrew Molen i raitim

OL ATIS nau bai papa long ol musik na singsing bilong ol yet na tu kisim mani na luksave long wok bilong ol bihainim standat bilong ol intanesenel kantri.

Chin H Meen studio long Pot Mosbi em ol namba wan lain long kamapim dispela kontrak bihainim nupela lo bilong kopi-rait (copyright).

"Dispela bai lukim ol atis i kisim gutpela mani long royalti bilong ol," bos bilong CHM, Raymond Chin i tok. "Dispela kontrak bai givim luksave atis olsem papa tru bilong singsing na musik bilong em."

Namba wan grup insait long Papua Niugini long sainim dispela kontrak wantaim CHM em "Twin Tribe" bilong tupela brata Redley na Baine Lavaiaamat na susa bilong ol Konia husat i gat rekot bilong em yet.

Insait long dispela kontrak ol atis bai kisim 15 pesen long royalti mani bilong ol kaset o CD bilong ol, ol i salim.

"Dispela kontrak em i wankain long intanesenel level, 15 pesen em i bikipela tru," Mista Chin i tok.

Em i tok long sampela kantri olsem Philippines, ol atis bilong ol i save kisim 3% na ol top atis bilong ol i save kisim 10 pesen tasol.

Redley, Baine na Konia i tok amamas long CHM long givim ol dispela sans long kamap olsem fes lain long sainim dispela kontrak.

Ol i tok dispela kain kontrak bai helpim gut tru long atis na

musikmanmeri bilong kantri.

Twin Tribe wantaim Konia i kamaut long famili gospel grup bilong ol, Soul Harmony we i kamapim planti sapot long ol manmeri.

Mista Chin i tok tu olsem aninit long dispela kontrak ol atis bai kisim mani olgeta taim ol redio sesen i pilaim musik bilong ol.

Em i karamapim ol planti eria bilong musik tu olsem man i raitim singsing, musik ensinia, na ol narapela aninit long kopi-rait ect.

"Em bai helpim tupela sait wantaim, rekot kampani na atis na olgeta i givim han long mekim dispela musik," Mista Chin i tok.

Dispela kain kontrak em i pas long ol atis bilong CHM tasol na ol narapela bai stap wankain yet i nap studio bilong ol tu i kamapim wankain samting.

"Ol narapela studio i nogat we nau tasol long bihainim mipela," Mista Chin i tok.

Ol i wok tupela yia olgeta long PNG na long Australia long painim wangepela rot na stail we bai nap long PNG.


"Mipela i stat nau tasol i go bai mipela ol samting i kamap gutpela moa," Mista Chin i tok.

CHM nau i singaut long ol olupela atis long kam bek na lukim ol bai ol i ken mekim wankain kontrak long ol singsing bilong ol.

"Planti gutpela atis i kamap bipo wantaim ol gutpela singsing tasol nau ol i singsing ya i go dai na lus nating na ol i no kisim wangepela samting long en," Mista Chin i tok.



MUSIK FAMILI: Redley, Konia na Baine Lavaiaamat bipo ol i stap insait long grup Soul Harmony nau ol i sainim wan wan kontrak bilong ol wantaim CHM. Tupela twin brata Radlee na Baine ol i sainim kontrak olsem nupela grup Twin Tribe. Na susa bilong ol Konia i sainim solo kontrak bilong en tu.



Ol Andrew Molen

SAINIM KONTRAK: Papamama bilong tripela yangpela Lavaiaamat i sainim ol kontrak makim ol pikinini bilong ol wantaim bosman bilong Chin H Meen Supersounds Raymond Chin.

Nupela CHM Rilis: Titipu Floats

Pauline Sibui i raitim

WANEM samting i wankain long Titipu Floats na Camp 7 ben na PNG Niupela Style Hits albam?

Yu klia o nogat? Bai mi helpim yu? Yu save long dispela nem "Biga Ai?" Em nau, yu save. Em David Rangs, dispela yangpela man Makham husat nau i wok long kamap olsem wangepela nupela nek insait long PNG musik.

Em i gat 21 krismas tasol na em i wok long singsing olsem Lucky Dube. Em i wangepela hapman tru i kam long Makham insait long Morobe provins. Musik laip bilong em i bin kirap long strong bilong em long singsing na em yet i tok 'sampela manmeri em mama i save karim ol wantaim dispela

kain strong'.

David i save painim isi tru long singsing i go antap bihainim ol kain kain tiun. Em i no wangepela samting long en.

Joe FisAbraham em i man i save stiaim David. Em i stiaim em inap 15 krismas nau na i no long taim i go pinis em i lusim em long kirapim namba wan albam bilong Titipu Floats, nem bilong en 'Dzimpa'. Nem i kam yet long tok ples Atzera long Makham.

"Mi no laikim tok ples bilong mi long lusim strong bilong en na pinis nating na mi laik autim insait long musik bai ol pipel i save olsem i gat wangepela kain tok ples olsem i stap," Joe i tok.

Insait long famili bilong en, ol tisa i pulap na narapela nem bilong em

'Ampitz'. Em i wangepela tumbuna nem we mining bilong en em 'yu bai slip aninit long lukaut bilong mi olgeta taim'.

Em i tok David em i maus bilong em na planti ol tok Inglis David i save singsing long en em em yet i bin lainim em.

Nem Titipu Floats i bin kamap long 1996 taim Joe i bin wangepela tisa husat i bin raun i go long planti hap long wok tisa na i no sindaun gut long wangepela ples. Bai yu no inap save olsem dispela em i wangepela save-man bikos bai yu lukim em i stori wantaim ol mangi long rot olsem em i wangepela man nating.

"Mipela i bin inap lonsim albam pinis, tasol ol i bin makim mi olsem wangepela tisa long go tis long Bogenvil long taim bilong kraisis o

hevi," Joe i tok. Em i tok dispela albam em ol i painim 10-pela krismas long kamapim na em i bilip olsem em bai paia stret wantaim singsing bilong ol 'Chalkdust' na em i save ol tisa na sumatin bai laikim tru dispela singsing.

Joe na David em ol kasen brata tu na Joe i sapotim David long olgeta wok musik bilong en.

"Dispela albam em i wangepela famili albam we em i salim toksave i go aut long skulim ol arapela long strong bilong famili," Joe i tok.

Planti long ol singsing em ol skul bilong laip.

Nem Rangs em i no tru tru nem bilong en bikos Rangs long tok ples Makham em i 'brata'. Tru tru nem bilong David em Iginas. David i

save laik stap isi tasol na i no save laik jasim nating manmeri long wanem kain wok ol i mekim ol samting olsem.

David i bungim planti taim bilong traim na hat laip tru na bikipela tingting bilong en em long go bek long ples we mama bilong em i stap.

"Mi laikim bai em i sindaun gut, na mi bai go stap wantaim em klostu taim."

Em i bin stat olsem lit singa bilong ben Camp 7, wangepela ben bilong 4 mail blok long Lae, na singsing "Biga Ai" we i bin kamap long volum 2 albam bilong 'PNG Niupela Style Hits' i bin apim nem bilong em long pinis bilong 2004.

Taim em i wok long mekim wok bilong Mista Chin, ol i kisim em long wok long CHM Studios long sekim


saun na rekodim ol albam 'Systems of Markham' na PNG Niupela Style Hits volum 1 na 2.

I no long taim i go pinis long dispela yia, em i bung wantaim Joe na tupela i bin kolim ol Maus bilong Makham long albam bilong ol Titipu Floats.

"Mi gat bikipela rispek long Joe na sapos i gat man mi laik tok tenkyu long em wankain olsem ol papamama bilong mi, em i Joe tasol bikos em i helpim mi long strongim save bilong mi long singsing," David i tok.

Joe yet i save olsem save bilong em long rait na strong bilong David Rangs long musik i mekim dispela albam bai wangepela namba wan albam tru.

"Em i netserel talen bilong em yet," Joe i tok.



YUMIFM Redio Program

Program bilong Wanwan Dei - Mandei - Fraidei

6am - 10am - Sankamap show - Host: Kas.T
6:15am - Komuniti Notis Bod
6:30am - Nius Hetains / Bondei grtings
STOP & SHOP GES FAIA KOMPETISEN
6:45am - Niuspepa Hetains
7:00am - Major Nius Bulletin - YUMIFM Nius Senta
7:15am - Powerhaus Hit prediksen
7:30am - STOP & SHOP GES FAIA KOMPETISEN
8:00am - Major Nius Bulletin - YUMIFM Nius Senta
8:15am - YUMIFM Bisnis / Market Ripot
8:30am - STOP & SHOP GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - STOP & SHOP GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Morin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:15am - Powerhaus Hit Prediksen
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetains b'long Belo Taim
12:00pm - Major Nius Bulletin - YUMIFM Nius Senta
12:10pm - ESI COOK RICE Belo taim Dedikesen
12:15pm - Komuniti Notis Bod
(Toksawe wantaim Vaviessie)
12:20pm - cont'd ESI COOK Belo taim dedikesen
1:00pm - Nius - YUMIFM Nius Senta
1:10pm - cont'd ESI COOK RICE Belo taim dedikesen
1:15pm - Powerhaus Hit Prediksen
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: UNCLE ET
2:00pm - 4:00pm (Tunde / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Nius Senta
4:10pm - SAUT B'long UNCLE ET - foapela singsing
4:30pm - Nius Hetains
4:45pm - YUMI PANIM WOK Segment
5:00pm - Nius - YUMIFM Nius Senta
5:10pm - 6:00pm - FLAME KULCHA (1 hr)
6:00pm - MAJOR NIUS BULLETIN - YUMIFM Nius Senta
6pm - 00am - NAIT BEAT - Host: ANGRA KENNEDY
6:10pm - 7:00pm Mon kamap sho
6:15pm - Powerhaus Hit Prediksen
6:45pm - Komuniti Notis Bod (Toksawe wantaim Vaviessie)
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Turana KEMI / Kansol
ROD
00:00 - Early Monin Taim Cruz (ol lain brukim tulait shift)
-Miusik / Request / Tok pilai
-Kipim Kampani long ol nait shift.

Helpim wantaim musik


Pauline Sibui raitim

CHM Supersound i wok long wok bung wantaim Konsaltativ Implimentesen na Monitaring Kaunsil (CIMC) na Famili na Seksuel Vailens Eksen Komiti (FSVAC) long traim autim tok bilong ol wantaim pawa bilong musik.

Aninit long wok bilong Raymond Chin, bosman bilong CHM, long sapotim komyuniti, em i askim CIMC na FSVAC long 2005 na tokim ol olsem em bai sapotim kempen bilong ol long opim ai bilong PNG long ol meri.

"Mipela i gat risponsibiliti long mekim olgeta samting mipela i ken mekim long helpim ol arapela. Long sait bilong mipela, mipela i ken helpim long promotim ol CIMC kempen long opim awenes na skulim ol pipel wantaim musik bilong mipela," Mista Chin i tok.

Komyunikesen Opisa bilong CIMC, Barbara Tomi i bin bung wantaim CHM Maketing Menesa Aaron Chin las wik Fonde long opim wanpela nupela kempen we ol i yusim ol 'Helpim Kat'. Ol dispela kat em bikpela bilong en i wankain olsem ol bisnis kat na i ken sindaun insait long han paus. "Mipela i gat 4-pela



STRONGIM MERI WANTAIM MUSIK: Barbara Tomi bilong CIMC (namel) na Maketing Menesa bilong CHM, Aaron Chin i sanap soim ol Helpim Kat we bai go insait long olgeta nupela kaset karamap long dispela yia. Foto: CHM Supersounds

kain Helpim Kat, wan wan long ol i gat wanpela tok-save olsem i no gutpela pasin bilong pait agensim o paitim ol meri. Ol dispela Helpim Kat bai karim ol telepon namba insait long moa long 20 provins insait long olgeta rijen long helpim ol meri i karim hevi long dispela kain pasin," Barbara i tok.

Moa long 17,000 Helpim Kat bai go insait long ol kaset kava na ol musik CD. CHM bai suvim planti tausen Helpim Kat insait long ol kaset long Kaset Faktori bilong ol yet. Dispela bai go aut long ol holsel kastoma austesen bilong ol.

CHM i tok wanbel tu long tilim ol Helpim Kat long ol Poto Ekspres stua bilong ol bikos bikpela namba bilong ol kastoma bilong ol em ol meri.

Vailen o pait pasin agensim ol meri i no long paitim bodi tasol; em i toktok, daunim nem, seksuel, sosol, mani na spiritual vailens tu. Domestik vailens long haus i ken i gat banis bilong en o i gat rot bilong daunim. Dispela em wok bilong ol Helpim Kat. Mis Tomi i tokaut tu long sampela bikpela as bilong pait pasin i save kamap agensim ol meri insait long PNG.

"Em i save kamap long nogat tingsave (nogat strongpela rot bilong toktok), dring bia na spak na yusim ol strongpela drak o marasin nogut." Mis Tomi i tok olsem paitim meri i kamap olsem wanpela pasin insait long PNG na em i no gutpela bikos em i bikpela asua tru. Em i ken bagarapim sindaun bilong ol pikinini na givim skul nogut long ol.

Menesing Dairekta bilong CHM, Raymond Chin, MBE i wanbel tru long dispela tingting bilong daunim dispela kain hevi na em i tok orait long putim CIMC Wait Riben piksa we i makim toktok "Wanpela laip i fri long vailens; em i rait bilong mipela!" long olgeta nupela albam kava bilong 2006. Aninit long dispela logo bai i gat toktok 'Tok Nogat long Alkohol na Drak'.

Outsiders i kisim Midia Snuka sempionsip

Outsiders i autim Post Courier na winim Media snuka grenfainol long las wik Sarere na kisim K1,000 win moni.

Colin Taimbari wantaim ol skwad bilong em John Dau, Eric Kone na Andalu i amamas tru long dispela win we i bin kamap 8-pela wik i go pinis long Club 22.

Post Courier i kisim namba-2 win moni K500, Radio Central i kisim namba-3 win moni K300, National i kism namba-4 K200 na Wantok niuspepa na Nau FM kism K100 long tupela pasim tok long skelim moni na pasim gem.

Janet Sape husat i mama

bilong Second Time Around seken han klos na meri husat i laik sanap long NCD Bai-Ileksen Rijinel Sit i bin skelim dispela win moni long ol media pilaia na amamas tru long gem i go gut na nogat wanpela bikhet pasin i kamap.

Menesing Dairekta bilong klub Ben Wia i amamas tru long dispela 8-pela wik bilong media snuka sempionsip i bin kamap we olgeta media lain i save bung long olgeta Sarere na mekim dispela bikpela snuka salens i kamap gut na em i tok em i laik kamapim Club 22 olsem Press klub we ol media lain i ken kam na bung olgeta taim.

HIT PARADE YUMIFM

Sarere 27 Me, 2006

- 1 Milomilo Kekene
2 Brent Bino X-Vibes
3 Stailim Stailim Murphy
4 Sori Uwaho Namomu Murphy
5 Gutsomi Leftovers
6 Come Back Leftovers
7 Esisiku Niuage
8 Misima Island Mid East
9 Mi no les Nagua
10 Stap Sore Kekene
11 Raona Au Murphy
12 I ~wa Souths Tribes
13 Feelings Murphy
14 Ramandu Beach Off Cuts
15 Meri Papua Saba
16 Typical Wali Junior Wali Hit
17 Apusombu Seta Sepik Spirit
18 Maten Kandiek Twin Hoks of Kvg
19 Tehine Moana Nahorauh
20 Biga Ai David Rangs

RADIO TOK PISIN PROGRAM TUNE IN: 101.9 FM

Radio Australia Tok Pisin Program - MANDE
Moning
6AM Stesen Op - Nius Hetain - Musik na ol intaviu
6:30AM Nius na Karent Afes
Stesen Pas
7AM Stesen Op
7:01PM Ol Hetain na Program Priviu
7:15PM Musik na Chit-Chit
7:30PM Nius na Karent Afes
8PM Nius
8:15PM Musik/Spots
8:30PM Nius
8:40PM Helt Riplei
8:55PM Musik
9PM Stesen Pas
TUNDE
Moning
6AM Stesen Op - Nius Hetain - Musik na ol intaviu
6:30AM Nius na Karent Afes
Stesen Pas
7AM Stesen Op
7:01PM Ol Hetain na Program Priviu
7:15PM Musik na Chit-Chit
7:30PM Nius na Karent Afes
8PM Focus Musik/Spots
8:15PM Nius
8:30PM Marna Graun Riplei
8:55PM Musik
9PM Stesen Pas
FONDE
Moning
6AM Stesen Op - Nius Hetain - Musik na ol intaviu
6:30AM Nius na Karent Afes
Stesen Pas
7AM Stesen Op
7:01PM Ol Hetain na Program Priviu
7:15PM Musik na Chit-Chit
7:30PM Nius na Karent Afes
8PM Youth Musik/Spots
8:15PM Nius
8:30PM Focus Riplei
8:55PM Musik
9PM Stesen Pas
FRAIDE
Moning
6AM Stesen Op - Nius Hetain - Musik na ol intaviu
6:30AM Nius na Karent Afes
Stesen Pas
7AM Stesen Op
7:01PM Ol Hetain na Program Priviu
7:15PM Musik na Chit-Chit
7:30PM Nius na Karent Afes
8PM Wantok Musik
8:15PM Nius
8:30PM Youth Riplei
8:55PM Musik
9PM Stesen Pas
SARERE
Nait
7PM Stesen op - Ol Nius Hetain/Program Priviu
7:05PM Musik na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musik/Chit Chat
9PM Stesen Pas
SANDE
Nait
7PM Stesen op - Ol Nius Hetain/Program Priviu
7:05PM Musik na Chit Chat
7:30PM Nius
7:40PM Famili Blong Serah (Redio Plei)
8PM Lukduk Bek Long Wik
8:30PM Nius
8:40PM Musik/Chit Chat
9PM Stesen Pas

TV GAID EM TV

FONDE ME 25, 2006
5:27AM STATION OPEN
5:30AM G JOYCE MEYER Religious programme
6:00AM G TODAY
9:00AM G CREFFLO DOLLAR Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12NOON Teacher Training Program
12:45PM Personal Development - Grade 6
1:15PM Making A Living - Grade 7
2:00PM Teacher Training Program
KIDS KONA
2:30PM G BANANAS IN PYJAMAS
3:00PM G NEW MACDONALD'S FARM
3:30PM G HI-5
4:00PM G Y
4:30PM G STREETSMARTZ
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR

PISIN
7:00PM G TEMPTATION: The New Sale of the Century
7:30PM G CHM SUPERSOUND
7:57PM G EMTV TOK SAVE
8:30AM G SPORT SCENE
9:30PM M THE FOOTY SHOW
11:00PM M AFL FOOTY SHOW
00:30AM G EMTV NEWS REPLAY
1:00AM EMTV PRIME TIME LINE UP
FRAIDE ME 26, 2006
5:27AM STATION OPEN
5:30AM G JOYCE MEYER Religious programme
6:00AM G TODAY
9:00AM G CREFFLO DOLLAR Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12NOON teacher Training Program
12:45PM Personal Development - Grade 6
1:15PM Making A Living - Grade 7
2:00PM Teacher Training Program
KIDS KONA
2:30PM G BANANAS IN PYJAMAS

FARM
3:30PM G HI-5
4:00PM G Y
4:30PM G STREETSMARTZ
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR
6:59PM G NEWS UPDATE
IN TOK PISIN
7:00PM G TEMPTATION: The New Sale of the Century
7:30PM G ICC CRICKET WORLD
7:57PM G EMTV TOK SAVE
8:00PM G TOK PIKSA
8:30PM G FRIDAY NIGHT
FOOTBALL Round #12 - Newcastle Knights v St.George Illawarra Dragons @ Energy Australia Stadium, Newcastle.
11:00PM G AFL Round #10 - Collingwood v Western Bulldogs, @ MCG.
2:00AM G EMTV NEWS REPLAY
2:30AM EMTV PRIME TIME LINE UP
SARERE ME 27, 2006
8:00AM G PLANET FANTA

MECHA-RAPPA
9:45AM G ROCKIE AND HER FRIENDS Children's cartoon
10:00AM PG SO FRESH
11:30AM G TALK TO THE ANIMALS
12NOON G GARDENING GURUS
12:30PM G WORLD OF WILDLIFE
1:00M G WILD ADVENTURES WITH DAVID IRELAND: "Ancient Predators"
EMTV WIDE WORLD OF SPORTS
2:00PM G ICC CRICKET WORLD
2:30PM G TOTAL RUGBY
3:00PM G THE CAR SHOW
3:30PM G SPEED MACHINE: "V8 utes Oran Park" **special time**
Speed Machine features all the motorsports action ranging from GT Championships, Sprintcars, V8, Supercross, Drag Racing.
4:30PM G THE BOAT SHOW
5:00PM G ESCAPE WITH ET
5:30PM G FISHING NORTH
AUSTRALIA: "Peron Islands, Part 2"
6:00PM G NATIONAL EMTV NEWS
6:30PM G AUSTRALIA'S FUNNIEST HOME VIDEO SHOW
7:27PM G EMTV TOK SAVE
7:30PM G TOTAL RUGBY
8:00PM G INTERNATIONAL RUGBY Super 14s FINAL - Crusaders v Hurricanes

10:00PM G SOUTH PACIFIC MUSIC
11:00AM G EMTV NEWS REPLAY
11:30PM G AIRLINE **final**
MIDNIGHT EMTV PRIME TIME LINE UP
SANDE ME 28, 2006
7:26AM **STATION OPEN**
7:27AM G EMTV TOK SAVE
7:30AM G BUSINESS SUCCESS
8:00AM G BUSINESS SUNDAY
9:00AM G SUNDAY
11:00PM G NRL FOOTY SHOW
12NOON G SUNDAY ROAST
1:00PM G AFL Round #9 - Brisbane v Fremantle @ The Gabba.
4:00PM G SUNDAY FOOTBALL Round #12 - Parramatta Eels v Sydney Roosters @ Parramatta Stadium.
6:00PM G NATIONAL EMTV NEWS
6:30PM G THE HAPPY GARDENER: TABUBIL He's back! He's Too Good and He's in Tabubil!
7:30PM G 60 MINUTES
8:27PM G EMTV TOK SAVE
8:30PM PG SUNDAY NIGHT MOVIE: MR MUSIC (1998) Musical/Drama - One of the best movies for teenagers. The story is gammed up with insider music



TORO



BIABIA



KANAGE




PAINIM NEM INSAIT

S	W	I	D	E	N	K	E	N	X	C	B	N	T	S	W	K
S	A	I	R	E	I	G	Z	V	L	M	I	K	E	A	I	A
I	I	P	F	S	D	E	V	K	W	J	N	M	K	I	H	I
R	N	J	K	U	J	E	E	A	D	A	O	O	I	N	I	L
I	R	E	W	I	E	X	S	L	E	W	R	D	O	A	P	A
A	M	G	L	O	M	S	P	E	N	P	W	M	A	K	L	N
E	R	A	S	I	A	B	K	D	F	U	E	C	R	N	P	O
M	U	O	I	S	N	H	P	O	L	A	N	V	V	O	N	N
A	T	P	U	S	I	U	S	N	P	H	S	B	X	J	A	A
L	S	A	I	P	R	A	S	I	T	K	U	B	A	S	L	L
A	I	A	N	E	Y	E	U	A	O	R	Y	X	M	U	I	E
Y	U	W	L	I	B	I	A	D	K	I	I	I	E	F	S	S
A	P	A	L	E	S	T	A	I	N	T	S	T	R	P	U	I
S	C	S	E	K	O	S	L	O	V	A	K	I	A	L	N	W
N	A	I	J	I	R	I	A	Y	K	A	N	A	D	A	J	S

Painim ol nem bilong ol dispela kantri:

JAPAN	JEMANI	JODAN	KANADA
KUBA	KRIT	KUK AILAN	LIBIA
MALAYA	MEKSIKO	NAIJIRIA	NORWE
NU SILAN	POLAN	POTUGAL	SKOTLAN
NU KALDONIA		SAINA	SAIRE
SAIPRAS	PALESTAIN	SIRIA	RASIA
SPEN	SWISELAN	TEKI	WELS
SEKOSLOVAKIA			

Ansa bilong las wik painim nem...



Ansa bilong las wik Sudoku...

2	4	3	8	7	5	9	1	6
8	1	6	9	3	4	7	5	2
5	7	9	6	1	2	3	8	4
7	8	5	2	9	3	6	4	1
1	9	2	7	4	6	8	3	5
3	6	4	1	5	8	2	9	7
9	5	1	3	6	7	4	2	8
6	3	8	4	2	1	5	7	9
4	2	7	5	8	9	1	6	3

Puzzle by websudoku.com

1				9	8	3		
	4		5		7			
	6	7				4	2	
				2	4	9		
2		4	7		8	1		5
		1	6	3				
4	7					6	9	
		3			6		7	
	8	9	2					1

Puzzle by websudoku.com

Ol ansa bai kamaut long neks wik so putim was long neks wik pepa!!

stap yet na i no go long haus. Luk olsem ol i bin wok long tupela wik o samting na ai bilong sampela i mao olgeta. Tok em, hatwok i save karim kaikai, gutwan ol lain long Nesene! Ivents Kaunsol.

Fiva bilong Stet ov Orjin na planti i senisim pes bilong ol pinis. Wanpela saina stua i senisim prais bilong rais stew pinis long stet ov orjin spesol. Sekim long Boroko.

Liklik bebi Tumbuna bilong Tokwin em i kamap wanpela kleva bebi pinis. Bebi i no toktok yet tasol tingting na luksave i stap pinis long em.


Taim mama i mekim liklik hait toktok long givim marasin long tumbuna, em harim pinis na giaman pasim ai na preten

long silip idai. Taim ol i apim em, ol han na lek bilong em i hanagamap olsem daima stret.

Nau ol i lusim-em long silip, bagaros opim wansait ai bilong em na spai long ol man i stap. Yu win tumbuna Dillan.

Tokwin i no amamas tru long nara-pela poro bilong em i mekim kain stall danis olsem em bendaun na komim gras na lukluk long mira i stap. Wanem kain stall yah! Yu wet, bai mi bungim yu long klab 22 disko ples na salensim yu long kain danis olsem.

Sekim Post Courier bilong aste Me 24, 2006 long pes 23 'Raging with raitman' bai yu lukim husat mipela toktok long en.




Liklik tokwin i kam olsem sampela tisa i no inap go bek long skul. Nau gen liklik moa tokwin i kam olsem ol nes na paia brigetman tu bai go long straik. Liklik taim tasol, putim was.

Ol wokmanmeri long Nesene! Ivents Kaunsol i kisim bikpela taim stret long redim ol samting bilong bikpela ACP Kibung bai kamap long dispela wik.

Tokwin go raun long Tunde nait long kisim sampela wok long opis bilong ol na bungim olgeta wok manmeri long opis i

EMTV GAID

message (remember who your real friends are and don't forget where you come from) is universal and timeless. Stars: Mick Fleetwood, Jonathan Rickett, Cle Bennett, Sarah Mitchell. **Premiere**	4.00PM G Y STREETSMA RTZ	MIDNIGHT EMTV PRIME TIME LINE UP	6.59PM G NEWS UPDATE IN TOK PISIN	3.00PM G NEW MACDONALD'S FARM
10.30PM G EMTV NEWS REPLAY	4.30PM G EMTV TOK SAVE	TUNDE ME 30, 2006	7.00PM G TEMPTATION: The New Sale of the Century	3.30PM G HI-5
11.00PM G PRAISE	4.57PM G HOT SOURCE		7.30PM G HAUS & HOME	4.00PM G Y
MIDNIGHT EMTV PRIME TIME LINE UP	5.00PM G EMTV NEWS UPDATE		8.27PM G EMTV TOK SAVE	4.30PM G STREETSMA RTZ
MANDE ME 29, 2006	5.29PM G BERT'S FAMILY FEUD	5.27AM STATION OPEN	8.30PM PG SURVIVOR PANAMA: EXILE ISLAND	4.57PM G EMTV TOK SAVE
5.27AM STATION OPEN	5.30PM G NATIONAL EMTV NEWS	5.30AM G JOYCE MEYER Religious programme	9.30PM M C.S.I.	5.00PM G HOT SOURCE
5.30AM G JOYCE MEYER Religious programme	:00PM G A CURRENT AFFAIR	6.00AM G TODAY	10.30PM M COLD SQUAD	5.29PM G EMTV NEWS UPDATE
6.00AM G TODAY	6.30PM G NEWS UPDATE IN TOK PISIN	9.00AM G CREFFLO DOLLAR Religious Program	11.30PM G EMTV NEWS REPLAY	5.30PM G BERT'S FAMILY FEUD
6.00AM G CREFFLO DOLLAR Religious Program	6.59PM G TEMPTATION: The New Sale of the Century	CLASSROOM BROADCAST	MIDNIGHT EMTV PRIME TIME LINE UP TRINDE ME 31, 2006	6.00PM G NATIONAL EMTV NEWS
9.30AM CLASSROOM BROADCAST Mathematics - Grade 8	7.00PM G RUGBY LEAGUE Round #4 Bulldogs v Bombers. One-hour of SP Cup Competition action - we review the 1st half of the game and replay the full 2nd half of the Port Moresby based games.	9.30AM Mathematics - Grade 8		6.30PM G A CURRENT AFFAIR
9.30AM Mathematics - Grade 8	7.30PM G RUGBY LEAGUE Round #4 Bulldogs v Bombers. One-hour of SP Cup Competition action - we review the 1st half of the game and replay the full 2nd half of the Port Moresby based games.	10.20AM Science - Grade 8	5.27AM STATION OPEN	6.59PM G NEWS UPDATE IN TOK PISIN
10.20AM Science - Grade 8	8.27PM G EMTV TOK SAVE with Kevani Mado	11:10AM Social Science - Grade 7	5.30AM G JOYCE MEYER Religious programme	7.00PM G TEMPTATION: The New Sale of the Century
11:10AM Social Science - Grade 7	8.30PM PG 20 TO 1: Great Aussie Ideas, Icons and Innovations 20 to 1 brings you some of the best - and worst - moments in Australian history with a countdown from 20 to one that can be shared with the whole family. Relive the classic moments that make the Top 20 with Charles "Bud" Tingwell counting down 20 to 1 each week.	12NOON Teacher Training Program	6.00AM G TODAY	7.30PM PG MCLEOD'S DAUGHTERS
12NOON Teacher Training Program	8.30PM PG 20 TO 1: Great Aussie Ideas, Icons and Innovations 20 to 1 brings you some of the best - and worst - moments in Australian history with a countdown from 20 to one that can be shared with the whole family. Relive the classic moments that make the Top 20 with Charles "Bud" Tingwell counting down 20 to 1 each week.	12:45PM Personal Development - Grade 6	9.00AM G CREFFLO DOLLAR Religious Program	8.30PM M WEDNESDAY NIGHT
12:45PM Personal Development - Grade 6	9.30PM G PRAISE	1.15PM Making A Living - Grade 7		MOVIE: WHAT WOMEN WANT (2000) Comedy/Fantasy/Romance - After an accident, a chauvinistic executive gains the ability to hear what women are really thinking. Stars: Mel Gibson, Helen Hunt.
1.15PM Making A Living - Grade 7	10.30PM G EMTV NEWS REPLAY	2.00PM Teacher Training Program	CLASSROOM BROADCAST	10.27PM G EMTV TOK SAVE
2.00PM Teacher Training Program	11.00PM G CHM SUPERSOUND	KIDS KONA	9.30AM Mathematics - Grade 8	10.30PM G EMTV NEWS REPLAY
KIDS KONA		2.30PM G BANANAS IN PYJAMAS	10.20AM Science - Grade 8	11.00PM G SOUTH PACIFIC MUSIC
2.30PM G BANANAS IN PYJAMAS		3.00PM G NEW MACDONALD'S FARM	11:10AM Social Science - Grade 7	MIDNIGHT EMTV PRIME TIME LINE UP
3.00PM G NEW MACDONALD'S FARM		3.30PM G HI-5	12NOON Teacher Training Program	
3.30PM G HI-5		4.00PM G Y	12:45PM Personal Development - Grade 6	
		4.30PM G STREETSMA RTZ	1.15PM Making A Living - Grade 7	
		4.57PM G EMTV TOK SAVE	2.00PM Teacher Training Program	
		5.00PM G HOT SOURCE	KIDS KONA	
		5.29PM G EMTV NEWS UPDATE	2.30PM G BANANAS IN PYJAMAS	
		5.30PM G BERT'S FAMILY FEUD		
		6.00PM G NATIONAL EMTV NEWS		
		6.30PM G A CURRENT AFFAIR		
		6.59PM G NEWS UPDATE IN TOK PISIN		



**PEN
PREN**

Nem: Ikiso Steven
Krismas: 15 (meri)
Adres: PO Box 1374, Goroka,
Eastern Highlands Province
Save laikim: Go lotu, pilai soka
na ritim Baibel.

Nem: Oscar Kamena
Krismas: 16 (man)
Adres: PO Box 2160, Lae,
Morobe Province
Save laikim: Pilai volibol, lukim
TV, mekim fani, raitim pas na go
lotu.

Nem: Felix Yamu
Krismas: 27 (man)
Adres: P.O Box 966, Goroka,
Eastern Highlands province
Save laikim: raun long narapela
kantri, go lotu, ridim baibel,
lukim TV, harim musik na pilai
ragbi.

Nem: Nelson Kami
Krismas: 16 (man)
Adres: Clifton Primary School,
P.O Box 922, Rabaul, East New
Britain Province
Save Laikim: Harim Musik, ridim
buk na pilai soka

Nem: M.N.Allan
Krismas: 20 (man)
Adres: C/- P.O Box 136, Mendi,
Southern Highlands Province
Save Laikim: Pilai Ragbi, voli-
bol, basketbol, ritim buk, harim
musik, lukim TV, mekim pani,
pilai gita, mekim pren na go
lotu.

Nem: Luwen Magos
Krismas: 16 (meri)
Adres: Mercy Secondary
School, P.O Box 580, Wewak,
East Sepik Province
Save Laikim: singsing na harim
musik

Nem: Melisa Gilmo
Krismas: (17) meri
Adres: Mercy Secondary
School, P.O Box 580, Wewak,
East Sepik Province
Save Laikim: ritim leta, mekim
pani, swim

Nem: Gwendelyn Levi
Krismas: (16) meri
Adres: Mercy Secondary
School, P.O Box 580, Wewak,
East Sepik Province
Save Laikim: pilai basketbol,
danis, singsing na harim musik

Nem: Monita Raio
Krismas: (22) meri
Adres: EBC Barabundora
Narokobi, Private Mail Bag 2,
Kainatu, Eastern Highlands
Province
Save Laikim: lotu singsing, pilai
spots, raitim leta, harim musik,
mekim pren, mekim pani, swim
na ritim buk

Nem: Billy K Timbon
Krismas: (28) man
Adres: Mumbe Bros, P.O Box
4249, Borko, NCD
Save Laikim: pilai soka, ritim
buk, lukim TV na go lotu.

Opisa Pokep. OBE

Laip bilong wanpela polisman

*Pulim stori i
kam long las
wik...*

Man bilong tanim tok i pilim olsem welman ya i laik toktok moa bikos em i no save lukim ol samting olsem bipo. Tupela i sanap na toktok longpela taim liklik.

Taim tupela i toktok, welman i lukluk na mekim kain pasin olsem welpik o weldok i kamap namba wan taim long haus na ol i givim em kaikai.

Wanpela ai i stap long plet kaikai na narapela i was long ol man. Ai bilong welman i no lusim Kiap Braun.

Bihain welman i go long Kiap Braun na i pilim skin bilong en.

Han bilong en i go long klos bilong Kiap Braun na i pilim long pinga bilong en.

Pinis, em i putim bikipela pinga bilong en long maus bilong en na i sanap lukluk.

Ai bilong en i stat long su bilong Kiap Braun na i go antap stret long het bilong en.

Pastaim Pokep i laip wantaim ol narapela polisman na ol kakoboi, tasol bihain em i sore gen long welman.

Tingting bilong Pokep i wok long ron olsem, "Ating ol tumbuna bilong mi tu i bin mekim olsem?" Tingting bilong en i wok long paul paul olsem yet na Saiten Kumkum i singaut, "Lens Kopul Pokep redi long paia".

Man bilong tanim tok i poin long masket na stori long welman long pawa bilong dispela stik.

Em i tok, "Dispela em banara na spia bilong waitman. Tasol em i moa strong. Taim i pairap pikinini i stap insait i ron stret i kam long yu na kilim yu.

Yu no inap lukim. Em i stik nogut. Sapos man i brukim lo bai

ol i kilim em long dispela. Maski man i stap longwe dispela stik bai i kilim em".

Man bilong tanim tok i pinisim toktok bilong en, *Saiten Kumkum i tokim Pokep long paia long masket. Pokep i pointim masket i go antap, i presim triga na i paia.*

Welman i poret na i holim pas man bilong tanim tok. Taim Pokep i kam klostu long em, em i surik i go longwe.

Man bilong tanim tok i traim long tokim em gut olsem sapos katres i pas long het bilong wanpela man, bai het bilong en i brukbruk. Welman i poret bikipela moa yet taim em i harim dispela.

Em i no laik putim ai bilong en tru long masket. Long soim em gut long pawa bilong masket, ol polis-


man i planim wanpela bikipela hap diwai, longwe long en olsem fifti mita.

Pokep i kisim masket na i makim gut dispela hap diwai na sutim. Welman i laik lukluk dispela hap diwai i bruk tupela hap taim masket i pairap.

Ol polisman i bringim dispela hap diwai i kam na welman i lukim ples bilong katres. Em i tanim het na kaikai pingga na pasim ai bilong en. Tingting bilong en nau i ran nogut tru. Em i poret.

Insait long het bilong en planti kwesten i kamap.

Em i no klia long dispela waitman na em i tingting, "Em dispela man i man tru o masalai? Dispela stik i mas gat strongpela masalai



Pokep i pointim masket i go antap, i presim triga na i paia. Welman i poret na i holim pas man bilong tanim tok. Taim Pokep i kam klostu long em, em i surik i go longwe.

insait?" Bai ol dispela man i mekim wanem long mi?

Bai mi rausim ol dispela lain man long graun bilong tumbuna bilong mi bai i lukim mi gen o nogat?"

Em i traim toktok long ol tumbuna bilong en long halivim na lukautim em tasol ol pre bilong en i no wok. Tingting bilong en i wari tru na tuhat i kamaut long olgeta skin bilong en.

Bodi bilong en tu i guria. Kiap Braun na ol narapela man long patrol tu i sore long em. Taim olgeta i sanap i stap, Pokep yet i kisim sol long kuk bilong Kiap Braun na putim liklik long maus bilong welman.

Pastaim tru em i haitim maus tasol taim man bilong tanim tok i mekim klia olsem sol i gutpela, welman i kisim liklik na em i traim. Nau em yet i putim pinga insait long sol na i putim long maus.

Tingting bilong en i kamap orait taim em i kaikai dispela liklik sol.

Kiap Braun i lukim welman i luk amamas na i tok long em olsem, "Mipela i no kam long paitim yupela.

Mipela i laik prenim yupela tasol mipela i no amamas long ol dispela man i kilim Masta Bredli. Mipela i kam lohng kisim ol dispela man ol i kilim Masta Bredli bai ol i go kot long bikipela haus kot. Mipela i no laik bai yupela i kilim narapela man.

Yu go tokim ol lain bilong yu sapos ol i harim tok bai mi givim yupela sol na ol narapela samting. Sapos ol i laik, mi ken givim wan wan tamiok tu long sampela man.

Mipela i laik bai yupela i go bek long ples bilong yupela na wet. Tokim ol man i noken pret.

Mipela i no kam long krosim o kilim wanpela man long yupela. Go na tokim ol lain wantok bilong yu.

Plis helpim mi daunim wari bilong mi

*Dia Laiplain,
LONG 1993, mi poro-
manim wanpela marit
man. Mipela i poroman
gut tru na bihain mi
painimaut olsem em i
marit man. Em i gutpela
poroman, em i gat gut-
pela pasin na em i luk-
save long mi. Maski em i
marit man, lewa bilong
mi i pas wantaim em. Mi
painim hat long lusim
em. Bai mi stopim pren-
pasin wantaim em olsem
wanem?*

*Plis, helpim mi long
daunim wari bilong mi.
Dia Pren,*

Tenkyu long pas bilong yu na wari yu autim.

Sori tru taim i nogat luk-save long samting we yumi laikim na ol narapela i ting olsem ol i ken bosim laip bilong yumi.

Man yu toktok long mipela long en i wanpela selfis man. Na pasin em i wokim i no soim trupela laik pasin.

I luk olsem yu wokim disisen long stopim pren wantaim man ya. Na dispela i no long tingim yu tasol, nogat. Tasol long gutpela bilong meri na famili bilong em.



Man ya i mas lukautim famili bilong em na dispela i stap aninit long lo na long sait bilong gutpela pasin. Na em i no sapos long bikhet wantaim ol yangpela meri.

Ol kain man olsem we wanpela marit i no go gut

long em na i wok long raun painim meri i save gat hevi bilong em yet.

Ol i mas kisim helpim na lainim trupela laik pasin. sapos ol i no kisim helpim, bai laip bilong ol i bagarap, na tu, bilong sampela arapela lain.

Sapos yu skruim prensip wantaim dispela marit man i go moa, sindaun bilong yu i no inap gutpela.


Sapos yu laik brukim prensip wantaim em, yu mas strong na bruk lusim em olgeta.

Laiplain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011.

Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain



Stori bilong rebit insait long PNG

Maisan Pahun i raitim

REBIT em i wanpela abus we planti manmeri i save laikim na tu i gat gutpela gras bilong em we planti liklik pikinini i save laik long holim.

Sapos yu wanpela man o meri husat i save laikim rebit orait hia em stori long dispela animol.


Insait long Papua Niugini i gat tupela kain rebit i stap. Wanpela em ol i kolim long Canberra Hap-lop. Dispela i bikos rebit i kam long Canberra long Australia. Kala bilong em i bilak, braun na wait. Sapos yu gat wanpela kain rebit bai yu lukim olsem wanpela hap yau bilong em i sanap na narapela yau i save silip go daun. Dispela rebit em i gutpela bilong hot ples olsem na bai yu lukim planti pulap i stap hia long PNG.

Narapela rebit em ol i kolim long New Zealand wait. Kala bilong dispela bai maritim tupela wantaim.

Man mit bilong rebit i gutpela tru na i no gat planti gris olsem lem fleps bilong sipsip.

Ol sampela manmeri i save lukautim rebit long wanem ol i laikim skin o gras bilong em, na tu pekpek bilong rebit i gutpela long putim long gaden. Lukautim rebit i no inap long kisim bikpela spes olsem yu lukautim sipsip o pato, em bai kisim liklik spes tasol.

Taim yu putim man



EM LAIKIM YA: Minista bilong Main na petroleum Sir Moi Avei i holim wanpela beibi rebit na aigris long skin bilong em i stap na sem taim Profesa Alan Quartermain na Valentine Kambori lap long baksait i stap.

na meri rebit wantaim, meri rebit bai gat bel na karim pikinini insait long wanpela mun tasol. Ol meri rebit i ken karim pikinini eitpela taim long wanpela yia tasol. Planti taim ol i save karim tripela o fopela taim tasol.

Ol meri rebit i save redi long karim pikinini taim ol i gat 5-pela o 6-pela mun. Bihain long hevi bilong ol i olsem 2.5 i go 3 kilogram. Taim mama rebit i karim yangpela pikinini rebit orait ol i mas dring susu i go inap long faivpela o eitpela wik. Long dispela taim hevi bilong olgeta pikinini rebit i save winim hevi bilong mama bilong ol.

Fes taim long rebit i kam insait long Papua Niugini em long 1993 bikos long kain kain as. Wanpela bilong ol dispela as em bikos mit bilong rebit em bikpela mani tumas long man husat i laik kaikai mit

bilong rebit.

Dave Askin em wanpela man Nu Silan (New Zealand) husat i bin namba wan man long promotim rebit insait long Papua Niugini.

Taim em i bin stap long Irian Jaya long Indonesia em i lukim olsem ol gras bilong hap i gutpela kaikai bilong rebit. Na tu em i lukim olsem ol fama bilong Irian Jaya i lukautim rebit long 50-pela yia olgeta na ol rebit i save stap insait long banis na i no save ronawe na kamap wail. Long dispela as gavman i givim tok orait long ol didiman long traime na kisim rebit i kam insait long kantri.

Taim gavman bilong Papua Niugini i bin tok orait na rebit i bin kam insait long kantri, planti manmeri i ting olsem rebit bai ronawe sapos yu putim insait long banis. Ol bai ronawe



SOIM: Piksa i soim Senior Anzu bilong Lae i apim wanpela New Zealand wait rebit. Rebit i hevi na em 'kisim taim stret nogut bai rebit i pundaun.

na kamap wail olsem long New Zealand na long Europe we ol i bagarapim gaden na ples nambaut. Tasol dispela taim ol manmeri i no klia olsem i gat tupela rebit i stap long ples graun - wanpela em wail rebit na narapela ol saintis i save kolim domestik rebit

Sif Saintis bilong Nesenel Agrikalsa Risets Institut (NARI) Profesa Alan Quartermain husat i raitim planti buk bilong ol abus insait long kantri i bin tok olsem long ol wail rebit bilong Australia. "Sampela eria bilong Sauten Australia i gat klaimet olsem long Spain we em asples bilong ol rebit stret. Na tu ol bush na gras bilong Australia i gutpela long rebit i hait na karim planti pikinini na go planti, dispela em sampela risen tasol i gat sampela moa i save

wokim na rebit em wail abus bilong Australia. PNG i no wankain olsem Australia na ol manmeri i noken tingting tumas long lukautim rebit" Alan Quartermain i tokaut insait long wanpela buk bilong rebit em yet na Dave Askin i bin raitim 2001.

Olsem na 500 yia i go pinis sampela man long French (Europe) i bin lukautim ol na ol i narakain long ol kandere bilong ol wail rebit.

Ol manmeri husat i save lukautim rebit bai i klia long putim broila rebit long narapela banis na i no wantaim mama rebit. Dispela em i bilong ol beibi rebit i groa bikpela noagt bai broila na mama rebit i pinisim olgeta kaikai. Bikpela samting yu mas mekim olgeta de em long givim klinpela wara long rebit olgeta de.

Rot bilong mekim marasin bilong kilim binatang bilong kumu

Maisan Pahun i raitim

PLENT Diraiv Pestisait (PDP) em wanpela nupela rot ol lain fama na manmeri bilong ples i save yusim long kilim ol binatang bilong kumu.

Las wik mipela i bin stori long namba wan man insait long kantri husat i bin kamapim dispela marasin, nau bai mipela i tokaut long rot bilong wokim dispela marasin.

Dispela PDP kemikel em i gutpela marasin na i no bikpela mani olsem ol narapela pestisait yu baim long ol didiman stua. Na tu planti ol fama i nogat planti mani long baim marasin bilong kilim ol binatang i save bagarapim kumu bilong ol.

Planti ol bus na diwai bilong yumi insait long Papua Niugini i gat ol marasin o kemikel we i ken bagarapim ol binatang. Yu yet i ken wokim hommeid marasin na i no inap westim mani long didiman-stua

Nem bilong ol diwai

Ol diwai we i gutpela bilong mekim PDP em Nim (Neem) Diwai, Derris diwai (posin roo), Lombo (Chilli) na Pyrethrum. Dispela olgeta fopela diwai em i stap insait long bus bilong Papua Niugini. Pyrethrum em wanpela plaua diwai we i save gro tasol long kol ples. Dispela plaua em i gat gutpela smel na ol i save wokim long smel paura long em.

Pestisaid we i kam long dispela ol diwai i gat liklik kemikel pawa na i no strong olsem kemikel ol i salim long ol didiman stua. Ol i ken lusim pawa bilong ol sapos san i strong tumas o long taim bilong ren. Olsem na fama i mas spreim kumu bilong ol wantaim PDP long rait taim we san i no hat o i no taim bilong ren.

Wanem kain binatang PDP i ken bagarapim


i gat kainkain binatang i save bagarapim ol kumu na tu ol hailens i gat sampela kain binatang we ol nambis i nogat long em. Tasol yu ken lukim tebol daunbilo we i soim nem bilong ol binatang na wanem diwai i ken bagarapim dispela diwai

- | | |
|---|---------------------|
| Nem bilong Binatang | Diwai marasin |
| Katapila bilong lip | Nim na derris diwai |
| Bitel bilong lip | Pyrethrum na Chilli |
| Grasopa nambaut | Pyrethrum na Derris |
| Binatang wei save draim wara bilong ol kumu (Ahids) | Derris na ethrum |
| Lip hopa | Pyrethrum na Derris |
| Spaida | Derris na Nim |
| Binatang (baks) wei save kaikai ol lip na frut | Pyrethrum na Derris |



TRUKAI FARMS STOCK FEED

Kamap Strongpela Kwiktam





Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Castanopsis acuminatissima

Nem bilong en: oak PNG



Diwai oak

Distribusen o ples em i stap:
Castanopsis em bilong famili FAGACEAE we i gat ol jenera o nat wankain olsem ol sesnat (chestnut) na ol ok (oak). Castanopsis em i wampela sesnat diwai.

Ol oak wantaim ol beech (Nothofagus) em ol bilong wampela famili FAGACEAE. Dispela famili i gat ol altanet lip. Ol prut i olsem ol nat na ol i raun. Diwai bilong beech na oak em i narakain long ol yet.

Wanem kain diwai:

Wampela namel i go bikpela diwai we i save sanap inap 40 mita samting na namel bilong em i 1mita raunim. Ol namel han bilong en i longpela na het bilong em i liklik. Ol rop bilong en i no strong tumas na planti ol bikpela diwai i gat ol kru i save kamap long as bilong en.

Skin diwai:

Bikpela bilong skin diwai bilong en i namel long 0.8 na 1.2 sentimita, ausait skin diwai bilong em i grei braun, namel bilong en i ret na grin na insait skin diwai bilong em i

ret braun. Ausait bilong diwai yet em i gat planti iau long en.

Diwai bilong em:

Diwai bilong en i lait braun, i rap, strong na i hevi. Ol i save yusim olsem paiawut, diwai bilong holim graun long ol main na wok konstraksen. Ol i save katim wantaim so tumas bikos em i ken bruk isi tru.

Lip bilong en:

Ol lip i no save sindaun poroman, ol i raun.

Ol plaua bilong en:

Man na meri plaua i save stap ol yet, tasol antap long wampela diwai tasol.

Prut bilong en:

Prut bilong en em i wampela nat. As bilong en i flet na i op na nus bilong em i sap. Skin bilong em i strong na i braun.

Gro long wanem hap:

Em i gro long ol as bilong ol maunten, ol maunten insait long PNG i go inap 400 na 2000 mita. Em i save sanap gro em yet.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Solwarabringim paiawut long Voco Poin

...givim wok long ol mama long Lae siti



Foto: James Kila

MEKIM PAIAWUT: Julie John i redim ol paiawut solwara i bringim long nambis long Voco Poin long Lae.

James Kila i raitim

PLANTI ol mama na ol meri insait long Lae siti i wok long bungim ol hap hap diwai em solwara i karim i go long Voco Poin long Lae na yusim olsem paiawut.

Ol i save karim busnaip na tamiok tasol i go long nambis bilong Voco Poin na bungim ol hap hap diwai em ol bikpela wara olsem Markham, Buang na Busu i karim i go daun long solwara na katim ol na draim long san na bihain kisim ol dispela paiawut i go salim na kisim mani long helpim sindaun bilong ol.

Long Lae siti long Morobe provins, wampela ples we ol man-

meri na ol yangpela i save go na bungim pes em Voco Poin.

Long dispela hap ol manmeri i save kisim sip na spit bot na ron i go olsem long hap bilong Salamaua, Bukawa na Finschafen.

Tasol nau yet long nambis bilong Voco Poin na tu long hap bilong DCA kompaun em planti ol lain manmeri i save go na painim paiawut.

Wantok Niuspepa i bin raun long Lae las wik na i lukim olsem planti ol meri husat i stap long blok na setelmen klostu long Voco Poin olsem Saina Taun na Bumbu na tu ol lain long Papua Kompaun na long ol eria klostu long bikpela Lae Maket

i save go long dispela hap long painim paiawut.

Dispela ol paiawut em ol bikpela wara olsem Markham na Buang i save karim i go daun long Huon Gulf na solwara i save karim ol i go long nambis bilong Voco Poin na ol dispela meri i save go na bungim bungim i go na bihain ol i save draim long san. Taim ol dispela paiawut i drai pinis ol i save katim gen na draim gut gen long san na pasim ol mekpas na karim i go bek long haus bilong ol na bihain salim long ol strit maket.

Wampela yangpela meri em hapkas Salamaua insait long Morobe provins na hap

Sepik Nisan John i tokim Wantok olsem em i save karim ol paiawut em i kisim na karim i go salim long rot maket long Saina taun na long Bumbu eria.


Julie i tok em i save salim ol wan wan mekpas paiawut long K1 na K2.

Em i tok tu olsem planti ol lain husat i save stap long ol skwata setelmen i save baim paiawut long em na em i gat planti ol kastoma bilong em. Olsem na olgeta de em i save go long Voco Poin na bungim bungim ol hap diwai em solwara i karim i go long nambis na katim na draim na bihain karim i go salim long ol rot maket olsem paiawut.

Cat® 120H

Motor Grader

blends productivity and durability to give you the best return on investment.



Matched and Balanced Components

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

Operator's Station

Low effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

Servicability

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimize downtime.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

Product People Commitment.

We deliver.



KAM LONG PILAI: Ol skul Pot Mosbi skul meri i kamap long bung bilong ol spotmeri we ol biknem spotmeri olsem Dika Toua na Mae Koime i kamap long toktok.



NUPELA YUNIFOM: Souths Warriors ragbi lig klub long Madang i amamas long nupela yunifom em Lae Bildas kampani i baim bilong ol wantaim ol arapela samting bilong pilai wantaim K6900 kos.




KOAN YU KAMI Kaput pilaia i toktok long Hardrock pilaia long Gerehu Kantri soka long Gerehu Hai Skul soka graun las wik. Ol strongpela pilai i kamap long dispela graun.



BAI YU KISIM: Dispela pilaia i tok long birua bilong taim em i paitim bal long Fairfax volibol kompetisen long Taurama Lesa Senta long las Sarere. Bikpela ol pilai i kamap long hap.



TENK YU: Coca Cola Amatil (PNG Ltd) i givim K10,000 long Pot Mosbi netbol long las wik Sarere. Sanap em ol opisel bilong Pot Mosbi netbol asosiesen wantaim ol pilaia.



EM I TRU: Mae Koime i sanap namel long Dika Toua (lep han) na Rita Kari long taim ol i toktok long ol skulmeri long Vulupindi Haus long las wik Sarere. Planti ol meri i kamap long dispela bung.

RAGBI LIG		09:10		10:40		10:00		3:00pm		
NRL		Manambu vs Tawala	D1	Koro Boro vs Living Light Academy	(U11)	Sevese Morea vs June Valley	(1)	PRK Amoana vs Saturday 2 Ltd 1		
Fraide 26/05/06		Rapatona vs PNG Gardener	WP	Gordon IEA vs Bambi Primary	(U11)	Esco Telstars vs Snax Mermaids 1	(2)	Div 3	Kot 5	
8:30 Knights vs Dragons		11:30 Papite Utd vs Apex	D3	Coronation Primary vs St Theresa Primary	(U12)	Monier Paramana vs City Pharmacy Rebels	(3)	1:00pm	Island Girls vs Poinimo 1	
Sarere 27/05/06		12:10 LBC Defence vs Hills Naniu	PR	Sacred Heart Primary vs St Josephs	(U12)	10:00	Ted Diro 1 vs Bavaroko Primary	(4)	2:00pm	Saturday 2 Ltd 2 vs Veupunama 1
2:30 Broncos vs Bulldogs		13:20 PS Rutz vs Souths Utd	U21	Koro Boro vs Living Light Academy	(U12)	10:00	Kingston Sparrows 1 vs St Michael's Primary	(5)	3:00pm	Esco Telstars 4 vs Boku
2:30 Cowboys vs Raiders		14:30 LBC Defence vs Hills Utd	PREM	Ela Murray vs Banbi Primary	(U12)	10:00	Aroma Coast vs St Theresa's Primary	(6)	Div 4	Kot 6
7:30 Sharks vs Warriors		Bisini 2		NETBOL		U15B		Div 5		
Sande 28/05/06		08:00 University vs Guria	PR	POM		10:00		1:00pm		
2:30 Storm vs Panthers		09:10 Mungkas vs BMobile	D1	Sarere 27/05/06		10:00		2:00pm		
2:30 Rabbitohs vs West Tigers		10:20 PS Rutz vs Souths Utd	WP	JUNIA		10:00		3:00pm		
3:00 Eels vs Roosters		11:30 WMI vs Los Negros	WP	Divisen		10:00		3:00pm		
Bai: Sea Eagles		12:40 Hills Naniu vs LBC Defence	U21	U10A		10:00		3:00pm		
SP KAP		13:20 Mirel Momase vs Rapatona	PREM	U10B		10:00		3:00pm		
Sande 28/05/06		15:00 PS Rutz vs Souths Utd	PREM	U10C		10:00		3:00pm		
3:00 Mioks vs Cowboys (Lae)		Sir John Guise Stadium		U17A		10:00		3:00pm		
3:00 Warriors vs Muruks (Kdwa)		Sande Me 28, 2006		U17B		10:00		3:00pm		
3:00 Gurias vs Lahanis (Goroka)		No games. BYE: McClarence D2, Murat W1, PNG Gardener U21		U17C		10:00		3:00pm		
3:00 Bulldogs vs Bombers (POM)		Mid wik gem		U17D		10:00		3:00pm		
Bai: Raiders		Trinde Me 30, 2006		U17E		10:00		3:00pm		
POM RAGBI SP League 2006		1600 Bavaroko vs Sobou		U17F		10:00		3:00pm		
PRL1		No games for D2, D3, PR, W1 and U21 at SJGS for 2x weekends due to EPC Meeting. PMSA will seek other fields to play outstanding matches at a later date.		U17G		10:00		3:00pm		
09:30 Magani vs Hawks		POM SKUL SOKA		U17H		10:00		3:00pm		
10:30 West vs Waliya		Koro Boro International School (Boroko drive site)		U17I		10:00		3:00pm		
12:00 Magani vs Hawks		Sarere Mei 27, 2006		U17J		10:00		3:00pm		
01:30 Defence vs Paga Panthers		Top 1 (pilai graun)		U17K		10:00		3:00pm		
03:00 Brothers vs Butterflies		08:00 Noblete Elementary vs Ela Murray Inter. (Divisen 6)		U17L		10:00		3:00pm		
PRL2		08:40 POM Grammer vs Salvation Army (U7)		U17M		10:00		3:00pm		
09:00 Tarangau vs Souths		Top 2		U17N		10:00		3:00pm		
10:00 West vs Waliya		08:00 Koro Boro (B) vs Koro Boro (A) (U6)		U17O		10:00		3:00pm		
11:00 Defence vs Paga Panthers		08:40 Koro Boro (B) vs St Josephs Inter (U7)		U17P		10:00		3:00pm		
PRL3		Top 3		U17Q		10:00		3:00pm		
09:00 Brothers vs Butterflies		08:00 St Josephs Inter vs Living Light Academy (U6)		U17R		10:00		3:00pm		
10:00 Kone Tigers vs Dobo Warriors		08:40 Koro Boro (A) vs Living Light Academy (U7)		U17S		10:00		3:00pm		
11:00 Brothers vs Butterflies		Top 4		U17T		10:00		3:00pm		
12:30 Kone Tigers vs Dobo Warriors		8:40 Ela Murray Inter vs Noblet Elementary (U7)		U17U		10:00		3:00pm		
02:00 Royals vs Puma		Road 2		U17V		10:00		3:00pm		
03:30 Magani vs Hawks		08:00 Gordon IEA vs St Theresa Primary (U8)		U17W		10:00		3:00pm		
Sande Me 28, 2006		08:40 Koro Boro (B) vs St Josephs International (U8)		U17X		10:00		3:00pm		
PRL 1		09:20 Koro Boro (A) vs Living Light Academy (U8)		U17Y		10:00		3:00pm		
09:00 Royals vs Puma		10:00 Ela Murray Inter vs Noblet Elementary (U8)		U17Z		10:00		3:00pm		
10:00 Kone Tigers vs Dobo Warriors		Road 1		U18A		10:00		3:00pm		
11:30 Royals vs Puma		08:00 POM Grammer vs Salvation Army (U9)		U18B		10:00		3:00pm		
01:00 Tarangau vs Souths		08:40 Koro Boro vs St Josephs International (U9)		U18C		10:00		3:00pm		
03:00 BB Bulldogs vs LBC Bombers		09:20 Koro Boro (Bko East) vs Sacred Heart (U9)		U18D		10:00		3:00pm		
SOKA PMSA		10:00 Ela Murray vs Noblet Elementary (U9)		U18E		10:00		3:00pm		
Sarere Mei 27, 2006		Road		U18F		10:00		3:00pm		
Bisini 1		10:40 Gordon IEA vs Sacred Heart Primary (U10)		U18G		10:00		3:00pm		
08:00 Markham Yarang vs PNG Gardener		11:20 Koro Boro (B) vs St Josephs International (U10)		U18H		10:00		3:00pm		
09:10 B/Kimuls vs Cosmos		12:00 Koro Boro (A) vs Living Light Academy (U10)		U18I		10:00		3:00pm		
10:20 DBTI vs Marham Yarangs		12:40 Ela Murray vs Bava International (U10)		U18J		10:00		3:00pm		
11:20 Sunset vs Badili Utd		TOP		U18K		10:00		3:00pm		
12:30 B/Kumuls vs Cosmos		09:20 POM Grammer vs Salvation Army (U11)		U18L		10:00		3:00pm		
13:20 Telikom vs University		10:00 Sacred Heart vs St Josephs International (U11)		U18M		10:00		3:00pm		
14:30 B/Kumuls vs Cosmos		Sande Mei 28, 2006		U18N		10:00		3:00pm		
Bisini 2		Bisini 1		U18O		10:00		3:00pm		
08:00 Mirel Momase vs Rapatona		08:00 University vs Guria		U18P		10:00		3:00pm		
09:10 Kuruti Andra vs Bavaroko				U18Q		10:00		3:00pm		
10:00 Mirel Momase vs Rapatona				U18R		10:00		3:00pm		
11:10 Hills Naniu vs Manambu				U18S		10:00		3:00pm		
12:00 Los Negros vs Verave				U18T		10:00		3:00pm		
13:10 Guria vs Lamana				U18U		10:00		3:00pm		
14:20 University vs Guria				U18V		10:00		3:00pm		

Strongim meri long spot

INAP olsem 35 skulmeri long 17-pela skul long Pot Mosbi i bin bung wantaim ol biknem spotmeri long las wik Sarere.

PNG Women (meri) In Spot (WIS) i bin statim 2006 mentoring program bilong em long las wiken we ol biknem spotmeri bilong nau na bipo olsem wetlifia Dika Toua, Rita Kari na rana Mae Koime na ol bipo meri olsem Iamo Launa, Veitu Diro, Elizabeth Wells na sampela moa. WIS i kamap bilong strongim ol meri long go insait long wok na



kamap long ol pilai.

Planti toktok i kamap olsem spot i wanela bikpela samting long helpim laip bilong manmeri na moa yet long ol meri we planti taim ol meri i stap bihain tumas long dispela.

Ol i hop olsem bihainim dispela program moa ol meri bai go insait long ol pilai na strongim ol yet long laip.

Na tu long PNG bai gat sans long painim yet ol gutpela spotmeri long skruim pilai bilong dispela ol biknem meri.

Ol meri we dispela grup i lukluk long em em yangpela we krismas bilong ol i stap long 10 yia na i go antap long 19.

Moa ol bikpela bung bai kam bihain long strong dispela tingting.

Toksave

Sapos yu laikim *Wantok nius-pepa* i putim dro bilong yu orait salim i kam long dispela etes pzuwani@wantok.com.pg o editorial@wantok.com.pg o long feks namba 325 2579. Plis salim bipo long Trinde olgeta wik.




Blues winim namba wan gem

Bikpela boi Civoniceva skelim tingting



Foto: AAP Image/Jenny Evans

MIPELA YAH! Ol Blues i amamas na holim pasim ol yet bihain long ol i winim namba wan Stet ov Orijin pilai long wanpela lewa bruk pilai 17-16 long Telstra Stedum long Sidni, Australia long nait. Na man husat i brukim lewa bilong ol em nupela hap bek Brett Finch husat i hopim skoa bod na pasim skoa bot wantaim fil gol bilong em. Namba tu Stet ov Orijin pilai bai kamap long Jun 14, long Brisben.



KLIA: Petero Civoniceva i kisim takol long wanpela Blues pilaia long dispela orijin pilai.

PETERO Civoniceva i tok em i wok long skelim gut tingting olsem em i mas soim rot bilong pilai long ol yangpela Kwinsien Maroon long dispela Stet ov Orijin.

Em i wanpela pilaia husat krismas bilong em i bikpela long ol arapela pilaia. Civoniceva nau i gat 30 krismas na Steve Price bilong Nu Silan Warriors i gat 32 krismas. Dispela tupela pilaia i bikpela long ol arapela.

Ol arapela pilaia em krismas bilong ol i stap aninit long 26 na go daun.

Long dispela namba wan Stet ov Orijin ol Maroons i gat 7-pela nupela manki tru.

Na dispela Civoniceva i tok pilai bilong ol i gutpela na em i wok long tingting olsem sapos em i no pilai gut dispela ol yangpela bai kisim ples bilong em long pilai.

Na sapos sampela samting i rong long pilai planti taim em ol i save rausim ol lapun.

"Em dispela samting i save kamap long mipela ol bikpela pilaia," Civoniceva i tok. "Dispela ol yangpela husat i kam nau bai kisim ples bilong mipela na olsem em i bikpela samting mipela i mas soim ol long wei bilong pilai."

"Mi wantaim Steve i laki long ol i selektim mitupela long pilai long dispela namba wan Stet ov Orijin tasol i gat narapela tupela Orijin pilai i stap yet. Na tru tumas mitupela i laik long pilai gut."

Wan rum man bilong Civoniceva em Matt Scott. Scott em dispela yangpela bagaros bilong Not Kwinsien em planti manmeri i kirap nogut long em i stap insait long dispela bikpela pilai long wanem ol i ting em i nupela manki tumas. Tasol Scott i man tru bilong pilai ragbi!



AAP Image Action photography/Jenny Evans

MI KAM: Bikpela boi bilong ol Blues Willie Mason i lukluk na singaut taim em i skoaim trai long aste nait long helpim ol Blues i winim ol Maroons 17-16 long Telstra Stedum. Maroons Petero Civenociva (baksait) i no bin inap long pasim em long dispela taim.

NRL 2006 POIN LATA					
Klab	P	W	D	L	B P
1. KNIGHTS	11	8	3	0	0 16
2. COWBOYS	10	7	3	0	1 16
3. STORM	10	7	3	0	1 16
4. BRONCOS	10	7	3	0	1 16
5. BULLDOGS	10	7	3	0	1 16
6. SEA EAGLES	11	6	5	0	0 12
7. SHARKS	10	5	5	0	1 12
8. ROOSTERS	10	5	5	0	1 12
9. DRAGONS	10	5	5	0	1 12
10. PANTHERS	10	5	5	0	1 12
11. TIGERS	10	4	6	0	1 10
12. RAIDERS	10	4	6	0	1 10
13. WARRIORS*	10	4	6	0	1 6
14. EELS	10	2	8	0	1 6
15. RABBITOHS	10	0	10	0	1 2

Tok kila: P: Pilai, W: Win, L: Lus, B: Bai, D: Dro, PTS: Poin

SPOT RAUN

wantaim

SCOTT VAVINE



PNG Spot Faundesen

LONG las kolum, mipela i bin toktok long ol sampela hap we dispela Spot Faundesen bai wok long em.

Long dispela wik mipela bai i go moa long toktok long sampela hap.

I olsem mi bin tok pinis long las wik dispela Faundesen i gutpela we i gat planti ol kona bai strongim em.

Tasol sapos em i laikim dispela sapat na lukim kaikai bilong wok bilong em orait em i mas lusim sampela ol pasin bilong tupela olupela bodi em PNG Spot Komisen na PNG Spot Federesen we ol i save mekim.

Sampela ol wok em tupela bodi i mekim i wankain. Moa yet sampela program bilong ol i nogat bikpela wok bilong ol. Long strongim wok bilong Faundesen em i mas lukim na glasim ol program na kamapim ol program we i gat bikpela wok long ol tasol.

Na we program i nogat bikpela wok bilong em dispela em i mas rausim. Na we wanpela program i gat tupela hap em i mas bungim tupela na kamapim wanpela.

As tingting bilong Faundesen em long kamapim ol sans we ol pipel bilong PNG i developim ol yet long wok na kamap long ol pilai long lokel, nesenel na intanesenel level.

Long pastaim ol program mipela i lukim planti helpim i go long liklik lain manmeri na planti ol spotmanmeri i no save kisim kain helpim.

Dispela Faundesen i laik lukim olsem olgeta pipel bilong PNG i gat sans long soim save na strong bilong ol long pilai.

Taim kain samting i kamap Gavman na ol spot etministreta bai gat sans long lukim husat i gutpela pilaia na kisim ol aninit long trening program bilong ol long kamap long ol bikpela pilai.

Long lukim kaikai bilong Faundesen i mas i gat ol as tingting, ol rot bilong bihainim na kamap long dispela ol as tingting, rot bilong lukim olsem olgeta manmeri i gat sans long pilai, olgeta i gat sans we ol manmeri i luk-save long strong na save bilong ol long pilai na i gat gutpela trening long ol gutpela spotmanmeri.

Long helpim dispela Faundesen i gat sampela ol provinsol gavman husat i mekim gutpela wok na sampela provinsol spot opisa husat i ken helpim na ronim ol pilai long lukim dispela ol sevis i go long olgeta lain manmeri. Na long lukim ol provinsol spot opis i mekim wok i mas i gat gutpela sapat i go long ol.

Tasol long wankain taim ol provinsol spot opisa i mas pas long wok bilong ol na i no lukim olsem em i narapela samting tasol.

Moa yet Faundesen i mas lukim olsem ol provinsol spot opis i mekim wok bilong ol. Long planti taim nesenel bodi i save stap tasol na i no lukluk go insait long wok bilong ol provinsol opis. Dispela i lukim ol provinsol opis i mekim wok o nogat.

Dispela nupela Faundesen i gutpela bodi na olsem em yet i no inap long karim kaikai inap long olgeta lain husat i bungim han na kamapim dispela faundesen i givim gutpela sapat bilong ol i go long em.

Na long ol opisel Faundesen i mas lukim olsem save em ol opisel i gat long em ol i mekim wok inap long mak bilong save em ol i gat long em.

Lahanis o Guria

husat i strong?

James Kila i raitim

SIR Danny Leahy oval long Lopi strit, Goroka bai paia lait stret long dispela Sande taim 2005 SP Kap sempion tim Agmark Rabaul Gurias i pilai wantaim Coca Cola Lahanis.

Dispela gem bai gutpela tru bikos em bai soim stret strong bilong dispela tupela tim husat i ron long poin lata bilong SP Kap resis bilong dispela yia.

Guria na Lahani i winim olgeta gem bilong ol long gutpela skoa tru na dispela wiken ol bai soim husat tru i lida bilong SP Kap.

Guria i bin soim strong bilong em long winim 3-pela gem egensim Wari Vele Raiders 37-12, Pagini Warriors 36-nil na bihain Chemica Cowboys 40-8.

Wankain long ol Guria em ol Apo bilong ol Nokondi kantri Lahanis husat i bin winim namba wan pilai bilong ol egensim Toyota Mioks 24-16 na bihain i bin stap bai na long namba tri raun em long las wiken i bin memeim Wari Vele Raiders 62-12 long hom graun bilong yet tu, Sir Danny Leahy oval.

Tupela sait wantaim i gat gutpela ol pilaia husat i save long ritim gem gut na i ken kamapim gutpela sans long putim trai.

Agmark Guria em i wanpela pawa tim we i save lukim beklain bilong ol. Ol i gat moa spit we i save givim bikpela hetpen tru long ol lain birua bilong ol. Tasol ol boi bilong ol Lahanis tu i redi gut tru na bai traim hat long winim dispela gem egensim Guria olsem na planti manmeri tru insait long Goroka husat i sapatim ragbi lig bai putim lain stret i go long Sir Danny Leahy oval long lukim dispela bikpela pilai.

Kosa bilong Coca Cola Lahani, Hans Kaybing i mas lukluk gut tru na putim ol pilaia bilong em husat i ken sanapim gutpela banis egensim ol boi Tobras, bikos



HOLIM EM: Warriors seken ro (rait han) Joe Kupsie i kisim strongpela banis long han bilong ol Mioks long Dixon Oval long Kundiawa las wik. Ol Warriors

sapos em i no mekim dispela ol bagaros bilong Rabaul bai daunim ol boi bilong ol Nokondi kantri.

Ol Tobaras i save pilai gut tru olsem tim-futbol na ol i no save sot win taim ol i lukim olsem ol birua bilong ol i go strong egensim ol.

Ol fowat bilong Lahanis olsem Sigfred Gande, kepten Nigel Hukula, Adam Bill, Kasawa Kauga na Nicko Slain i mas wok hat long traim stopim ol dispela bagaros bilong Tolai.

Ol fowat bilong ol Guria i gat ol gutpela pilaia olsem Dusty Mockly, Sam Ponda, Waren Teno na tupela brata Rodney na Baltasa Pora, Chris Lome, Rolly Matalau na Benson Kanini. Long beklain na hapbek posisen bai lukim gutpela salens tru i kamap taim yangpela hapbek Walter Hasu wantaim faivet Mark Siwi i traim hat

long redim rot bilong ol beklain bilong ol olsem Gamet Auwo na Kusiri Wong wantaim ol winger olsem Alphonse "Utai" Kapil na Bernard Oihafa.

Ol bai traim strong bilong ol Guria husat i gat ol biknem pilaia olsem Menzie Yere, Chris Purkikil long senta, Ricky Sibiya, Jessie Alunga long hapbek, Wesley Jotori, wantaim ol narapela gutpela pilaia husat i ken helpim ol Guria long win.

Nau yet planti ol ragbi lig sapat na insait long Goroka na Isten Hailans i redi gut tru long lukim dispela bikpela pilai we bai kamap long Goroka.

Long ol arapela pilai em Bombers bungim Bulldogs long Mosbi, Mioks ron wantaim Cowboys long Lae na Muruks kalap wantaim Warriors long Kundiawa. Stap bai em Raiders.

Warriors pinisim Mioks strong

Bustin Anzu i raitim

PAGANI Warriors i bin winim namba wan SP Kap ragbi Lig pilai bilong ol las wik long Dickson Oval long Kundiawa.

Dispela win em i namba wan bihain long tupela lus taim SP Kap pilai resis i stat klostu wanpela mun igo pinis.

Dispela pilai bilong ol wantaim Toyota Mioks we ol Warriors i win 10-8 i soim tru

kala bilong ol olsem ol tu bai wokim nem bilong ol insait long dispela bikpela ragbi lig pilai resis.

Dispela pilai i no kamap long sampela nupela mak long wanem tupela tim wantaim i no bin pilaim sampela gem plen. Tasol ol i pilai wan wan na i no pilai olsem wanpela tim we i gat plen na kodinesen.

Samting olsem 6000 manmeri i bin kamap long lukim dispela pilai, we i

nogat wanpela trabel na ol sapat i amamas long dispela pilai.

Referei John Ropa bilong Mount Hagen, husat i referim dispela gem, i bin stap aninit long planti presa tasol i bin lukautim gem gut.

Kosa bilong Mioks Sutherland Yore i sutim tok long Ropa long planti paul pasin long taim bilong pilai. Tasol em i tok tu olsem ol asples i bin redi na kaikaim tit long win.

olsem na ol, i ken kisim dispela tupela poin.

Ol Warriors i skoa taim nupela impot pilaia bilong ol, olupela fowat bilong Whagi Tumbe Ben Ezekiel, husat i kisim wok bilong kepten i skoa long kona. Em yet i kik tasol kik i no go insait long mekim gutpela konvesen.

Samting olsem 20-pela minit i go pinis na winga Leo Munjuk bilong Mioks i skoa long levelim poin. Faiv et Andrew Sam i kik i go insait na ol Mioks i go pas.

Lahanis bagarapim tru Raiders

James Kila i raitim

FAIV EIT Mark Siwi na winga Alphonse "Utai" Kapil i helpim gut tru ol Goroka Coca Cola Lahanis long bagarapim sindaun bilong Wari Vele Raiders 62-12 long Goroka las wiken.

Plantu manmeri i bin kapa-sait long lukim ol boi bilong Lahanis i pilai.

Siwi i bin opim namba wan tra na tu bihain yet em i putim namba tu tra gen long opim skoa buk bilong Lahanis insait long fes hap.

Ol boi bilong Wari Vele Raiders i bin traim hat tru long stopim ol Lahani tasol

bikos ol i nogat eksperiens ol i bin lusim stail bilong ol long stopim ol bikpela fowat bilong ol Lahanis olsem Adam Bill, huka Kerenga, Nicko Slain wantaim kepten Nigel Hukula, Wayne Warigiso.

Ol Raiders i bin skoa im namba wan tra bilong ol long fes hap taim faivet Gari i setim bikpela fowat Andrew Norman husat i bin pilai strong tru na em i givim i go long Roy Tela husat i go putim trai.

Bihain long dispela Morea yet i mekim wanpela gutpela ran na i abrusim ol Lahanis pilaia na mekim dami na ron

i go putim namba tu tra bilong ol Raiders. Tasol namba tu hap i lukim olgeta gem i stap long han bilong ol Lahanis taim ol tromoi bol i go kam na mekim ol lain Raiders i win sot.

Man husat i ron na putim tupela tra bilong Lahanis em Alphonse "Utai" Kapi i soim stret pawa bilong em long ron long wing.

Adam Bill wantaim Kerenga tu i soim gutpela sapat pilai stret na ol i wilwilim ol dispela tim bilong Mosbi 62-12. Raiders i gat longpela rot bilong go.

WIKEN MAK

Guria 40 winim Cowboys 8
Lahanis 62 winim Raiders 12
Muruks 32 winim Bulldogs 18
Warriors 12 winim Mioks 10
Bai: Bombers

SP KAP 2006 POIN LATA


Klab	P	W	D	L	B	T	PTS
Guria	2	2	0	0	0	96	6
Lahanis	1	1	0	0	1	58	6
Muruks	2	2	0	0	0	54	6
Bombers	2	1	0	1	0	-12	4
Mioks	2	1	0	1	0	-6	2
Bulldogs	1	0	0	1	1	-18	2
Warriors	2	0	0	2	0	-42	2
Cowboys	2	2	0	1	0	-45	2
Raiders	2	0	0	2	0	-85	0

Tok klia: P = namba bilong pilai, W = win, D = dro, L = Lus, B = bai, T = total namba bilong ol poin bilong foa na egensim tim na PTS = poin.

BOC kam gut long long ragbi

ragbi lig sponsasip

Paul Zuvani i raitim



GUTPELA SAPOT: BOC kantri menesa Bob Parrish (rait han) wantaim foapela wokman bilong em long Lae seils opis we ol i putim jesi bilong PNG Anda 19 tim.

BOC PNG Ltd long wanpela taim gen i sponsaim 2006 BOC Gas Junia Anda 19 Jon sempionsip bilong dispela yia.

BOC kantri menesa Bob Parrish i bin givim K50,000 sponsasip long PNGRFL sif eksekutiv opisa Jeff Wade long Lae i no long taim i go pinis.

Long taim bilong mekim dispela sponsasip Parrish i tok dispela sponsasip i bihainim tasol olupela pasin em BOC i save mekim i go long sponsaim ragbi lig long kantri.

Em i tok las yia na ol yia i go pinis BOC i save sponsaim sait bilong Lae tasol moa yet long Souths tim we i no moa ron nau long kompetisen. Tasol long dispela yia em i senis na lukluk long bikpela piksa.

BOC Gas Anda 19 Jon Sempionsip bai kamap long Madang Ron Alberts ragbi lig graun we nau yet i wok long go aninit long bikpela senis. Ron Albert graun i hom graun bilong SP Kap tim, Mendi Muruks.

Dispela sempionsip bai kamap long Julai bihain long dispela yia.

Foapela Jon em long Ailan, Hailans, Noten na Sauten salens long dispela taitol. Nau yet em Noten Jon i sempion bilong dispela nesanel jon sempionsip.

Pastaim long nesanel Jon sempionsip wanwan ol jon bai holim rijinel sempionsip bilong ol bipo long ol i makim tim bilong ol long kamap long nesanel sempionsip.

Long rijinel sempionsip ol tim husat i winim pilai bai kisim K1000 praismani.

Long ol arapela sponsasip em BOC i mekim em i bin sponsaim dispela Anda 19 tim we i bin go daun long Not Kwinsten Cowboys trael pilai long Cairns na Mackay bipo long stat bilong 2006 Nesanel Ragbi Lig (NRL) sisen.

Bikpela sapot

lig

Bustin Anzu i raitim

NAMBA wan sponsa bilong Pagani Warriors i tok em bai sponsaim Warriors long 10-pela yia olgeta, mekim olsem wanpela longpela sponsa bilong ol.

Bosman bilong kampani na siaman bilong Warriors bot John Nilkare i tokaut long dispela long ol narapela sponsa na ol pipol bilong Simbu long Dickson Oval long las wiken bipo long pilai namel long Warriors na Toyota Mioks i stat.

Nilkare i tok bikpela tingting bilong em long stap wantaim dispela tim bilong Simbu na mekim em olsem wanpela strongpela tim we bai pilai resis insait long dispela pilai.

Namba bilong ol narapala bisnis haus na kampani insait long Simbu i soim olsem ol i stap baksait long ol Warriors stret. Ol i bin pasim tingting long kirapim bek ragbi lig insait long provins.

"Pagani bai sponsaim Simbu Warriors long 10-pela yia olgeta. Mipela bai stap wantaim dispela tim

bilong Simbu long pilai insait long dispela bikpela SP Kap resis," em i tok.

Em i tok tu olsem planti askim i bin kamap pinis olsem bilong wanem na Warriors i lusim tupela gem pastaim. Tasol dispela em pilai na planti bilong ol dispela pilaia em ol manki long ples na bai kisim sampela taim long kisim gut save bilong pilai.

"Yes em i tru olsem mipela i lus, yes, em i tru olsem mipela i pilai. Tasol mi laik bai yupela i givim mipela sampela taim na bai yupela lukim kaikai bilong en," em i tok.

Tupela gavana bilong provins, Peter Ipatas (Wabag) na Peter Launa (Simbu) i bin stap na lukim dispela pilai tu.

Em i tokim ol manmeri bilong Simbu tu olsem pasin bilong pait na bagarapim samting bilong pilai i mas noken kam bek gen long ples bilong pilai.

PNGRFL i no tok orait long Simbu long holim ol kain bikpela pilai olsem na ol sponsa i bin strong tru na kisim ol pilai long ples bilong ol na ol i mas lukautim na pilai stret long wei bilong pilai.

Kundiawa lig

KUNDIAWA ragbi lig long Simbu Provins bai kisim 7-pela tim tasol long pilai resis long dispela yia.

Presiden Michael Thomas i tokim Wantok Niuspepa long las wiken olsem 7-pela em namba inap na ol i no inap long kisim sampela moa olsem pastaim.

Thomas i tok tu olsem long pastaim i save gat planti tim na ol i save painim hevi long holim ol gem na tu wantaim kampek bilong SP Kap, ol i laikim olsem 7-pela em i

wanpela gutpela namba stret long ronim.

Em i tok long pinis bilong narapela wik, olgeta registresen bilong ol pilaia na afiliesen fi bilong ol klab i mas pinis.

Ol klab nau i pilai resis long dispela yia em Kombuk Kama Investment Tarangau, Hawks, Eagles, Wara Simbu Masalais, Knights, East Kongo na Raiders. Ol dispela klab i gat A gret, Risev na Anda 18. Taranagau, wanpela olupela na stail klab bilong 80s na 90s i soim pes gen

Hanku laik bihainim Nandex tekma

Nem: Laurie Hanku.

Gonde: September 10, 1987.

Kisimas: 19.

Longpela bilong em: 169 cm.

Hevi bilong em: 71kg.

Provins: Sauten Hailans Provins.

Klab: Nandex Muay Thai kickboxing School Pot Mosbi.

Hamaspela yia yu trening kikkoksing: 6-pela yia.

Yu traim ol narapela we bilong pait tu o nogat Boxing tasol mi pait insait long ol narapela tonamen olsem Karate, Taekwondo na boksing.

Rekot bilong pait: 11-pela pait (KB) na olgeta em win tasol. Mi no lus long wanpela yet.

Ol tonamen yu stap insait long en: 8-pela tonamen olgeta.

Wanem ol intanesenel na lokol pait yu i stap insait long en: Mi no pait long intanesenel pait yet tasol lokol em 8-pela.

Husat intanesenel sta yu save laikim: Sylvester Stallone taim em i ekt olsem "Rocky".

Wanem tingting bilong yu long spots na tu long laip bilong yu: Nau yet mi lukluk tasol long kisim dispela wol taitol.

Fevret kaikai: Frai rais na kakaruk.

Fevret dring: Sprite.

Fevret intanesenel paitman: John Arch.

Fevret PNG paitman: Gabby Yura.

Ol narapela spot yu save pilai: Boksing tasol.

Trening taim bilong yu i save ron olsem wanem: Moning mi save ron tasol, long san mi save mekim ol pus-ap na sit-ap na long avinun mi save paitim bek.

Husat i mekim yu laik joinim kikkoksing: Mi bihain Stanley tasol taim em i kirapim kikkoksing.



Stori/poto: ANDREW MOLEN

Kikkoksing i mekim wanem long laip bilong yu nau: Laip bilong mi nau i senis na i no olsem bipo. Nau planti manmeri save luksave long mi-ating dispela em i gutpela samting.

Toktok bilong yu i go long ol yangpela manmeri na ol narapela paitman i kam bihain long yu: Maski long stap nating na stil o mekim ol bikhet pasin nabaut. Lusim kain pasin bilong kisim drak na simok. Kam na yumi olgeta wokbung wantaim bai kantri bilong yumi ken ron gut.

Hap hap spot

Minj 9s ragbi pilai

MINJ Coca Cola ragbi lig 9s i pinis gut long las wiken. Divisen bilong ol meri i lukim Minj InterOil Sisters win, KK Cowboys long C Gret, Minj West long B Gret na Poka Knights long A Gret. Inap olsem 27 tim we 13-pela em ol meri tim na 14-pela em ol meri tim i bin kamap long dispela tonamen. Long taim bilong givim ol prais Coca Cola Amatil (PNG Ltd) Hailans rijon i tokim ol pipel olsem kampani bai skruim yet sponsasim long dispela tonamen long ol yia i kam

Mioks rikrut

OL Toyota Mioks i kisim wanpela nupela rikrut bilong ol long Madang ragbi lig long dispela wik em Solo Koromba bilong Madang Souths Warriors klab i bin pilai wantaim ol arapela klab olsem Diwai na Royals. Planti ol SP Kap tim i wok long rikrut tu long ol pilaia long Madagn ragbi lig olsem Warren Teno long ol Agmark Guria, Junia Ropra na Mark Warua (LBC Bombers). Ol Mioks i mekim ol rekrut long strongim tim bilong ol long dispela SP Kap pilai.

CCX Tigers kamap

LAS wik i bin lukim bikpela senis long Madang ragbi lig taim CCX Tigers i kapsaitim kompetisen lida Diwai 13-8 long Ron Albert Oval long mein gem. CCX i no bin pilai long Madang ragbi resis long klostu 5-pela yia na dispela yia ol i kamap gen. Dispela win bilong ol i bihainim tasol gutpela pilai bilong ol. Ol i bihainim tu gem plen bilong ol na i no mekim planti asua. Long mak bilong ol arapela pilai em Brothers brukim lek bilong Panthers 14-6 na LBC Souths Warriors stopim Tarangau 10-8.

Warriors gat sponsa

MADANG ragbi lig Souths Warriors i kisim gutpela sponsasip long ol Lae Buildas na Kontrektas. Dispela sponsasip i kamap long mak we kampani i baim ol unifom na ol arapela samting bilong pilai we mani mak bilong ol i sanap olsem K6900. Long taim bilong givim ol samting i go long ol Warriors Madang brens menesa Shane McCarthy i tok kampani i bihainim tasol pasin em i mekim long strongim ol wok na spot bilong komyuniti na kain mak i nupela. Em i tok klab olsem kampani bai skruim yet sapot bilong em.

Bears winim fainol

AIRWAYS Bears i bin strong tru long winim Manolos 8-7 long winim Pot Mosbi A Gret man gren fainol long Bisini Daimon long las Sarere. Tupela tim wantaim i bin strong long stat tasol Manolos i bin mekim asua long holim sampela bal long namba tu ining we dispela i lukim ol Bears long mekim foapela ran. Na taim Manolos i sanap gut na i laik long holim Bears dispela i lus olgeta we ol Bears i strong yet inap ol i win. Long dispela Sande em Airways Bears bai salens wantaim Gazelle long meri gren fainol.

Chauka i sempion

CHAUKA nau i 2006 Hailans meri soka sempion bihain long ol i stopim Telikom 4-3 long wanpela strongpela gren fainol long Hailans soka klab sempionsip long Goroka las wiken. Dispela tupela tim bilong Goroka yet i no bin skoa inap long ol i go long penolti sut aut long win.

LAE
BISCUIT CO.



WANTOK

SPOTS

LAE
BISCUIT CO.



Finch i brukim lewa

BRETT Finch, i brukim lewa bilong ol Maroons long aste nait taim em i opim skoa bod wantaim namba wan trai bilong ol Blues na moa yet long fil gol bilong em.

Dispela Sidni Siti Roosters hap bek i no bin stap long skwat bilong ol Blues long taim bilong tren tasol iong aste tasol i kisim singaut long go insait long pilai bihain long hap bek Craig Gower i kisim bagarap long trening.

Bihain long dispela ol i askim olupela boi Andrew Johns husat i ritaia long pilai we em i no laik na olsem ol i askim Matt Orford tasol gen em i kisim bagarap tu.

Bihain long dispela ol i askim Finch long kamap na pilai.

I gat toktok olsem em i nogat taim long tren wantaim ol Blues tasol em i mekim gut.

Na bipo long pilai i stap ol niusman i askim Andrew Johns sapos em i gat bilip long Finch na Johns i tokaut olsem em bai wanpela man nogut bilong ol Blues. Na tru tumas toktok bilong Johns i karim kaikai.

Inap olsem 77,000 manmeri long i stap long Telstra Stedum long lukim we planti ol arapela manmeri i lukim tu long TV bilong ol.

Long PNG ol manmeri i lukim long TV o harim long redio bilong ol.

Trai bilong ol Blues i kamap taim bal i pairap long bros bilong Maroons we i lukim Nu Saut Wels Blues hap bek Brett Finch i ksim lus bal ron long 15 mita mak bilong ol na pasim long wanpilaia bilong em na bihain kisim gen na ron i go long skoa. Konvesen i no kamap gut tasol ol Blues i go pas 4-0.

Dispela trai i kamap long 12-pela minit i go insait long namba wan hap.

Long 16th minit Brett Hodgson i skoa gen bilong ol Blues we i surukim poin bilong ol Blues i go antap 8-0 taim Brett Hodgson i no konvet gut.

Long 21 minute Willie Mason i skoa bilong ol Blues. Konvesen bilong Hodgson i go gut na i lukim ol Blues i go pas yet wantaim 14-0 skoa poin.

Long dispela taim Brait Anasta i mekim planti kik we i helpim gut ol Blues long ron na skoa.

Long hap NSW Blues i go pas 14-0.

Mal Meninga long taim bilong malolo i tok em i bilip 14 poin i no bikpela olsem ol bai kisim yet dispela mak.

Long namba tu hap pait i bin bruk long 45 minit tasol dispela em referi i stopim.

Long 50 minit Maroons winga Greg Inglis skoa na Jonathan Thurston i konvet. Dispela i kisim skoa i go antap 14-6.

Penolti kik long 62 minit i lukim Hodgson i konvet gut na Blues i go pas yet wantaim 16-6 skoa.

Long 72 minit ol Maroons i mekim sip kik we pilaia bilong ol Blues i no bin inap long holim. Dispela i lukim ol Maroons i kisim lus bal pasim i go kam long 20 mita mak bilong ol Blues na bihain pasim long Greg Inglis we em i skoaim namba tu trai bilong em.

Bihain long dispela Steven Bell i skoa bilong ol Maroons long 75 minit. Thurston i konvet gut na levelim skoa 16-16.

Tasol long 79 minit Brett Finch i brukim lewa bilong ol Maroons taim em i fil gol we i lukim ol Blues i winim namba wan 2006 Stet ov Orijin 17-16 skoa.



TAIM BILONG AMAMAS: Winga Matt King na hapbek bilong Blues Brett Finch, i amamas na holim pas bihain long win bilong ol long Stet ov Origin gem namba wan. *AAP image/Jenny Evans.*

PLET BILONG GIYIM KAIKAI NA WARA LONG KAKARUK

PLET BILONG KAIKAI
3kg, 6kg, 8kg, 10kg
na 15kg istap

PLET BILONG WARA
3lt, 5lt, 6.5lt na
10litre istap

Mipela igat kaikai bilong kakaruk; Starter, Grower na Finisher istap long 40kg, 20kg, 10kg na liklik 4kg paket.

Sapo!m wok didman tong yumi.

Brian Bell
Shop with a friend

BOROKO 325 5411 HCC, GORDONS 325 8469 HCC, LAE 472 3200 TOP TOWN 479 1918 GOROKA 732 1622 MT HAGEN 542 1999 KOKOPO 982 9027 MADANG 852 1899

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.